



Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a **Creative Commons Attribution-NonCommercial
3.0 Unported** (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

6362

Wojak - 10/2/77

Deener - 10/2/77

266

P-40

0

1 OCT 2009

ՃԱՌԱԳԱՅԹԸ



266
P-40

1932

266

R-40

ՃԱՌԱԳԱՅԹԸ

ՏԻԿ. Մ. ԲԷՅՆԷՍ-ՄՕՆԼՕՐ



133 թղ Դաղղիերէն տպագրութենէն թարգմանուած



1932

24 AUG 2013

6362

Այրն. Երեւանի քաղաքացիական
 Ժողովուրդի Միությունը
 և իր անդամները իր հայրենիքը
 Գաղափարն է՝ ազգային իրենց
 կրթությունը

Գաղափարներ

Գ. Մ.



3929.70

Յ Ա Ռ Ա Ջ Ա Բ Ա Ն

Աւեսարանի յաւիտենական հիմնադրամի վրայ աւանդաբան ընկեալ և միայն որ աւելցուցած էնի, գայն վերածելով իրական ձեռք ընկ. եւ ասոր հաւար օգնուած էնի Յիսուս Բրիստոսի ու իր սպրած ժառանգակիս վրայ գրուած Գրականական շաւազոյն գործերէն: Բրիստոսի կեանքիս վրայ եղած բազմաթիւ հրատարակութիւններէն, անոնք միայն որդեգրուած էնի՝ որոնք առեկեկ հնչողիս ուսումնասիրութիւնները ըլլալ կը կարծեմ: Օգոստոս քաղաք էնի ևս անգլիական սոցիալիստներէն, այն քաղաքիս երկարաւորութիւններէն՝ որոնք հաւար աւերոյց կեանքեր անհարուած են: Բրիստոսի ժառանգակից Հրեաներուն գաղափարները, բարեքերը, կեանքը, — ինչպէս ևս այն սքանչելի երկիրը, «Աստուծոյ պարսեզը», որ հիսուս անհասկացելի դարձած է քաղաքիս արեւուն յետոյ — բոլոր ասոնք, ևս այժմեան ասոնք պատկերացուած են որոշապէս: Պէտ է հոս երախտագիտութեանը յիշեմ որեւէ, Գարար, Էտրուսկեր-ճանաչանք Էտրուսկեր-Վիլիս եւ շատ ևս որիշներ. այս բոլոր անկեղծ հոգիները, իրենց սոցոս ընդհանր ևս կը փախաբեկի գիտեալ իրենց հոգիներուն հաւար իսկ թէ ո՞րն է յաւիտենական ընդդէմ:

Վերոյիշեալ ուսումնասիրութիւններէն գրեթէ աւելի կ'ելերադրեմ թէ Աւեսարանը գրուելէ շատ անց, Յիսուս Բրիստոսի աշակերտները հիսուսի շաւազներգութիւններուն ձեռքիս ևս, արդէն քերականի փոխանցած էնի իրենց վարդապետիս պատմութիւնը՝ օրորոյցիս սկսեալ միջեւ գերեզմանի:

Այս անսնուն երկր, նման սեսսկ մը ծիռն կսարի՝
որուն վրայ բազմաթիւ ձեռքեր անդնագործած էին,
նախնական Բրիստոնէսներու մէկ կաւ երկու սերունդիկ
աւելի չիրգաւ ապրիլ եւ դասապարտեցաւ անհետանալու,
երբ Բրիստոնի պատմութիւնը գրուեցաւ սուրբ Հոգիիկ
ներշնչումով:

Սակայն եւ այնպէս այս նախագիծը ունեցաւ իր յա-
ջողութիւնը: Յիսուսի ժամանակակիցները, անոր խօսե-
րէն եւ հրաշքներէն խորապէս ազդուած, փախաբար էին
վերապրիլ այն գորաւոր յուզումները՝ զորս զգացած էին
Անոր ներկայութեան: Եւ անոնք ճշգրիտ մանրամասնու-
թիւնով մը կրկին պատկած էին ինչ բան որ իրենց հոգի-
ներուն վրայ սպառնում էր անհետացող եզակի էակիկ
շարժումներէն, նայուածքէն ու շեշտներէն:

Անկէ ի վեր, քան դարերու շնորհաբան, նուիրակն
բնագրիկ եւ անոր մեկնութիւններուն շնորհքուածը, եկե-
ղեցական արարողութիւնները եւ քարոզութիւնը, գրակա-
նութեան եւ արուեստներու զուսի գործոցները, եւ վր-
ջապէս Աւետարանիկ արարած քաղաքակրթութիւնը, ա-
տոնք բոլորը մեր այժերուն առջեւ պատկերացուցած են
Յիսուս Բրիստոնի մը դեմքը՝ որ մարդու ձեռքով գծուած
չէ, բայց մեծ գայն կը ճանցնակ բնագրաբար:

Եւ այս գաղափարական դեմքը, որ շնորհանուրիկ կը
պատկանի, անհեռն սեպհականութիւնն է: Մեծ անհեռն
բերեւս անգիտակցաբար մեր մէջ կը կրենք գայն, նման
խորհրդաւոր յուշարթի մը՝ որ մեզ կ'առաջնորդի դեպի
դասաւորութիւն եւ դեպի գեղեցկութիւն:

Յարիսեական ճշմարտութիւնը անփոփոխ կը մնայ,
եւ սակայն մեր ձեռքերը անոր կը հպին, արդով անոր
մեր ժամանակիկ նկարագիրը ու մեր հոգիիկ դրոշմը...:
Եւ այս պաշտելի Պատկերիկ առջեւ կեցած, մեծ կ'ընդգը-

ձեռք իր յատկանշներէն այն՝ որ մեզ անհեռն աւելի կը
գրաւ:

Իր ճանքուն վրայ մեծ դրած են աւանդութիւն մը:
Գործիկ Ուղեծիներու պայտսիկ մէջ, նախնական նկա-
րիչներու գործեր հաւաքուած են: Այս նկարիչները՝ որոնք
մեծ մասաւր անմատոքներ են, իրենց պարզ կերպով
պատկերացուցած են երազները՝ որոնցով օրորուած են:
Ատոնք են պատկերներ հրեշտակներու, սուրբերու, Բրի-
ստներու եւ Մատոնաներու, որոնք կը ժպտին կաւ կ'ար-
տաւուն, խիստ կապոյտ երկիւններու սակ կաւ շատ խոշոր
ժողովներով մարգագեցիկներու մէջ: Այս պարզակիտ ար-
ուեստագիտները երջանիկ մեռան անսարակոյս, նոյնիակ
մոռնալով յաճախ ստորագրել իրենց գործերը. բայց բան
մը արարած, բոնից մը փորձած էին դեպի գաղափա-
րականը...:

Եւ նախնական նկարիչներու այս պատկերաւարանիկ
մէջէն կ'անցնի անբոխը, անսարքերութեանը նայելով
փախուկ կոյտերու անարուեստ դիմերուն եւ երեսայիկ
դեմքերու անկանոն գիծերուն: Բիշեր միայն - ֆիշեր կանգ
կ'անեն եւ կը խոկան...: Այս անկասար գործերուն նա-
յած ասեմիկն անոնք շեշտ կը կարծեն այն անփառունակ
հոգիներուն երգը՝ որուն մէջ իրենց հաւաստիկ պարզու-
թիւնը՝ կը խառնուի իրենց երազիկ քաղցրութեան...:

Ահա այդ «ֆիշեր» ուն հաւար գրուած են այս էջերը:

ՃԱՌԱԳԱՅԹԸ

Ա

Իրիկուան առաջին ստուերները կը տարածուէին Գէննէսարեթի լճին վրայ, Գալիլիայի լճին՝ որ իր ձեւովը եւ ջուրերուն ներդաշնակ ձայնովը քնարի մը նմանցուած է: Լճին գրեթէ եզերքը, կիտրոններու, նռնենիներու և դափնեվարդերու թաւուտքի մը մէջէն՝ աղօտ կերպով կը նշմարուէր Գամաղիէլի ճերմակ վիլլան: Թափանցիկ ու թեթեւ գոլորչի մը, նման ոսկեփոշիի, կ'ողողէր բարձր գմբէթին նեղ ու երկայն պատուհաններուն ցցուն ծայրերը: Վերը՝ լուսանցիկ վանդակապատով շքեղ պատշգամին վրայ, Գամաղիէլ ընկողմանած էր բարձերու վրայ և խաղաղ հորիզոնը կը դիտէր, շարունակելով հանդերձ լուրջ խօսակցութիւնը իր զարմիկին Նիկողէմոսի հետ:

— Անցեր են, եղբայր, այն խանդավառ յափշտակութեան երջանիկ օրերը: Ահա երկար տարիներէ ի վեր ես կ'ուսուցանեմ եւ կը կարծեմ թէ ինչ որ կայ սորվելու այս արեւուն տակ՝ արդէն շօշափած և հասանցուցած է աստուածաբանական հարցեր յուզելով և լուծելով. զոհերու և տօներու, Տէրօջը հանգստեան օրուան, տաղաւարահարաց տօնին վրաններու ձեւին կամ լոյսերու թիւին նկատմամբ ալ ուսումնասիրու-

թիւններ ընելով: Ան կը մեկնէր նաեւ իր նախնիքներուն խօսքերը և հարիւրաւոր աշակերտներ ալ իրենց կարգին կը մեկնէին իր խօսքերը: Հայրս Սիմէոն Րաբբին, գրեթէ յիսուն տարի մտիկ ընելէ վերջ, Հիլէլի և անոր անհաշտ ընդդիմադիր Շամմայի վիճաբանութիւններուն՝ մէկ խօսքի մը մէջ ամփոփեց այս կրակոտ վէճերը. « Լուութենէն լաւագոյն բան չկայ »:

— Սակայն և այնպէս դուն ալ կ'ուսուցանես և մեր վարդապետներուն մէջ նշանաւոր ես, ըսաւ Նիկողէմոս զարմանքով:

— Այո, կ'ուսուցանեմ, մարդոց համար մեծ պէտք մըն է հաւատալը: Որովհետեւ անոնք խիստ ծարաւի են գիտութեան: Անոնք կը փնտռեն, անոնք կը խնդրեն, չեն գիտեր թէ ի՞նչ: Ես կուտամ անոնց ինչ որ ունիմ, այն՝ զոր իմ եղբայրներս, որոնք բարձր ու ազնուական էին մարդոց մէջ՝ ինծի կտակած են: Սակայն երբեմն ես իսկ տաղաւկ մը կը զգամ այդ բաներուն խեղճութենէն: Անցեալ ձմեռ երբ ես իրենց կը բացատրէի թէ Շաբաթ օրը պէտք չէ բռն մը հազար քայլէն աւելի տեղ տանիլ — միայն թէ՛ առժամեայ ընակարանի մը մէջ կենալէ յետոյ ներելի է հազար քայլ եւս առնել — յանկարծ կանգ առի պատանիի մը խոհուն նայուածքին առջեւ, մին այն մաքուր նայուածքներէն՝ որուն մէջ կը կարծես տեսնել իր հոգին: Դէպի այդ տղուն ծռելով ըսի իրեն. « Միտքդ բեր դուն այն մեղեդիները զորս քու մայրդ կ'երգէր քեզ քնացնելու համար, երբ երախայ էիր: Աւելի լոյս կը գտնուի կնոջական այդ երգին մէջ քան իմ շրթներէս ելած բառերուն մէջ, որովհետեւ աւելի սէր և աւելի կեանք կայ հոն »:

Քիչ մը լուռ մնալէ վերջ, Գամաղիէլ շարունա-

կեց. — Անոնք այսպէս կ'ըսեն և յետոյ կը սորվեցընեն: Աւանդութիւնը այս կէտին մէջ է. Սուրբ Գրքին նկատմամբ մեր նախնիքներու խօսքերը և անոնց բացատրութիւնները՝ այնքան նուիրական են որքան բուն Սուրբ Գիրքը: Անոնք կ'ուզեն տարածել ինչ որ ժողովուրդն են իրենց հայրերէն և անուն մը թողուլ իրենց ետեւը. ինչ որ կը ստանան և ինչ որ կուտան իրենց հետեւը. ինչ որ կը ստանան և ինչ որ կուտան իրապէս չա՛տ քիչ է: Ճշմարտութիւնը լոյսն է մեր հոգիներուն. մենք երբեք չենք կրնար ամբողջովին տիրանալ անոր և մեզմէ ընտրելագոյններն իսկ հազիւ կրնան շնորհել քանի մը բեկբեկ ճառագայթներ, պողպատէ ճառագայթներ կամ ոսկիէ ճառագայթներ, խըրոխտ կամ մեղմ բնութիւններու համեմատ: Այդ է պատճառը որ մեր սորվեցուցածները իրարու համաձայն չեն. հոն՝ ուր Հիլէլ այն՝ կ'ըսէր, Շամմայի կ'ըսէր ո՛չ: Այսպէս Սաղուկեցին կը ծաղրէ մեր անթիւօրէնքները, հեշտ կեանքի մը մէջ թմրած. Փարիսեցին ալ իր անջատ դիրքով խիստ բարձրէն կը դիտէ հասարակ մարդոց ամբոխը: Ասոր համար է նաեւ որ Եսէնեան աղանդաւորը կ'ապաստանի էնկատտիի ովասիսին մէջ, որպէսզի ուրիշներուն դպչելով չպղծուի: Ամէն մարդ կը հետեւի այն ճառագայթին՝ զոր ընդունած ըլլալ կը կարծէ, միեւնոյն ատեն ամէն մարդ կ'ատէ, կ'անարգէ ու կը նախատէ իր եղբայրները: Եւ ես կը խորհիմ թէ անոնք բոլորն ալ իրենց նախապաշարումներու խաւարին մէջ իսկ՝ պէտք էր իխապաշարումներու խաւարին մէջ իսկ պէտք էր իրարու ներողամիտ ըլլային և համբերէին: Որովհետեւ Մէկը միայն ունի իր մէջ գերագոյն ճշմարտութիւնը և այն Մէկն ալ երկար ատեն է ի վեր կը լռէ:

— Ան պիտի խօսի օր մը, Մեսիային միջոցով՝ որուն կը սպասենք, ըսաւ Նիկողէմոս ցած ձայնով:

— Սակայն բոլորովին վստա՞ն ենք այդ մասին

ալ: Ժողովուրդը անձկանօք կը սպասէ Անոր, այս Մեսիա թագաւորին՝ որ պիտի ազատէ զիրենք Հոռովի գարշելի լուծէն: Անոնք կը սպասեն իր իշխանութեան, իր հարստութեան և իր ոյժին, մասնաւորապէս այն իշխանութեանը և այն հարստութեանը՝ զորս Ինք պիտի տայ իրենց, ոսկիի ու մարգարիտներու հարստութեան՝ զոր ծովը իրենց ոտքերուն առջև պիտի նետէ, պտուղներուն՝ որոնց առատութենէն ծառերուն ճիւղերը պիտի կոտորին, ցորենի ծանր խուրձերուն՝ որոնց ներքեւ պիտի ճռնչեն սայլերուն սոնակները: Անոնք կը սպասեն ուրախութեան, պերճանքի, տիրապետութեան և Մեսիա կը կոչեն ասիկա:

— Սակայն Ան պիտի գայ, երկրին իշխանը, Աստուածը, Հօրը, իշխանութեան նշանը կրելով իր ուսին վրայ, ըսաւ Նիկողէմոս: Մարգարէութիւնները ք հաստատեն ասիկա, կամկածիլ կարելի չէ:

Գամաղիէլ յուսահատ շարժումով մը ըսաւ. — Մարգարէութիւնները կ'ըսեն նաեւ թէ, «Անիկա պիտի ելլէ ծարաւուտ երկրէ մը բուսող մատաղատունկի մը պէս, առանց կերպարանքի և առանց վայելչութեան»: Ձայն կը կոչեն «Աւիւծը» — և զայն կը կոչեն «Գառնուկը»: Մեծն Հիւլէի գաղափարով Եզեկիան Անոր մարմնացումն էր: Հիւլէի լուսամբի մարդոցմէ շատեր կը խորհին թէ Մեսիայի թագաւորութիւնը պարզապէս մարդկութեան լաւագոյն մէկ շրջանը կը նշանակէ: Ոմանց հակաճառութիւններուն և ոմանց անկատար երազներուն խառնակութեան մէջ, եթէ ճշմարիտ է որ ան պիտի գայ, ես չպիտի ուղէի անոր ապրած օրերուն մէջ ապրիլ, քանզի կը վախնամ թէ չպիտի կրնայի ճանչնալ զայն:

— Եղբայր, ինչպէ՞ս կրնաս այդպէս խօսիլ դուն, ըսաւ քաղցրահնչիւն ձայն մը: — Եթէ Մեսիան յայտ-

նուէր, չե՞ս կարծեր որ քու հոգիդ ինքնաբերաբար Անոր պիտի մերձենար:

Պատշգամին մէկ կողմին վրայ բարձրացած Աշխա կոչուող շքեղ սրահին դռնէն՝ կին մը ներս կը մտնէր աստղերուն աղօտ լոյսին տակ: Գաղցրութիւն մը կը բղխէր անկէ, աւելի աղղեցիկ քան քաղցրութիւնը գիշերուան: Գեղեցիկ էր ան և ծանրաբարոյ: Երկար ծալքերով քօղ մը կը պատէր իր մարմինը, կուսական շնորհ մը տալով իր բոլոր շարժումներուն: Գամաղիէլի կրտսեր և սիրական քոյրն էր ան, Շուշանը, Սիմէոնի աղջիկը, Մեծն Հիւլէի թուր:

— Տե՛ս սա կիները, ըսաւ Գամաղիէլ ժպիտով մը: Անոնք չեն փնտտեր և չեն վիճիր, այլ կը գուշակեն: Անոնք չեն տեսներ, այլ կը սիրեն: Չկայ կայծ մը՝ որ անոնց վրայ իյնայ և իսկոյն բոցի չվերածուի: Հոտ է վտանգը՝ որուն մէջ կ'իյնան այս եթերային էակները:

— Ահաւասիկ ատոր մէջն է նաեւ աստուածային պարգեւը, ընդմիջեց Նիկողէմոս: Անոնք որ չեն գիտեր և կը վարանին աւելի կը չարչարուին և շարունակ վախի մէջ կ'ապրին:

Երկու Բարբիներու մէջտեղը, փղոսկրով դրուագեալ եղենափայտէ աթոռակի մը վրայ, գերի մը դըրաւ քանի մը վայելչագեղ սափորներ և երփներանգ ապակիէ բաժակներ, այն բաժակներէն՝ զորս Փիւնիկեցիները կը դրկէին աշխարհի բոլոր առուծախի կեդրոններուն: Շուշան մեղմօրէն մօտենալով, լեցուց գաւաթները նուշէ պատրաստուած ըմպելիով և կինսամոնով ու յամպարով անուշահոտուած Սարոնի ընտիր գինիով: Յետոյ բաժակները ներկայացուց Նիկողէմոսի և Գամաղիէլի ու անշարժ կեցաւ. հետզհետէ անորոշ երևոյթ մը ստանալով, տակաւ մթնցող երկինքին

վրայ պարզուող ձերմակ տեսիլքի մը նման:

— Ինձի կը թուի թէ, եթէ ես ճառագայթը տեսնէի, անմիջապէս անոր պիտի հետեւէի: Սակայն ո՞ւր է ճառագայթը: Ինչպէս դուն կ'ըսես, եղբայր, ան՝ վարդապետական վէճերուն մէջ չգտնուիր: Բացի քեզմէ, որ ամէնուն սիրելի ես, միւս վարդապետները ամէն եռանդ փշրելու և խորտակելու համար է միայն որ կը խօսին: Մարդիկ միայնակ կը զգան ինքզինքնին նաեւ տխուր, անորոշ բանի մը ծարաւովը՝ որուն ինչ ըլլալը ես ալ չեմ գիտեր: — Անձանօթ բան մը որ բարիք պիտի բերէ ամէնուն և պիտի տայ սրբութիւն ու հոգիի թեթեւացում, մինչեւ իսկ անոնց՝ ուրոնք կեանքի բեռան տակ ընկճուած են:

Նիկողէմոս գաւաթը առնելով իր շրթունքներուն տանելէ առաջ՝ ձակտին բարձրացուց, Բաբբիներուն սովորութեանը համեմատ: Իր ձեռքը կը դողար երբ ձիգով մը այսպէս խօսեցաւ:

— Գնա՛ ուրեմն անոր քով՝ որուն համար Զաքարիայի որդին Յովհաննէս կը վկայէր անապատին մէջ. ան, որ կոյրերուն տեսնել կուտայ և անդամալոյժներուն քալել, Յիսուս Նազովրեցին է ան...:

— Եղբայր, ընդմիջեց Գամաղիէլ անհամբերութիւնով, Նազարէթէն կրնա՞յ աղէկ բան մը ելլել: Այս Յիսուսը հիւսնի մը որդին չէ՞: Ես մտիկ ըրի երբ Եօհաննան ու Իսմայէլ կը խօսէին անոր մասին: Ո՞վ է իր ուսուցիչը, ո՞ր դպրոցին կը պատկանի ան: Դուն գիտես թէ ես մերիններէն տարբեր եմ. ես ամէն բանի կը հանդուրժեմ... Թերեւս չափէն աւելի: Ես չեմ ատեր ուրիշ ազանդներու առաջնորդները և պիտի փափաքէի նուազ անթափանցելի ընել այն պատուարը՝ որ մեզ կը բաժնէ օտարներէն: Զիս կ'ամբաստանեն իբրեւ Յոյներուն ընկերութեան մէջ յաճախող մը՝

ես կը հաւնիմ անոնց՝ իրենց վայելչաբեղ նրբութեանը համար. նաեւ անոր համար որ, հակառակ մեր կամքին՝ մեր մէջ ներմուծած են նշանակութիւնը և պաշտուածը գեղեցկութեան՝ որ աստուածային է: Ես կը սիրեմ իրենց լեզուն՝ որ ինքնին ներդաշնակութիւն մըն է. կը սիրեմ նաեւ իրենց արուեստադէտները, իրենց բանաստեղծները և նոյնպէս իրենց փիլիսոփաները, Պղատոնը մանաւանդ, որուն վէս հանդարտութիւնը ինձի կը յիշեցնէ իրենց աստուածներու արձաններուն շքեղ և անշարժ գիծերը: Անոնք միայն մարդկային գիտութիւնը կը սորվեցնեն, սակայն մարդկային գիտութիւնը արդէն խիստ հրապուրիչ է: Մենք ճշմարտութիւնն ենք, անոնք գեղեցկութեան զաղափարականով յափշտակուողներն են: Սակայն մեր անօճանները և մեր հասարակ ժողովուրդը: Անոնք ինձի խոր զգուանք կը պատճառեն և ասոնք աւելի օտար են ինձի համար քան կուսպաշտները:

— Մենք ալ հասարակ մարդու մը թոռները չե՞նք, հարցուց Շուշան: Միթէ Հիլէլ պարզ փայտահար մը չէ՞ր և միթէ յաճախ պատմած չե՞ս ինձի թէ ան դասեր առնելու դրամ չունենալուն համար, Ապտալիոնի դասախօսած սրահին պատուհաններուն կողքած մտիկ կ'ընէր և օր մըն ալ զինքը դտան ձիւնով ծածկուած և կիսովին նուազած. սակայն ան չէր ազդուեր այս նեղութիւններէն, որովհետեւ սորվելու փափաքը խիստ զօրաւոր էր: Ահա այս թշուառութիւնն էր որ աշխարհի բոլոր գանձերէն աւելի, օրհնաբեր եղաւ մեզի:

— Հիլէլը բացառութիւն մըն է, պատասխանեց Գամաղիէլ. շատ քիչ անգամ այս տեսակ մարդիկ յառաջ կուգան: Սակայն այս քիչերը, իրենց բաղդին բնական ընթացքով բարձր դիրք մը կը գրաւեն: Հի-

չէլ Գաւթի թոռն էր. ան իշխան եղաւ, «Նասի:» Բոլոր թագաւորները կը նախանձէին իր թագաւորութեան: Մեր գեղեցիկ երիտասարդութեան ամբողջ ընտրեալները, դպիրները և վարդապետները, կը փութային իր մօտ խորին հիացումով մը: Իսկ այս Նագովրեցի Յիսուսը, ինծի ըսուածին համեմատ, միայն ձկնորսներ, մաքսաւորներ և արհեստաւորներ ունի իրեն հետեւորդ: Բնականաբար անիկա իր դասակարգին միայն կը սորվեցնէ: Տէրովը հոգին հզօրներուն և իմաստուններուն վրայ կը հանգչի. շնորհքին շունչը՝ մարդկութեան ընտրեալ դասակարգին վրայէն միայն կ'անցնի: Այս բոլոր ըսածներս նոր բաներ կը կարծէք: Ճշմարտապէս, եթէ տեսնէի անուս մէկը՝ որ Ուղղիչի նման հրեղէն շրթներով խօսէր կամ աչքերուս առջեւ մեռեալի մը յարութիւն առնել տար, դարձեալ կասկածով պիտի նայէի անոր վրայ:

— Ճիշդ է, ըսաւ Նիկողէմոս, այս բոլորը մեր ընդունած գաղափարներն են, բացի օտարականներու հանդէպ ըու ունեցած բարեկամութենէդ, նոյնիսկ եթէ Յոյներ ըլլան անոնք: Ըստ Թորանի (Թէվրաթ) մենք ենք Աստուծոյ ընտրեալները, կարելի՞ է որ ուրիշներ ալ ըլլան: Դուն հիմա զիս պիտի դատապարտես, ինչպէս արդէն ես ինքզինքս դատապարտած եմ. սակայն այս լուծութիւնը շատ ծանր կը ճնշէ վրաս: Ես գացի Յիսուս Նագովրեցին տեսնելու...:

— Դո՛ւն:

— Այո՛, տեսայ զինքը Երուսաղէմի մէջ քանի մը ամիս առաջ: Շատ կը խօսուէր անոր վրայ. իր ըրած տարօրինակ գործերը և անսովոր խօսքերը ուշադրութիւն գրաւած էին: Ոչ մէկը անոր չափ նիւթ եղած է վիճաբանութեան: Պաշտումի և ատելութեան երկու հոսանքներու մէջտեղէն կը յառաջանայ ան: Ես երկար

ատեն վարանելէ յետոյ իրիկուն մը գացի անոր քով: Գամաղիէլ թերահաւատ ժպիտով մը ըսաւ.

— Եւ ի՞նչ խօսեցաք իրարու հետ:

— Եղբա՛յր, ըսաւ Նիկողէմոս պաղատազին, մի՛ խնդար այս բաներուն վրայ: Այս գիշերուան պէս աստեղադարձ գիշեր մըն էր, բայց ես չէի տեսներ աստեղերը քանի որ անոր անձին մէջ կը տեսնէի շատ աւելի լուսաւոր երկինք մը: Ինչ որ ըսի իրեն... այլ եւս չեմ յիշեր: Ան ըսաւ ինծի. «Պէտք է նորէն ծնանիլ և թէ Սուրբ Հոգին կը հանգչի ուր որ ուզէ» և ուրիշ բաներ որոնք ես չկրցի հասկնալ. թէ՛ «Երբ Որդին Մարդոյ երկրէս բարձրանայ՝ այն ատեն պիտի հաւատան անոր»: Բայց այս բառերը բան մը չէին, ես կը զգայի թէ անիկա իմ սիրտս կը կարգար և հաճոյքով կը զգայի ատիկա: Եթէ տարի՛ներ ու տարի՛ներ ալ ապրիմ, դարձեալ չեմ կրնար մոռնալ այդ ժամը: Կրնաս զիս տկար կարծել կնոջ մը նման, սակայն ես կը դողայի և իմ սիրտս կը տոչորէր ներսիդիս: Խորհուրդ մը անցաւ մտքէս որ տակաւին սարսուռ կը պատճառէ ինծի...: Եղբա՛յր, այս մարդը մեծ մարդարէ մըն է:

— Ո՛հ, ըսէք ինծի, ո՞ւր կրնամ տեսնել զինքը, պաղատեցաւ Շուշան:

— Ան շատ մօտ էր այս տեղին: Իր աշակերտներէն իմացայ, որ երէկ Գուրն-Էտտինի դարատախներուն վրայ կը գտնուէր: Սակայն քահանաներու թըշնամութեան պատճառաւ, հիմա Երուսաղէմէն հեռացած է Գալիլիա երթալու համար:

— Երթանք զինքը տեսնելու, կը պաղատիմ, ըսաւ Շուշան:

Գամաղիէլ մտահոգ էր: Երբէք չէր յիշեր որ բան մը մերժած ըլլար իր պաշտելի քրոջը: Սակայն իր

հպարտ և վերապահ բնութեամբը՝ տարօրինակ կը
գտնէր որ իր քոյրը խառնուէր այդ ամբոխին: Բայց
և այնպէս վայրկեան մը վարանելէ յետոյ՝ պարտուե-
ցաւ:

— Գնա՛ Շուշան, ըսաւ ան, քանի որ այդպէս
կ'ուզես: Հեռու կեցիր սակայն զինքը շրջապատողնե-
րէն և մի՛ խօսիր երբէ՛ք այդ հասարակ գործաւորին
հետ: Ես քեզ ազատ ձգած եմ քու վարմունքիդ և
խորհուրդներուդ մէջ, որուն համար շատեր պախա-
րակած են զիս: Դուն գիտես թէ ոմանք կը սոսկան
չափազանց գիտուն կիներէն, սակայն ես, քեզ իմ ա-
չակերտս ըրած եմ և գրեթէ ինձի հաւասար գիտուն:
Գնա՛, եթէ կը փափաքիս, բայց մի՛ մոռնար թէ ո՛վ
ես դուն:

— Ծնորհակալ եմ, ո՛հ շնորհակալ եմ, գոչեց Շու-
շան խելայեղ ուրախութիւնով մը: Վաղը, ուրեմն վա-
ղը, ես զա՛յն պիտի տեսնեմ:

Բ

3929.70

Ներկայիս Գալիլիայի մէջէն անցնող ճամբորդնե-
րը, չեն կրնար երեւակայել այն՝ ինչ որ էր Քրիստոսի
թուականին առաջին տարիներուն, Աստուծոյ այս պար-
տէզը, այն «Երկրաւոր Դրախտը», «Հովիտները՝ ուր
Ասեր իր սոքերը իւղի մէջ կը թաթխէր:» Հիմա հաղիւ-
քանի մը տխուր փլատակներ կը գտնուին հոն՝ ուր
քսանի չափ աւաններ գոհարներու նման շրջապատած
էին կապոյտ լճին սահմանները: Բաբբիներու կամ
Յովսեփոսի վառվառն նկարագրութիւնները միայն
մեր աչքերուն առջեւ կը վերակենդանացնեն հեռաւոր
ժամանակներու փարթամ Կափառնայումը, հարուստ և
ապականած Մազթաղան՝ իր բոսորագոյն բրդեղէննե-
րով, Քորազինը՝ իր արմտիքի առուտուրով, Բեթսա-
յիթան՝ իր ձուկերու և պտուղներու արտածումով,
Տիբերիան, հեթանոս քաղաքը՝ իր մարմարէ պալատ-
ներով՝ որոնց սիւներուն մութ ստուերը կը ցոլանար
լճին վճիտ ջուրին մէջ. և աւելի հեռուն երկրին ներսե-
րը, գեղեցիկ Նայիմը՝ որ էստրաղոնի դաշտին կը տի-
րապետէր, Կանան՝ որ իր եղէգներուն երգովը կ'օ-
րօրուէր. տակաւին ուրիշ շատե՛ր, շատե՛ր, երկու
հարիւրէ աւելի գիւղեր և գիւղաքաղաքներ՝ որոնց մէջ
կ'ապրէր աղմկայոյզ, դուարթ և գործունեայ բնակ-
չութիւն մը: Բաբբիները արհամարհանքով կը վերա-
բերուէին այդ գեղջուկներէ և ձկնորսներէ, բաղկացած
ժողովուրդին հետ՝ որ չափազանց



կողտ և աղաւաղեալ լեզու մը կը խօսէին և շատ աւելի դբաղած էին իրենց առուտուրով ու ձկնորսութիւնով՝ քան թէ հոչակաւոր վարդապետներու ուսուցումը: «Եթէ կ'ուզես հարուստ ըլլալ, գնա՛ Գալիլիա, եթէ կ'ուզես իմաստուն ըլլալ, գնա՛ Երուսաղէմ,» կ'ըսէ առածը: Որչափ որ այս երկրին, Գալիլիայի գեղեցկութիւնը կ'երգուէր, բայց և այնպէս մոլեռանդ Հրեաներու գաղափարով, ան չէր կրնար կոչուիլ «Սուրբ Երկիր», անուն մը՝ զոր բուն մոլեռանդութիւնով վերապահուած էր Յուդայի և Երուսաղէմի:

Եւ սակայն ի՛նչ հեշտալի ընտկավայր էր Գալիլիան: Ծառերը տարւոյն մէջ երկու անգամ պտուղ կուտային, Սորէքի որթատունկերը՝ իրենց ողկոյզներով ծանրաբեռնուած կ'ըլլային գրեթէ տասը ամիս, ինչպէս նաև իրենց կարգին, անհամար ձիթենիներ, թզենիներ և թանկագին բալասանի ծառեր իրենց պլտուղները կուտային առատօրէն: Կաղնիներ, շոճիներ և ուրիշներ իրենց մութ կանանչութիւնը կը խառնէին արմաւենիներու փափուկ տերեւներուն հետ. ճնձղուկներու և աղանիներու խումբեր կը կծկուէին եղււիններու ճիւղերուն մէջ: Ամէն կողմ վճիտ ակեր, ամէն կողմ խիտ կանանչութիւններ՝ որոնց մէջ տեղ տեղ կը տեսնուէին գեղեցիկ խոշոր ծաղիկներ՝ որոնք Արեւելքի գարունները կը պճնազարդէին իրենց վառ կարմիր գոյներով. կակաչներ, հարսնուկներ, նարկիզներ բոսոր բաժակներով և փունջ փունջ ասփողիլոններ հոս հոն ցրուած, որոնց լայն բացուած, շուշանաձև և ծիրանագոյն պիտակներով ծաղիկները՝ մարգագէտնէն վեր կը բարձրացնէին իրենց ցողունները՝ վեհափառ շքեղութիւնով մը:

Սգար (Մարտ) ամսուան մէջ գեղեցիկ առաւօտ մը, Քրիստոսի 29 թուականին, Շուշան արշալոյսին

մեկնեցաւ տունէն իր սիրելի աղախինին Սառայի հետ: Լոյսը ծագելէն շատ առաջ էր, երբ մանկամարդուհին անկողինէն ելլելով՝ աճապարանքով հիւսել տուաւ իր թուխ երկար մազերը: Շպար գործածելու սովորութիւն չունէր ան, ինչպէս կը գործածէին հարուստ ու վայելչազեղ Հրեայ կիները. երկար արծաթեայ ձողիկը սեւ ներկին մէջ թաթխելով կրկին ու կրկին իր յօնքերուն չէր քսէր, ինչպէս ուրիշները կ'ընէին. անոր եղունգները հինայով ներկուած չէին: Իր միակ պերճանքն էր, թանկագին անուշանոտութիւններու գործածութիւնը և փարիսեցիական բոլոր պատուէրներէն՝ պահած էր միայն յաճախակի լուացումներու սովորութիւնը: Հոտաւէտ վարդեջուրը երկու անգամ իր թեւերն ի վար վազցուց և այս արարողութիւններէն յետոյ՝ մթադոյն քօղի մը մէջ փաթթուելով՝ արտօրնօք դուրս ելաւ:

Անսովոր ետուզեա մը կը տիրէր իր ճամբուն վըրայ: Սակայն Շուշանի միտքը այնքան գրաւուած էր իր խորհուրդներով՝ որ արտաքին ու է ազմուկ չէր կրնար ազդել իրեն, երազի մը մէջ կ'ապրէր ան:

Մարդիկ կ'երթեւեկէին իր շուրջը և զուարթ պոռչուէրներով զիրար կը հարցափորձէին: Ասոնք մեծ մասամբ Գալիլիացի ձկնորսներ էին: Կային նաև շատեր ալ, որոնք եկած էին Յուդայէն ու Երուսաղէմէն, Տիրոսէն և Սիդոնէն, վարդապետը տեսնելու անդիմադրելի բաղձանքէն մղուած: Անոր վրայ կը խօսէին և իրարու կը պատմէին բոլոր իրենց լսած հաճելի ու զարմանալի բաները: Անոնք զայն տեսած էին և կ'ըսէին թէ ան հոն էր, լեռանը վրան: Շուշան, Քուրնիտոսինի առաջին դարատափները բարձրացաւ, որ իրենց ամառանոցէն կէս ժամու չափ միայն հեռու էր: Վարէն Սաղուկեցիներու խումբ մը կը յառաջանար

գրեթէ ամբողջ քահանաներէ բաղկացած որոնք իրենց շուրջը կը դիտէին անփութօրէն, զարմանալով և գրեթէ զուարճանալով այս նախնական մարդոց խանդավառութեան վրայ: Շուշան ասոնց մէջ նշմարեց Սամուէլ-պէն-Ֆապին, օրուան ամէնէն վայելչազեղ մարդը, որ առաւօտեան այդ ժամուն իսկ հագած էր գեղեցիկ կապոյտ գոյնով նուրբ պատմուճան մը՝ որուն համար շատեր պատրաստ էին իր ծանրութեան երկու անգամը ոսկի վճարելու, սակայն չէին կրնար գտնել: Անոր քով կար Իսաքարը, ծանօթ իր մետաքսէ ձեռնոցներով, զորս նոյն իսկ տաճարին մէջ զո՛ւ մատուցանելու համար չէր հաներ: Կար նաև Եօհանանը, որուն փառաւոր խնձոյքները նշանաւոր էին: Շուշան իր քօղին տակ ծածկուած, արագօրէն անցաւ: Քիչ մը յառաջանալով, ան հանդիպեցաւ քանի մը ամբարտաւան և պերճաշուք մարդոց. ասոնք խոշոր հմայեակներով և երկայն ծոպերով Փարիսեցիներ էին, որոնք նախատական նայուածքներ կ'ուղղէին ժողովուրդին: Ասոնք ոչ ատելութիւն և ոչ ալ բարկութիւն ունէին տակաւին Նազովրեցիին հանդէպ: Սակայն խրոխտ ամբարտաւանութիւնով մը եկած էին զայն լսելու և դատելու: Եօնաթան-պէն-Ուղղիէլը միայն մասնակից չէր երեւեր անոնց արհամարհոտ զգացումներուն. ան Յէքոնայի կը բացատրէր իր ընդարձակօրէն քաղցիերէնի թարգմանած Սուրբ Գիրքին առաջին համարները: Մինչ Շուշան կ'անցնէր, Եօնաթան, տեսնելով մեծ բարբիին քոյրը, ժպտեցաւ անոր, — որովհետև Փարիսեցիները սովորութիւն չունէին կիները բարեւելու: — Պապա-պէն-Պուտան ալ, որուն աչքերը հանուած էին Հերովդէսի կողմէ, Շուշանի դարձուց իր աւերուած դէմքը: Շուշան լսեց երբ Աւեի ծաղրական շեշտով մը կ'ըսէր ձերունիին: «Խնդրէ՛ սա

Նազովրեցիէն՝ որ քեզի աչքեր պարգեւէ,» Շուշան լսեց նաև կոյրին դառնացած պատասխանը: «Աւե՛լի մեծ հրաշք մը խնդրէ՛ դուն անկէ, խնդրէ՛, որ քեզի սիրտ մը պարգեւէ:» Այս թշուառ էակին դառն վիշտէն՝ վիշտ մը փոխանցուեցաւ Շուշանի, զգաց թէ կը տառապէր ան և այս պայծառ երկինքին տակ, միշտ մթութեան մէջ կ'ապրէր:

Աւելի վերը, Շուշան հանդիպեցաւ ուրիշ թշուառներու ալ, ջերմէն հիւժած հիւանդներ, անդամալոյծներ, խուլեր ու համրեր որոնք սղալի խումբ մը կազմած էին: Աւելի հեռուն, աւրուած ու մաշած գէմքեր անձկութեան աղաղակներ կ'արձակէին սա բռնորով. «Անմաքու՛ւր, անմաքու՛ւր:» Շուշան սարսափահար հեռացաւ այս բորոտներէն:

Հիմա խուժանը կանգ առած էր: Անոնք ա՛լ չէին շարունակեր իրենց վերելքը, կը սպասէին: Շուշան սպողեցաւ ժանտաթղենիի մը քով՝ որուն շուքին տակ դեռատի կին մը կ'օրօրէր իր հինգ տարեկանի մօտ զաւակը՝ որ անդամալոյծ էր և շարժելու անկարող: Փոքրիկ մանուկներ, գոյնզգոյն հագուստներ հագած, կը վաղվզէին զուարթ ճիչեր արձակելով: Մանուկ հաշմանդամը մեծ ճիգեր կ'ընէր սօքի ելլելու և անոնց միանալու, ու նայուածքով մը տխուր և անցկալի հարցնել կը թուէր թէ՛ ինչո՞ւ ինքն ալ ուրիշներու նման չէր...: Իսկ մայրը, ալ աւելի գուրգուրանքով կը սեղմէր զայն իր կուրծքին վրայ և կ'ըսէր. «Երբ որ Անիկա անցնի, Ա՛ն, քեզի քալել պիտի տայ թերևս...»: Յանկարծ, մեծ շարժում մը յառաջ եկաւ: Բոլոր աչքերը յառեցան լեռան գագաթին, քանի մը մարդիկ կ'իջնէին անկէ: Յնձութեան անվերջ աղաղակներ կը բարձրանային ու կը մեղմանային, ժայռերու զարնուող ամենի ալիքներու ձայնին նման: Մինչ

խումբը կը յառաջանար, կոյրերը կը տեսնէին, հիւ-
ւանդները իրենց մահիճը ձգելով կը քալէին: Արեւը
իր ոսկի ճառագայթները կը սփռէր այս տարօրինակ
տեսարանին վրայ, որ յաղթական թափօրէ մը աւելի
բան մըն էր, հրաշքներու փթթումն էր այս, Նազով-
րեցիին քայլերուն ներքեւ: Խեղայեղ ամբօխը կը գո-
վաբանէր զայն բարձրագոյն աղաղակներով:

Վարդապետին հետեւորդներուն առած ուղղութե-
անէն կ'երեւէր թէ՛ Ան, Շուշանի առջեւէն պիտի անց-
նէր: Հիմա անոնք կը տեսնուէին որոշ կերպով. պարզ
և աղքատ մարդիկ էին ամէնքն ալ, սակայն հրաշքին
զօրաւոր շունչովը բարձրացած և կերպարանափոխ-
ուած: Բազմութեան մէջէն շատեր կը ճանչնային այս
հետեւորդները և անոնց անուները կուտային բար-
ձրաձայն. Պետրոս և Յակոբոս. Յուդայ Իսկարիօլտա-
ցին՝ Յուդայի երկրէն եկած, Փիլիպպոս և Անդրէաս՝
որոնք Բեղսայիղացի ձկնորսներ էին և Յովհաննէս
Ջեբեղիոսի որդին՝ որ հրեշտակային զէմք մը ունէր:
Շուշան ասոնք բոլորը կը լսէր, որպէս թէ երազի մը
մէջ. ան հազիւ ինքզինքը կանգուն պահած էր ժան-
տաթղենիին կռթնած: Հիւանդ մանուկը կը քնանար
իր ոտքերուն մօտ պառկած:

Անա՛ Ինքն էր վերջապէս:

Ան կը յառաջանար իր վեհափառ հանդարտութիւ-
նովը, ցնծութեան աղաղակները չէին կրնար այլափո-
խել անոր տխուր զէմքին անսահման քաղցրութիւնը:
Երբ Ան մօտեցաւ, դեռատի մայրը յառաջ նետուեցաւ,
Անոր երկարելով իր անդամալոյժ զաւակը, հաւատքի
ու պաղատանքի մեծ եռանդով մը. իր ամբողջ մար-
մինը կը դողար երբ կ'ըսէր. «Ի՞նչ անոր, գի՞թա՛ ին-
ծի:» Խեղճ կ'ինը, այս քանի մը բռնորդ միայն կըր-
նար կրկնել, սակայն ասոնցմով կը բացատրուէր իր
ամբողջ մարտիրոսութիւնը իր զաւակին համար:

Յիսուս իր ձեռքերը տարածեց փոքրիկ ցաւազար
մարմնոյն վրայ. անհուն կարեկցութեան այս շարժու-
մին յաջորդեց առ հզօր խօսքը, «Կ'ուզեմ, քա՛լէ:»
Ոստումով մը մանուկը նետուեցաւ յառաջ, միանալու
խաղացող աղոց խումբին, մինչ մայրը, ծունկի եկած
կը համբուրէր վարդապետին ձեռքերը, կը համբուրէր
անոր պատմուճանին քղանցքը. բառեր չունէր ան նոյն
վարկեանին բացատրելու իր զգացածը, արցունքներ
ունէր միայն՝ որոնք հեղեղի նման կը վաղէին իր աչ-
քերէն, որովհետեւ իր սիրտը բզձկած էր ուրախու-
թենէն:

Շուշան տարօրինակ աղբեցութիւն մը կրեց այդ
միջոցին. մարմնաւոր ամէն բան կ'աներեւոյթանար իր
աչքին առջեւէն և գերազանց խաղաղութիւն մը կը
տիրէր իր հոգւոյն մէջ: Ան աղերսեց Յիսուս Նազով-
րեցիին, այն անձանօթ և անդարմանելի տառապան-
քին համար՝ զոր մենք ամէնքս ալ ունինք, այն է,
մեր երազը չկարենալ ապրելու տառապանքը. կեանքը
այնչափ կարճ է և երազը այնչափ մեծ: Շուշան ներք-
նապէս դարման խնդրեց բոլոր անբուժելի թշուառու-
թիւններուն համար, որպէս զի Ան իր աստուածային
ողորմութիւնը տարածէ մարդկային տկար արարած-
ներուն վրայ և խնդրեց անկէ իր հողիին խորէն, որ-
պէսզի իր սիրտը կռթնի բանի մը՝ որ անսահման է,
բանի մը՝ որ յաւիտենական է...: Ասոնք բոլորը հաս-
կըցուց Անոր, առանց իր շրթները բանալու: Միայն
թէ Անոր ուղղած իր նայուածքին մէջ ամփոփեց իր
հոգւոյն բոլոր իղձերը:

Յիսուս ալ անոր նայեցաւ: Իր մաքուր, խորունկ
և խոնուն նայուածքը հանգչեցուց Շուշանի վրայ և
Շուշան զգաց թէ Ան իր հողիին տիրապետեց ու գե-
րազանց ուրախութիւն մը նոր կեանք մը տուաւ իր
ամբողջ էութեանը...:

Հիմա Յիսուս նստած էր գեղեցիկ մարգագետնի մը վրայ, որ Քուրն-էտտինի երկու գագաթներուն մէջտեղ կը տարածուէր: Անօթի ու ծարաւ ժողովուրդին կը խօսէր Ան կենաց խօսքերը, այնքան անլուր և այնքան նորօրինակ: Ան չէր խօսէր յաղթականի մը պէս և ոչ ալ արքայի մը պէս, սակայն շատ աւելի խորիմաստ և գերազանց՝ քան արքայի մը խօսքերը: Այս իմաստուն և պարզ խօսքերը իր ինքնաբուզիս հեղինակութիւնն էին. ան ներշնչուած չէր ուրիշներէ և զերծ էր ամէն օտար ազդեցութենէ:

«Անոնք ձեզի ըսած են... և ես ձեզի կ'ըսեմ... և ես ձեզի կ'ըսեմ...»

Ան, մարդոց սորվեցուցածէն շատ աւելի բարձր կերպով կ'ըմբռնէր իմաստութիւնը, բարութիւնը, ողորմութիւնը և հաւատքը. մէկ բառով Անիկա ընդարձակեց հորիզոնը, անսահման տարածութիւն մը պարզելով բոլոր անոնց առջեւ՝ որոնք յօժարութիւն ունին, բոլոր անոնց առջեւ՝ որոնք քաջութիւն ունին: Ան ցոյց տուաւ անոնց կատարելութեան օրինակ մը՝ որ նոյն ինքն Աստուած էր, սորվեցուց անոնց աղօթել այս Աստուծոյն, և Հայր քաղցր անունը տալ Անոր: Եւ Յիսուս օրհնեց ամէնքը ու երանի տուաւ ազգասիրտուն, ողորմածներուն եւ խաղաղութիւն ընողներուն. անոնց որ այս աշխարհի նեղութիւններուն մէջ սրբազան անօթութիւնը և ծարաւը կը դառնին, զորս Ան կը խոստանար յազեցնել. անոնց որ արդարութեան համար հալածուած՝ մինչև մահ չէին լքաներ կեանքի պայքարին դժնդակ ասպարէզը:

Մինչ Յիսուս կը խօսէր, Շուշան կը խորհէր թէ արդեօք իր փափաքը շատ գոռո՞ղ փառասիրութիւն մըն էր և թէ ինք լոկ մէկ նայուածքի մը մէջէն ընդունած էր անհուն վստահութեան մը կատարեալ հա-

ւաստիքը. կը տարակուսէր և կը սպասէր խօսքի մը՝ որ Ան իրեն համար պիտի ըսէր: Ինք ոչ ոք կ'ատէր, չունէր ո եւ է ցանկութիւն՝ որմէ հրամարիլ պէտք ըլլար և բնաւ արտասուած չըլլալով՝ ան չէր գիտէր տակաւին թէ ի՞նչ սուրբ սերմեր կրնային հաւաքուիլ արցունքներով:

Եւ ահա, ինչպէս ցօղը անջրդի գետնին վրայ՝ նոյնպէս երկնային խօսքը իջաւ Շուշանի վրայ:

Երակի ակունց որ արտոյ մաքուր ևս, ինչո՞ւ որ ակունք պիտի տեսնէ զԱստուած:

.

Շուշան վերադարձաւ սպիտակ վիլլան, անուշ յափըշտակութեան մը մէջ թաղուած, որ չվրիպեցաւ Գամաղիէլի ուշադիր նայուածքէն: Սակայն ազնիւ վարդապետը չուղեց հարցումներով խանգարել անոր լուռ մտախոնդութիւնը: Շուշան եւս չխօսեցաւ: Իրիկունը միայն երբ ան, իր սովորութեանը համեմատ նշանակուած աղօթքները կ'ըսէր, վարանելով կանգ առաւ, ջանալով մտաբերել բառերը, յետոյ մեղմով ու անհուն քաղցրութիւնով աւելցուց. «Ով Հայր մեր որ երկինքն ես, քու թագաւորութիւնդ գայ, քու կամբքը ըլլայ, ինչպէս երկինքը՝ նոյնպէս երկրիս վրայ...»

Գամաղիէլ մտիկ ըրաւ մտածկոտ: Ան շարունակեց խոկալ գիշերուան լուռ ժամերուն մէջ, քարէ վանդակապատին կռթնած:

Շուշան իր կեանքին խրախճանքն էր. երկար ատենէ ի վեր իր զաւկին Սիմէոնի մայրը մեռած էր, երկար ատենէ ի վեր իր զաւակը Սիմէոն կը ճամբորդէր դէպի հեռաւոր երկիրներ:

Գամաղիէլ իր ձեռքերով կաղապարած էր այս չքնաղ արարածը, Շուշանը, և մասամբ իր ձեռաց գործերն էին անոր գեղեցիկ իմացականութեան փրթ-

Թուճը և անոր անկեղծ հոգիին բարձրութիւնը: Առաջին անգամ ըլլալով նոր ազդեցութիւն մը կը սպրդէր երկուքին մէջտեղ: Գամաղիէլ ոտքի ելաւ և իջաւ մինչեւ Շուշանի սենեակը ու վեր առաւ անոր դրան ծանր վարագոյրը, տխուր ակնարկ մը նետեց թանկագին գորգերուն, եղեւնափայտէ գրուազեալ պատերուն, սատափով ու սկիւով պատած քնարին և Սիդոնի նուրբ հիւսուածեղէններէ շինուած շքեղ ծածկոյթին՝ սրուն ներքեւ կը քնանար դեռատի աղջիկը: Գալիլիայի ամարանոցին և Երուսաղէմի իրենց բնակարանին մէջ՝ Գամաղիէլ շրջապատած էր զայն ամէն տեսակ ճոխութիւնով և անոր համար երազած էր խաղաղ ու դիւրատար կեանք մը: - Եւ ահա՛ օտար վարդապետի մը խօսքը աւելի ուրախութիւն պատճառած էր այս հոգիին քան իր բոլոր խնամքները և իր բոլոր ջանքերը անոր երջանկութեան համար: Գամաղիէլ, երկար, մեղամաղձո՛տ նայուածքի մը մէջ պարուրեց իր սրտին երախան. անուշաբոյր իւղի ճրագ մը՝ որ դրուած էր արոյրէ բարձր աշտանակի մը վըրայ՝ կ'ողողէր անոր կուսական դէմքը, լոյսի և շուքի տարտամ ցոլացումներով: Գամաղիէլ մեղմ շարժումով մը տարածեց իր երկու ձեռքերը և մրմնջեց աղօթքի մը պէս. «Եթէ Ան օրհնելու կարողութիւնը ունի, թող իր բոլոր օրհնութիւնները իջնեն քու վրագ:»

9

Այս անցքերէն քիչ վերջ, Գամաղիէլ ճաշի հրաւիրուեցաւ Սիմոն կոչուած Փարիսեցիի մը տունը, ուր շատ ուրիշներ ալ ներկայ պիտի ըլլային. այս տեսակ հաւաքոյթներ, այն ատենուան համար ամենամեծ պատուասիրութիւնը կը նկատուէր, և տգէտ դասակարգին պատկանողները չէին կրնար ընդունուիլ հոն: Իրենց առածներէն մէկը կ'ըսէ. «Րաբբին իր հաւասարներուն հետ միայն կը նստի:» Գամաղիէլ սիրով ընդունեց ուրեմն այս հրաւերը՝ որ իր բարձր աստիճանին կը համեմատէր: Իր բարեկամներէն շատերը ներկայ պիտի ըլլային Շաբաթ օրուան այս խնձոյքին, ինչպէս նաեւ Յովիադա, մեծ գիտնականը, Հիլէլի սիրական աշակերտներէն մին: Գամաղիէլ կը գուրգուրար այս ազնիւ ծերունիին վրայ և իր հայրը կը կոչէր զայն. անոր, ինչպէս նաեւ երկու կամ երեք օտարական վարդապետներու ներկայութիւնը՝ զոր Սիմոն իմացուցած էր իրեն առանց մանրամասն տեղեկութեան, Գամաղիէլի համար այս խնձոյքին գլխաւոր հրապոյրը կը կազմէր: Շուշան ալ իր կարգին հրաւիրուած էր կիներուն հետ ճաշելու համար:

Այս ասպնջականութիւնը, առաքինութիւն մը՝ որ ամէն ընտանեկան բոյն սրբարանի մը կը վերածէր և ամէն սեղան խորանի մը՝ ունէր իրեն յատուկ մանրամասն ծէսերը և կանոնները: Երբ Գամաղիէլ ձիէն վաթ

իջաւ — հաղուագիւտ պերճանք մը այդ անտեսուան համար — իր հիւրընկալը, Սիմոն, բնակարանին սեւ մին վրայ կեցած՝ գրեթէ մինչև գետին խոնարհեցաւ անոր ծունկերը համբուրելու համար: Հաղիւ դռնէն ներս մտած՝ գերիները հանեցին ճամբորդին տրեխները և լուացին անոր ոտքերը, մինչ Սիմոն անոր գլուխը կը հոտաւետէր հիւրիկի և յակինթի լուղով: Յետոյ սկըսաւ ձեռք լուալու կարեւոր արարողութիւնը. Բարբիները կ'ըսէին «Երանի անոնց որոնք այս օրէնքը կը պահեն: Ան որ ամէնէն աւելի ջուր կը գործածէ, ամէնէն աւելի հարստութիւն պիտի դիզէ: Ասոր մէջ կը բովանդակուի տասը պատուիրաններու խորհուրդը:» Գամաղիէլ արտասանեց հետեւեալ բանաձեւը: «Օրհնեալ ըլլաս դո՛ւն, դո՛ւն, որ մեզի տուած ես այս պատուիրանը,» և երկու ձեռքերը միացնելով, վեր վերցուց զանոնք որպէսզի ջուրը վար վազէ մինչև գաստակները: Երկրորդ լուացում մը անմաքուր ջուրը վանեց. այս անգամ ձեռքերը դէպի վար դարձուած էին: Ահա այս էր փրկարար արարողութիւնը: «Ան որ այս կանոնները չկատարեր անհաւատի մը հաւասար է,» կ'ըսէին Փարիսեցիները: Եւ անոնք որոնց կրօնքը կը կայանար այս միամիտ օրինապահութեան մէջ, կը հաւատային թէ Աստուծոյ բարեկամներն են:

Գամաղիէլ մերկ ոտքերով մտաւ խնձոյքի սրահը՝ որուն գետինը ծածկուած էր ծաղիկներով և անուշահոտ բուրումներ օդը կը լեցնէին: Հոն էին արդէն քանի մը վարդապետներ՝ որոնք մեծ Բարբիին ժամանումին կը սպասէին: Ասոնց մէջ էր Եօխանան-պէն-Չաքայի, նորահաս երիտասարդ մը՝ որ բարձրաձայն և ողբերուած կը պատմէր իր որդւոյն բժշկութիւնը, ան մահուան դռնէն ետ բերուած էր Խանինա-պէն-Տօսայի աղօթքներով, ներկաները հարցումներ կ'ուղ-

ղէին անոր այս մասին և ան մանրամասնաբար կը բացատրէր:

— Եթէ ես, Չաքայի որդին, ամբողջ օրը աղօթէի, գլուխս ծունկերուս մէջ առած, դարձեալ բան մը չպիտի շահէի, ըսաւ ան կտրուկ կերպով:

— Միթէ դուն Խանինային չափ աղէկ չե՞ս կրնար աղօթել, հարցուց Չատօք կատակելով:

— Է՛հ, Խանինան մեր դասակարգին չպատկանիր և կրնայ Աստուծոյ հրամաններ ընդունիլ: Ես իշխան եմ և իմ աստիճանս զիս կաշկանդած է:

Քիչ մը անդին Իսահակ կը ձեմէր Սիմէոնի հետ, լրջօրէն խօսակցելով իրաւունքի և արդարութեան վրայ:

«Ես տեսիլքի մը մէջ տեսայ հանդերձեալ աշխարհի ժառանգորդները, ըսաւ Սիմէոն. եթէ անոնք երեք հողի են՝ անոնցմէ երկուքը անպատճառ ես և որդիս ենք. իսկ եթէ երկու՝ դարձեալ մէկը ես, միւսը որդիս ենք:» Թեթեւ ժպիտ մը երեւցաւ ներկաներուն շրթներուն վրայ. անոնք սովորած էին լսել այս տեսակ խօսքեր:

Նոյն միջոցին Գամաղիէլ և միւս հրաւիրեալները առաջնորդուեցան ցած սեղանին երեք կողմերը դըրուած բազմոցներուն վրայ: Գամաղիէլ ամէնէն բարձր պատուոյ տեղը գրաւեց, իր ձախ կողմը ունենալով Յովիադան: Գերի մը գինի բերաւ իրեն որպէս զի օրհնէ, սակայն ձեռքերու լուացումէն առաջ թէ վերջը պէտք էր լեցնել գաւաթը: Ահա կարեւոր հարց մը՝ որ երկար տարիներ զբաղեցուցած էր Շամմային եւ Հիլէլը: Ուստի այս երկու զաղափարներն ալ յարգելու համար՝ թէ առաջ և թէ վերջը՝ քանի մը կաթիլ ջուր վազուցին անոր մատներուն վրայ:

Գամաղիէլ վսեմ կերպով արտասանեց նուիրական խօսքերը: Եօխանան-պէն-Չաքայի, փափաքելով վարդապետին ուշադրութիւնը գրաւել, տակաւին ոտքի վրայ կը կենար և ձեռքերը վեր բարձրացուցած ու աչքերը խոնարհեցուցած կ'արտասանէր հետեւեալ աղօթքը՝ դոր աւելի վերջ, իր աշակերտները իւրացուցին:

«Ով մեր Աստուածը, հաճէ՛ նայելու մեր նախատինքին և տեսնելու մեր ցաւերը: Գու՛ն ինքդ հաղիբ ողորմութիւնը: Գու՛ն ինքդ քու վրադ առ զօրութիւնը: Գու՛ն ինքդ փաթթուէ գթութիւնով: Գու՛ն անսահման բարութիւնդ և խոնարհութիւնդ թող քու առջեւէդ գայ:»

Ան կ'աղօթէր տակաւին, երբ երեք նոր հիւրեր սրահ մտան: Սիմոնի դէմքը ճառագայթեց, փութով դիմաւորեց զանոնք և բարեւեց առանց սղջազուրկույթեայ խումբին առաջնորդին ցոյց տուաւ Գամաղիէլի դիմացը գտնուող պարապ բաղմոցը, իսկ անոր ընկերները ո եւ է տեղեր գտնելով տեղաւորուեցան: Ասոնք պարզ, համեստ և ազքատ մարդիկ էին:

Գամաղիէլ Յովիաղայի հետ կը խօսակցէր, իր հիացումը յայտնելով անոր Սուրբ Գիրքի մասին ունեցած զարմանալի հմտութեանը համար: Ամբարտաւան ու հպարտ մարդոց այս հաւաքոյթին մէջ, միայն մեծ ուսումնասէր ծերունին և ազատամիտ ու զարգացած վարդապետը իրարու գաղափարակից էին: Անոնք խօսակցութեան մէջ թաղուած՝ գրեթէ անտեղեակ էին իրենց շուրջի անցուդարձին և ուշադրութիւն չըրին սրահին մուտքին առջեւ տեղի ունեցած մեղմ շարժումին և իրարանցումին որ սպասարկութեան երթեւեկին հետ խառնուած էր: Սակայն Գամաղիէլ յանկարծ նշմարեց որ Յովիաղա այլեւս մտիկ չէր ընել իրեն: Ծերունին ընկղմած էր իրեն սովորական եզով մտա-

խոհութեան մէջ և աչքերը չէր կրնար դատել նորեկ երիտասարդին փափուկ ու հրեշտակային դէմքէն: Գամաղիէլ հետեւեցաւ անոր խոհուն ակնարկին: «Ո՛վ է այս երիտասարդը,» հարցուց ան մեղմ ձայնով, ինքն ալ բնազդական համակրութիւնով մը լեցուած: Յովիաղա քանի մը վայրկեան լուռ մնաց, կարծես թաղուած ըլլալով շատ հեռաւոր և շատ քաղցր յիշատակի մը մէջ: Վերջապէս ան խօսեցաւ յամբօրէն.

«Արդարեւ տարօրինակ է այս: Ես տեսած եմ զայն ասկէ առաջ...: Սակայն ո՛ւր...: Կարեւորութիւն չունի: Անձանօթ հիւրը յաճախ Աստուծոյ առաքեալն է...:»

Ճաշը կը մատակարարուէր սովորական կարգով: Լճին համեղ և գեղեցիկ ձուկերուն կը յաջորդէին տեղական որսեր և փափկահամ մսեղէններ, բոլորը համեմուած անուշաբոյր խոտերու, տեսակ տեսակ համեմներու և հնդկական կոճապղպեղի անօրինակ խառնուրդներով: Հրաւիրեալները իրենց հացը կը թաթխէին կարգով, այս խնամով պատրաստուած խառնուրդին մէջ: Իւրաքանչիւր անձ միտի բաժին մը կը ստանար, կլոր և տափակ հացի մը վրայ դրուած, որ պնակի տեղ կը ծառայէր և այսպէս, միայն դանակի մը օգնութեամբ անոնք ճարտարօրէն կրնային ուտել: Սակայն հոս ալ կը սպորդէին Բաբբիներու տարօրինակ սովորութիւնները: Ամէն մարդ պարտաւոր էր իր հացը կտրել ամէնէն լաւ եփուած մասէն, առանց զայն փեկանելու, զգուշութիւն ընելով, որպէսզի փշրանք մը իսկ չկորսուի. պէտք էր նաև գլուխը անդին դարձուցած խմել ո եւ է ըմպելի, պարտաւոր ըլլալով միշտ ուշադրութիւն ընել իր հիւրընկալին, ամէն բանի մէջ անոր օրինակին հետեւելու համար. մնացեալ մասը...

Փարիսէցիական բարդ օրէնքներու հաւաքածոյ մըն էր ամբողջ: Սիմոնի սեղանին վրայ այդ օրէնքներուն շատ ուշադրութիւն կը արուէր և սակայն իր հիւրամեծարութիւնը՝ որ թէև շատ առատաձեռն, չէր յիշեցնէր երբեք Արեւելիցիներու մէջ ամէնէն մեղկ տարբը եղող՝ Սաղուկեցիներուն ծայրայեղ և շուայտ զեղխութիւնը:

Եւ ահա սառոյցի մէջ պահուած Լիրանանի կարմիր գինին սեղան բերուեցաւ: Որքան աւելի գինարբուքը կը շարունակուէր՝ այնքան խօսակցութիւնները կ'ողեւորուէին: Եօխանան-պէն-Չաքայի աղմկալից վիճաբանութիւն մը կ'ընէր օրինական մաքրութեան մասին մասնաւոր պարագաներու համար. թէ ի՞նչ վերկանք տալու է մէկը՝ որ Տաճարը ելլելու ատեն, իրմէ երեք քայլ հեռու կը հանդիպի մեղաւորուհի մը: Իսմայէլ կը խորհէր թէ ան, պէտք էր ինքզինքը Տաճարէն հեռու պահէր այդ օրը: Եօխանան կ'ըսէր թէ քառութեան զո՞ մը մատուցանել անհրաժեշտ էր: Իսկ Սիմոն Փարիսեցին՝ իր խօսքը ուղղելով օտարականին, խնդրեց անկէ որ իր վճիռը տայ այս մասին: — Դուք չէ՞ք կարգացած, ըսաւ ան. «Ես ողորմութիւն կ'ուզեմ և չէ թէ զո՞ս:» Եւ Եօխանանին դառնալով, անոր քիչ առաջ ըրած աղօթքին ակնարկեց և ըսաւ.

«— Դարձեալ չէ՞ք կարգացած. «Այս ժողովուրդը չրթունքներով կը պատուէ զիս բայց իր սիրտը ինձմէ հեռացած է:»

Եօխանան-պէն-Չաքայի զայրոյթի շարժում մը ըրաւ: Գամաղիէլ իր համակրալից և ուշադիր ակնարկը սեւեռեց երիտասարդ վարդապետին վրայ:

Իրապէս հետաքրքրական տեսարան մըն էր Հրէական այս կոչունքը՝ որ տեղի կ'ունենար Քրիստոսի թուականին 29 րդ տարին: Գետնայարկի այս զով սը-

րահը գրեթէ մութ էր, լոյս կ'ընդունէր միայն՝ կողմնակի կամարակապ պատուհաններէն՝ որոնք հաստ վանդակներ ունէին: Արեւու շողողուն և երկարածիդ ճառագայթներ, նեղ բացուածքներէն ներս սպրդելով՝ կը թափառէին կիսաշրջանակի ձեւով ընկողմանած Փարիսեցիներուն գոյնզգոյն պատմութեաններուն վրայ, գինիի թանկագին սափորներուն ու բաժակներուն վրայ, ծաղկահիւս փսիաթներուն վրայ. իսկ աւելի հեռաւոր անկիւններուն մէջ ալ՝ տեսակ մը խորհրդաւոր ստուերներ կը տարածէին: Յանկարծ այս ստուերամած մըթնոլորտին մէջ, անակնկալօրէն իյայտ եկաւ չքնաղ երեւոյթ մը: Արեւու քմահաճ ճառագայթ մը՝ ոսկեղէն լուսապսակ մը կը կաղմէր անոր շնորհալի և խարտեաչ գեղեցկութեան վրայ: Ծիրանի պարեգոտ մը կը պատէր իր մարմինը, վազեմի արձանի մը նման ան իր մերկ բազուկներուն մէջ կը կրէր թանկագին անուշահոտ իւղի շիշ մը. իր երկայն և Արեւելքի մէջ հազուագիւտ եզոզ կարմիր ոսկեգոյն մազերը կ'ոնակն ի վար կ'իյնային ծանր հիւսկէններով՝ որոնք ընդելուզուած էին թանկագին մարգարիտներով: Կինը որ կը յառաջանար քօղ չէր կրեր. ամբողջ քաղաքը ծանօթ էր անոր ամբարտաւանութեանը՝ որ յառաջ կուգար իր տիրապետող գեղեցկութենէն:

Անչուք և շատ արագ կը յառաջանար ան, ճիշդ այնպէս՝ ինչպէս մտած էր, ոչինչ նկատելով և բոլորովին ընկզմած իր ներքին խորհուրդներուն մէջ: Ու այսպէս հասաւ Գամաղիէլի դիմացը գտնուող բազմոցին վրայ ընկողմանած օտարականին քով և անոր ետեւը կեցաւ, խորհելով թէ՛ թերեւս հոգ կենալով՝ պիտի կրնար մտիկ ընել անոր խօսքերը, ատանց ուշադրութիւն գրաւելու. սակայն իր արցունքները հեղեղի նման կը վազէին և ջլային հեծկտուքներ ամբողջ մար-

մինը կը ցնցէին. ան ծունկի եկաւ Վարդապետին ծունկերուն առջեւ, ջանալով ծածկել իր դէմքը և յայտնեց անոր իր զղջումը, իր վիշտը և իր զգուանքը իր իսկ անձին հանդէպ և մինչ կը խօսէր իր անհատնում արցունքները անդադար կը հոսէին Մարգարէին ոտքերուն վրայ. և ամչնալով որ այս անմաքուր ջուրը կը թրջէր անոր ոտքերը, իր խարտեաչ երկայն մազերովը կը սրբէր զանոնք:

Սակայն դառն ու տաք արցունքները կը շարունակէին հոսիլ, խառնուելով իր լուռ համբոյրներուն՝ որոնցմով կը ծածկէր Վարդապետին ոտքերը:

Վարդապետը իրմէ չէր հեռացուցած զայն և լուռ կը մնար: Մոլորած և վշտացած հոգիի մը այս խորտակումը՝ սիրով կ'ընդունէր Ան, իբրեւ սրբազան մատուցում մը: Աշխարհ մինչեւ հիմա ճանչցած չէր այն արտայայտութիւնը՝ որ այդ միջոցին անոր դէմքը կ'ողբեր: Ուրիշներ ալ կը ներէին, բայց որքան հըպարտութիւնով, ուրիշներ ալ կը գթային, բայց որքան բարձրէն: Եւ անա ան, իր անհուն կարեկցութիւնով կը ջանար լեցնել այն վիճը՝ որ կը զատէր զինքը այս ծնրադրող թշուառ արարածէն: Իր ներումը կը թուէր ջնջել ամբողջ անցեալ մը և կը ստեղծէր նոր հոգի մը: Իր հանդարտ լուծենէն այնպիսի գերիվեր քաղցրութիւն մը կը բոխէր՝ որ Յովիազա, մեծ խուկացողը, իր ձեռքերը վեր վերցուց և մարգարէական շարժումով մը կրկնեց, որպէս թէ երազի մը մէջ. «Անձանօթ հիւրը՝ յաճախ Աստուծոյ առաքեալն է»:

Սակայն, միայն ինք կը հասկնար այս ամէնը: Ապշեցուցիչ և երկուզալի լուծիւն մը կը սաւառնէր ներկաներուն վրայ: Անոնք գայթակղած և զայրացած կ'երեւէին: Իրենց գաղափարներուն և բարքերուն խիստ հակառակ բան մըն էր այս պատահածը: Բարբի

մը թոյլ կուտար որ կին մը այսպէս իրեն մօտե՛նար, չլսուած բան մըն էր այս, եթէ նոյն իսկ ամենամաքուր և անմեղ կինը ըլլար: Սակայն մոլորած կին մը: Մին այն արարածներէն՝ որուն հանդիպիլը իսկ, անմաքութեան ազդեցութիւնը կ'ընէր: Այս անարկու շուտութիւնը, փոթորիկի մը պայթումին նախագուշակն էր: Մարիամ Մաղդաղենացին ուշադրութիւն չէր ընէր սակայն այս լուծեան և յիշելով որ ինք եկած էր ընծայելու Վարդապետին իր արցունքներէն աւելի արժէքաւոր նուէր մը՝ անոր ոտքերուն առջև կոտրեց ալպապստրէ անօթը՝ որ նարդոսի թանկագին իւզով լեցուած էր: Այս անուշահոտութեան կը խառնուէին իր աչքերէն վազող յորդ արցունքները:

Եւ ան չէր գիտեր տակաւին թէ իր զղջման անոյշ քոյրը՝ նարդոսէն աւելի թանկագին էր, որ խորանի խունկին նման կը բարձրանար դէպ ի Վարդապետին հոգին:

Այս տեսարանին հանդիսատես եղող Բարբիներուն ընթացքը շատ յատկանշական էր: Գամաղիէլ տխուր էր և շուարու՛մի մատնուած, որպէս թէ տեսիլք մը կամ խորունկ համակրութիւն մը կը ջնջուէր իր մէջ. Չատոք և Իոմայէլ զգուանքի արտայայտութիւններ կ'ընէին. Սիմոն, չփոթած այս տեսարանին առջև, միջոց մը կը փնտռէր իր հիւրերուն ուշադրութիւնը ուրիշ կողմ գարձնելու և ուստի թափ կուտար սպասարկութեան՝ բազում հակասական հրամաններ արձակելով: Եօխանան-պէն-Չաքայի, յաղթական եղանակով մը ժողովողի Գիրքէն սա վկայութիւնը կը բերէր. «Բարի անունը հոտաւէտ իւզէն աւելի աղէկ է.» և օտարականին աշակերտները, երկչոտ ու չփոթած, ցած ձայնով կը խօսէին իրարու հետ, առանց իրենց աչքերը վեր վերցնել համարձակելու:

Այս ճնշող լուսթեան մէջէն, օտարականին ձայնը բարձրացաւ :

— Սիմոն, քեզի ըսելիք բան մը ունիմ :

— Ըսէ՛, Վարդապետ :

— Պահանջատէր մը երկու պարտական ունէր : Մէկը կը պարտէր հինգ հարիւր դահեկան, իսկ միւսը՝ յիսուն : Եւ որովհետեւ դրամ չունէին վճարելու, պահանջատէրը երկուքին ալ շնորհեց իրենց պարտքերը : Ուրեմն անոնցմէ ո՞րը աւելի պիտի սիրէր զանիկա :

— Կարծեմ թէ ան որուն աւելի շնորհուեցաւ, պատասխանեց Սիմոն անփութօրէն :

Վարդապետը ըսաւ :

— Աղէկ դատեցիր :

Եւ ցոյց տալով անոր Մարիամ Մագդաղենացին, հարցուց .

— Կը տեսնե՞ս այս կինը :

Կը տեսնէ՛ր այս կինը, սակայն անշուշտ, ամէնուն աչքերը անկէ չէին հեռացած, անոր ուղղելով իրենց ամէնէն աւելի նախատալից և ամէնէն աւելի արհամարհոտ նայուածքները : Կը տեսնէին ա՛յս կինը : Իրենք ընտրեալները, իրենք մաքրուածները : Ի՛նչ մեծ գոհունակութիւնով անոնք պիտի արտաքսէին զայն իրենց ներկայութենէն : Վարդապետն ալ պիտի հասկնար վերջապէս և պիտի դատապարտէր ու սաստէր զայն . . . :

Եւ Վարդապետը խօսիլ սկսաւ խորունկ ձայնով մը :

«Սիմոն, ես քու տունդ մտայ և դուն իմ ոտքերու համար ջուր չտուիր, սակայն ա՛ն, ան իր արցունքներովը թրջեց իմ ոտքերս և իր մազերովը սրբեց զանոնք :

«Ի՞նչն զի երբեք չհամբուրեցիր, սակայն ա՛ն, ան իմ ոտքերս համբուրելէ չդադրեցաւ :

«Ի՞նչն իմ գլուխս իւզով չօծեցիր, սակայն ա՛ն, ան իմ ոտքերս անուշահոտութիւնով օծեց :

«Ասոր համար կ'ըսեմ քեզի, ներուած են անոր շատ մեղքերը, որովհետեւ ան շատ սիրեց :»

Յովիազա կիսախուփ աչքերով և շրթունքները կիսաբաց մտիկ ընել կը թուէր Սրբութիւն Սրբութեանցը պատկանող ոսկի քնարներուն ձայնին :

Եւ ահա Վարդապետը իր խօսքը ուղղեց անոր՝ որ առաջինը ըլլալով, իր խաւար և թշուառ հոգւոյն մը թութեան մէջէն դէպի Իրեն կուգար :

«Ի՞նչ մեղքերդ քեզի ներուած են : Ի՞նչ հաւատքդ քեզ փրկեց : Գնա՛ խաղաղութեամբ :»

Սարսուռ մը անցաւ հրաւիրեալներուն շարքին մէջէն : Իրենց ականջները երբե՛ք լսած չէին ասոր նման խօսք մը : Անոնք ներքնապէս խոռոված էին և զիրար կը հարցափորձէին ու վայրկեանի մը համար մոռնալով իրենց գոռոզ ամբարտաւանութիւնը՝ կը ջանային հասկնալ այս բառերուն իմաստը, բառեր՝ զորո մարդկային շրթունքներուն արգիլուած էր արտասանել : Ո՞վ էր այս մարդը՝ որ մեղքերու թողութիւն կուտար :

Գամաղիէլ սաստիկ տմզունած հարցուց .

— Սակայն ո՞վ է ուրեմն ասիկա :

Սիմոն Փարիսեցին պատասխանեց :

— Յիսուս Նազովրեցին է :

7

Երբ ապշութեան ու թմրութեան առաջին պահը անցաւ, Գամաղիէլ անձկութեամբ հարցուց ինքզինքին. «Արդեօք Շուշան տեսա՞ւ...»: Եւ մինչ տակաւին կը մնային խնձոյքին կերակուրները բուրումնաւէտող խնկեղէնները, ան հրաժեշտ առաւ իր հիւրընկալէն, ըսելով թէ՛ կը փափաքէր տուն հասնիլ, գիշերուան մթութիւնը սկսելէ առաջ: Սակայն իրականութեան մէջ բազմութիւնը և ժխտը անտանելի եղած էին իրեն համար և իր շուրջը փոխանակուած կարծիքներն ալ՝ ատելի: Ան կը զգար նաեւ թէ ծանրակշիռ ժամ մը հասած էր Շուշանի և իրեն համար: Եւ երբ նոյն միջոցին դեռատի աղջիկը իրեն միացաւ, այնքան վայելչագեղ իր սպիտակ քօղին մէջ՝ որուն ծայրերը կը տարուբերէին փոքրիկ և սպիտակ ջորիին վրայ, ան, Իսրայէլի մեծ վարդապետը, վարանելով կեցաւ, բռնուկ կը պակսէին իրեն խօսելու: Եւ չգիտնալով թէ ինչպէ՞ս կրնար մերձենալ այս հոգիին չհամարձակեցաւ յառաջ երթալ, որովհետեւ անոր հոգիին անյատակ խորութիւնը քննելու փորձն իսկ՝ գլխու պտոյտ կը պատճառէր իրեն:

Անոնք կը յառաջանային քով քովի, իրենց հեծած կենդանիներուն դանդաղ զնացքովը, Արեւելեան այն մեղկութեան մէջ՝ որ համակ անուշութիւն և համակ երազ է: Անոնք կ'երթային առանց աճապարանքի կեանքը բաւական երկար էր նոյնիսկ ամէնէն երկայն

ճամբաներուն համար: Կ'երթային առանց խօսակցելու, ժամերը բաւական երկար էին, նոյն իսկ ամէնէն երկայն խօսակցութիւններուն համար:

Շուշան քօղը վեր վերցուցած էր, լճէն եկած զով գեփիւռին տալով իր դէմքը: Ինքն էր որ առաջին անգամ խղեց լուծիւնը և առանց յառաջաբանի հարցում մը դուրս թռաւ իր այրող շրթներէն:

— Քանի որ դուն հիմա ղինքը կը ճանչնաս, ի՞նչ կը խորհիս իր մասին:

— Արդարեւ կ'ուզե՞ս գիտնալ իմ ամբողջ մտածումս:

Եւ Շուշանի փափաքին վրայ Գամաղիէլ սկսաւ խօսիլ:

— Առաջին անգամ, երբ Յովիադա զայն ցոյց տուաւ ինձի, ան իմ սիրտս գրաւեց: Իր խաղաղ դիմադրի՞ծը վստահութիւն ներշնչեց ինձի. մանաւանդ Ջատօքի և Իսմայէլի ատելավառ դէմքերէն վերջ. իր խոնարհութիւնը կը ջնջէր Եօխաննանի ամբարտաւանութիւնը: Եւ երբ անիկա խօսիլ սկսաւ ու ըսաւ, «Նա աւելի ողորմութիւն կ'ուզեմ և չէ թէ զո՞հ», բընազգաբար Սուրբ Գրքի սա համարը եկաւ շրթներուս վրայ. «Տէրոջը հոգին անոր վրայ է:» Ես հասկցայ թէ ինչո՞ւ այսչափ ժողովրդականութիւն կը վայելէ ան. այնքան երիտասարդ է ինք, այնքան եռանդուն և այնքան հեղ. իր խօսքերը այնքան խորթափանց են և իր դաւանանքը այնքան խորունկ: Եւ հող է իր յաջողութեան ամբողջ պաղտնիքը...: Ես մտադիր էի իրեն մօտենալով հրաւիրել ղինքը հոս, մեր տունը և կամուրջները: Կ'ըսեն թէ աղքատ է, իմ բարեյեկտոյ երուսաղէմ: Կ'ըսեն թէ աղքատ է, իմ բարեկամութեանս շնորհիւ, ղիրք մը պիտի գրաւէր ան վարդապետներուն մէջ: Թէպէտեւ ես անջատ կ'ապրիմ Գալիլիացիներէն, նաեւ անոնցմէ՝ որոնք առանց դըպ-

րոց յաճախած ըլլալու կ'ուսուցանեն, սակայն զինքը
ինծի մօտեցնելու յիմարութիւնը պիտի գործէի: Եւ
ո՞վ գիտէ: Ո՞վ կրնայ կարգաւ ապագան որոշապէս:
Թերեւս...: Սակայն այս կինը եկաւ:

Զօրաւոր կարմրութիւն մը գունաւորեց Շուշանի
այտերը: Գամաղիէլ շարունակեց.

— Հիմա այլ եւս ի՞նչ յարաբերութիւն կրնայ կե-
նալ անոր և մեր միջև: Այն ընդունելութիւնը՝ զոր
ան ըրաւ այս մեղաւոր կնոջ, կը ցուցնէ թէ ինք
նոյն իսկ օրէնքին տեղեակ չէ: Ան չգիտեր կամ կ'ար-
համարէ մեր աւանդութիւնները: Եւ ամէն բանէ ա-
ւելի, ան ամենաձանր յանցանքը գործեց իմ աչքե-
րուս առջև, խանգարելով իր կեանքին ներդաշնա-
կութիւնը և չկարենալով ինքզինքը զերծ պահել իր
անձը վտանգող դայթակղութիւններէն: Դուն սրահին
մէջ չէիր. դուն չտեսար երբ այդ կինը, մազերը քա-
կուած՝ կը համբուրէր անոր ոտքերը և կը լուար դա-
նոնք իր արցունքներով և անուշահոտութիւնով:

— Ես զայն նշմարեցի ներքին գաւթին դռնէն,
ըսաւ Շուշան մեծ ճիգով:

— Աւելի աղէկ է քեզի համար որ այսպէս եղաւ:
Դուն ասով աւելի իրազեկ պիտի ըլլաս ամէն բանի՝
քան իմ բոլոր ճառախօսութիւններով: Եթէ այս մարդը
մարգարէ մըն էր, պիտի գիտնար թէ ի՞նչ տեսակ կ'ըն
մըն էր ան և պէտք չէր արտօնէր՝ որ իրեն մօտե-
նար, մանաւանդ պէտք չէր թոյլ տար որ այսպիսի
անմաքուր էակ մը իրեն հպէր, ասով ենթարկուելով
վարդապետներուն արհամարհանքին: Իր նպատակը
չէ՞ր միթէ կեանքի օրէնքները փոխել այս կերպով:
Արատները անջնջելի են: Եւ եթէ մենք, Բաբելներս,
չպաշտպանենք արտաքին երեւոյթները, քիչ ատենէն
ի՞նչ վիճակի պիտի հասնի ժողովուրդին ապականու-

թիւնը: Մեր հայրերը կը սորվեցնեն թէ ամէն նորու-
թիւն վտանգաւոր է: Իսկ ես կը խորհիմ թէ ամէն
մարդ պէտք է ազատօրէն շնչէ և ըմբռնէ իր կարո-
ղութեան չափով: Սակայն ոչ թէ այսպէս հոգիները
խռովել՝ խորտակելով պաշտպանութեան արտաքին
պատնէշները: Մեզ հարուածել, մե՛զ, վարպապետ-
ներս, մեր հեղինակութեան մէջ և մեր տանը մէջ
իսկ...:

«Գոնէ՛ եթէ պատկառելի տարիք մը ունենար, եթէ
մօտեցած ըլլար այն ժամուն՝ երբ մեր մարդկային
կեանքի վերջաւորութիւնը կը լուսաւորուի յաւիտե-
նական ցոլքերով, այն ատեն կրնայինք խորհիլ թէ
ան կը տեսնե՞ր բաներ՝ զորս մեր վարանոտ հոգիներ-
ըը չէին կրնար տեսնել: Յովիադա...»

Լոեց, որպէս թէ ինքն ալ ներքին յափշտակու-
թենէ մը տարուած, և կրկին խօսեցաւ գրեթէ անխելի
ձայնով մը.

— Յովիադա՛ն, ի՞նչ նայուածք ունէր ան. գրե-
թէ կը լափէր օտարականին խօսքերը, ինչպէս մարդ
պիտի խմէր բուն իսկ կենաց աղբիւրէն: Ան, իր բա-
զուկները անոր երկարեց խորհրդաւոր բառեր մրմըն-
ջելով: Եւ մինչ ես ինքզինքս աւելի՛ հեռացած կը
զգայի այս Գալիլիացիէն, կրնար ըսուիլ, որ իրենց
երկուքին հոգիները իրարու կը հանդիպէին, մեզմէ
խիստ հեռու...:

Յանկարծ, Գամաղիէլ, իրմէ հեռու վանեց այս
բոլոր տպաւորութիւնները և զինքը խռովող տարա-
կոյսները, և ըսաւ.

— Եթէ դուն կը վստահիս այս երիտասարդ վար-
դապետին, աւելի աղէկ պիտի ըլլար մեզի համար որ
հոն բնաւ գացած չըլլայինք և ամէնէն աւելի, չսէինք
սա խօսքերը, «Բու մեղքերդ քեզի ներուած են»)

Սակայն ո՞վ կրնայ մեղքերու թողութիւն տալ: Այս մարդը խենդեցած է: Նոյն իսկ մարգարէները չեն համարձակած այսպէս խօսելու: Անոնք ապաշխարութիւն կը քարոզէին և կ'ըսէին, «Ապաշխարեցէ՛ք, ետ դարձէ՛ք ձեզ կորստեան տանող ճամբաներէն և Տէրը պիտի ներէ ձեզի... թերեւս»: Բայց ասի՛կա, իրապէս մարդկային իրաւասութեան սահմանէն անդին կ'անցնի: Մա՞րդ մըն է այս որ կը խօսի կամ Աստուած մըն է: Կը կարծէ՞ թէ կրնայ նոր հոգի մը ստեղծել:

— Թերեւս ստեղծած է, ընդմիջեց Շուշան երկչոտութեամբ: Դուն ուշադրութիւն ըրի՞ր Մարիամ Մաղդաղենացիին:

— Ոչ, ըսաւ Գամաղիէլ գոռոզաբար: Ի՞նչ կարեւորութիւն ունի այդ կիներ: Ես ուզեցի զինքը հեռացընել այն համակրութեան պատճառաւ՝ զոր ունէի Գալիլիացիին հանդէպ: Սակայն վերջապէս, ի՞նչ կարեւորութիւն ունի ան ինծի համար:

— Ես բաւական չարչարուեցայ ճանչնալու և հասկընալու համար զայն, ըսաւ Շուշան, և թերեւս հասկըցայ...:

Զովարար սիւք մը մեղմօրէն կը փչէր շուշաններու և յակինթներու անոյշ բոյրեր տարածելով: Հորիզոնին վերջին գիծը կ'ընկղմէր պղնձագոյն ոսկիի մը մէջ: Փոքրիկ ալիքներ կը փշրուէին ձիւրուն ոտքերուն տակ, անվերջ վերսկսումի ձայնով մը: Երբ Շուշան խօսեցաւ, իր ձայնը աւելի քաղցրանուագ էր, օրօրուած այս ներդաշնակութիւնով:

— Ես որքան չարչարեցի ինքզինքս, սակայն յետոյ հասկցայ թէ ի՞նչ մեծ փոփոխութիւն կրած էր այս կիներ: Ես ուրիշ ատեն հանդիպած էի իրեն, սակայն մէկդի քաջուած էի իրմէ: Կարելի՞ էր ուշադրութիւն ընել այս տեսակ արարածներու: Ես չէի

գիտեր երբեք թէ ան այդքան զեղեցիկ էր: Երբ ներս մտաւ և մօտեցաւ վարդապետին ես բարկութեանս դողացի: Ան խորտակեց իմ ջերմ սքանչացումս, ան մեռցուց իմ սուրբ երազս: Ուրեմն այս մարգարէն ալ ուրիշներու նման մարդ մըն էր: Դանիէլի տեսիլքը կը պատկերանար աչքիս առջեւը, կենդանի և խիստ ցաւալի. ոսկիէ արծանը կաւէ ոտքեր ունէր...: Այս արծանը կ'երերար և կը փշրուէր իմ սրտիս մէջ: Եւ այս կիներ էր գայթակղութեան քարը: Ծատ անոյշ ձայնով մը, Գամաղիէլ հարցուց.

— Ուրեմն դուն կը սիրէի՞ր այս երիտասարդ վարդապետը:

Շուշան իր զեղեցիկ և անմեղ աչքերը յառեց Գամաղիէլի վրայ և ըսաւ.

— Եղբա՛յր, ես բան մը չեմ գիտեր, միայն գիտեմ թէ ան աշխարհիս ամէն բաներէն աւելի կ'արժէ ինծի համար, կեանքէն ալ աւելի, քեզմէ՛ ալ աւելի, քեզմէ՛ որ զիս օրօրած և սիրած ես մօր մը պէս: Բայց մի՛ վշտանար, եղբա՛յր, ան ինծի համար քեզմէ տարբեր բան մըն է. սրբազան էակ մը՝ որ այս աշխարհիս չպատկանիր: Ես չպիտի կարենայի մարդկային երազի մէջ խառնել զայն: Կը կարծեմ թէ ատիկա սրբապղծութիւն մը պիտի ըլլար:

«Ո՛հ, որչափ ուրախ եմ որ վերջապէս կրնամ քեզի հետ խօսիլ: Երբ ես տեսայ զինքը, երբ մտիկ ըրի իրեն, բոլոր այն գերագոյն իղձերը՝ սրոնք մինչև հիմա չէի զգացած իմ մէջս և բոլոր այն բաները՝ զորս դուք մոռցաք ձեր ուսուցումին մէջ, ձգելով այսպէս որ մեռնին հոգիները, հաւատքը, սէրը եւ կատարեալ սրբութիւնը, բոլոր ասոնք արթնցան իմ մէջս, իրենց թեւերը բարախելով: Ան, կենաց խօսքերը կը խօսի: Ան, մեռելներուն յարութիւն առնել

կուտայ. բայց մանաւանդ հոգիներուն: Շատ տարօրինակ տպաւորութիւններու տակ կը գտնուիմ: Երբ ան իր առաջին ակնարկը ուղղեց իմ վրաս, ես զգացի թէ սրբութիւն սրբութեանց մեզմէ բաժնող վարագոյրը կը հպէր իմ դէմքիս: Սրբազան ու երանելի արհաւիրք մըն էր այս: Ո՞վ է ուրեմն ան: Մարգարէ մըն է կամ ա՞ն է որ պիտի գայ...»

Գամաղիէլ ներողամիտ ժպիտով մը ըսաւ.

— Ո՛հ, այս սիրող էակներուն երգը: Ոչ մէկ բան կը հաւասարի իրենց կուռքին բարձրութեան:

— Խորհէ՛ թէ ես որքան տառապեցայ, շարունակեց Շուշան: Երբ տեսայ որ այդ կինը անոր ոտքերը կը համբուրէր՝ ձգեցի որ դրան վարագոյրը վար իյնայ: Նոյն ատեն, ինծի կը թուէր թէ ստոէ վարագոյր մըն ալ կ'իջնէր իմ սրտիս վրայ և ամէն բան կը մթննար իմ մէջս, որպէս թէ գերեզմանի մը մէջ ըլլայի: Այլ եւս չէի ուզեր նայել, այլ եւս չէի ուզեր լսել: Սակայն քիչ յետոյ ես հանդիպեցայ այդ կնոջ, առաջին գաւիթին մէջ՝ երբ ան կը մեկնէր: Ո՛հ, եղբայր, ի՞նչ հրաշք մըն էր այս: Ան, նոյն կինը չէր այլեւս, ան, կերպարանափոխուած էր իր զղձումովը. և որքան հրապուրիչ էր...: Ան չէր կրնար գտնել իր ճամբան, մահացու ամօթի զգացումով մը՝ կը վարանէր փողոց ելլել այդ վիճակով: Վայրկեան մը կեցաւ ան: Ո՛հ, ինքը չէր որ մօտեցած էր վարդապետին. ինք չէր կրնար մօտենալ անոր: Ան շատ բարձր էր: Ան էր որ զինքը քաշած էր դէպի լոյսը: Միմէոնին կինը և աղջիկները մօտեցան այդ միջոցին և արհամարհանքով խնդացին իր վրայ: Ան չզայրացաւ անոնց, բայց միայն կը նայէր անոնց իր արցունքներուն մէջէն. թակարդի մը մէջ բռնուած կենդանիի մը աղաչողական նայուածքովը: Այն ատեն, ես իմ

քօղս տուի իրեն, որպէսզի փողոցին մէջ ուշադրութիւն չգրաւէ անպարկեշտ կնոջ մը նման: Եւ ես ժրպտեցայ իրեն, չեմ գիտեր թէ ինչպէ՞ս ըրի այդ բանը...: Ինծի այնպէս թուեցաւ թէ, Վարդապետն ալ իր ժրպիտովը ինծի կը պատասխանէր...:

— Դուն քու քօղք տուիր այդ արարածին, գոչեց Գամաղիէլ զգուանքով:

— Ան այլ եւս «այդ արարածը» չէ. ան Մարիամն է, ըսաւ Շուշան: Այդ ալ զգացի ես: Մեծ լոյս մը ծագեցաւ իմ մէջս: Այնքան հպարտ կը զգայի ես այն անմեղութեանս համար՝ զոր դուն հրեշտակային կը կոչես և որքան երջանիկ էի այս ինկածներուն նման չըլլալուս համար...:

— Այդ քու իրաւունքդ է, պատասխանեց Գամաղիէլ հպարտ գորովանքի ժպիտով մը:

— Ո՛հ, այլ եւս այդ իրաւունքը չունիմ ես. Ան եկած է մեզմէ առնելու այդ իրաւունքը: Այս մեծ մարդարէին առջեւ, մենք ամենքս թշուառ էակներ ենք, առաւել կամ նուազ չափով: Այն չարիքները՝ զորս մենք չենք գործած, Տէրն է որ յաճախ զանոնք մեր ճամբուն վրայէն հեռացուցած է և ես կ'օրհնեմ մեր ճամբուն վրայէն հեռացուցած է և ես կ'օրհնեմ քեզ, քեզ՝ որ իմ կեանքիս մէջ, աստուածային պաշտպանութիւնը եղած ես չարին դէմ:

Շատ մեղմ շարժումով մը, Գամաղիէլ առաւ փոքրիկ ձեռքը և դրաւ իր ճակտին վրայ. յետոյ իր շրթներուն մօտեցուց: Շուշան իր ձեռքերուն մէջ պահեց այս հաւատարիմ ձեռքը՝ որ մինչեւ հիմա զինքը առաջնորդած էր և իր անկեղծ աչքերը Գամաղիէլի ուղղելով ըսաւ:

— Եղբայր, ես պէտք չէ հպարտանամ իմ անմեղութեանս համար, բայց դուն ալ մի՛ հպարտանար քու գիտութեանդ համար: Մի՛ ըսեր այլ եւս «այս

Գալիլիացին,» մի՛ ըսեր այլ եւս «այս անունը:» Լոյս մը կայ զոր բոլոր գիրքերը չէին կրնար տալ քեզի և որ Անոր մէջ է և որ մեր մէջն ալ երբեմն կը շողայ: Ինծի կը թուի թէ ես աւելի բան սորված եմ այս վերջին շարթներուն մէջ՝ քան երկար տարիներու ընթացքին: Այս տկար դաղափարները կը յայտնեմ քեզի ճիշդ այնպէս՝ ինչպէս անոնք կուզան ինծի: Ինծի կը թուի թէ նոր արեւ մը կը լուսաւորէ կեանքը և իրերը. կը սխալի՞մ արդեօք: Կը պաղատիմ ըսէ ինծի:

Գամաղիէլ քանի մը վայրկեան լուռ մնաց, ինքն իր մէջ ամփոփուած, յետոյ, որպէս թէ դժուարին դեր մը կը ստանձնէր, լրջօրէն շարունակեց.

— Մեր հայրերը շիտակ կ'ըսեն, Աստուած պահէ մեզ կիներուն վարդապետելը տեսնելէ: Սակայն քանի որ ես քեզ դաստիարակելու անխոհեմութիւնը գործած եմ, դոնէ մտիկ ըրէ այն նշանաբանը՝ որ իմ ամբողջ կեանքիս ուղղիչն է: Քու հեղինակութիւնդ ունեցիր, ինքզինքդ գերծ պահելու հաւատ ստուարդս եւ մի՛ վճարե՛ր սաստնորդը առակց զայն չայիւրու: Պէտք է թողուլ որ անցնին, պէտք է թողուլ որ իյնան այն ամէն բաները՝ որոնք համաձայն չեն մեր հայրերուն աւանդութիւններուն: Եօխանան, Իսմայէլը, ամէնէն նշանաւորները, — և մնացեալ բոլոր Փարիսեցիները և ձերերը, — պիտի ուզէին բնաջինջ ընել այն բոլորը՝ որոնք հակառակ են սուրբ Տապանակին, Թորահին և միւս սովորութիւններուն՝ որոնք աւելի նուիրական են Բարբիներուն համար: Անոնք քեզի ատելութիւն պիտի քարոզեն. ես քեզմէ կը խնդրեմ միայն որ անտարբերութիւն եւ իմաստութիւն ունենաս: Մի ջանար կրկին տեսնելու դայն՝ որ քեզ կը մղէ անխորհուրդ գործերու, հակառակ քու կամքիդ: Անյողգողգ կեցիր և ո եւ է միջամտութիւն մի ընդունիր. պահէ՛

բարձրութիւնդ: Մի ուրանար մեր կենսական նշանաբանը՝ որ է, «Մենք ուրիշներուն չենք նմանիր:» Այս մտածումը մեզ վեր կը բռնէ, ան կը պահէ մեզ կործանումէ. այս հասարակ ժողովուրդի զաւակը չկրնար հասկնալ ասոնք: Դուն շարունակէ մնալ մեծ վարդապետներուն դուստրը: Ժամանակը մեզի պիտի սորվեցընէ մնացեալը:

Թաղցալից և երկա՛ր լուութիւն մը տիրեց: Զըմալուած սիրտը կը կծկուէր, կասկածը կը խուժէր պարզ հոգիէն ներս: Միթէ կրնա՞ր հակառակիլ մեծ վարդապետին՝ որ այնքան ազնիւ և այնքան գորովալից էր իրեն հանդէպ: Շուշան վերջին ճիգ մը ըրաւ, խնդրելով տեսնել Յովիազան, իրենց երկուքին ալ հայրը և բարեկամը, կարծես փնտռելով վերջին ապաստան մը, իր հոգեկան այս մեծ շփոթութեան մէջ: Գամաղիէլ յօժարակամ ընդունեց Շուշանի խնդիրքը, ազդուած անոր վիշտէն, երջանիկ՝ որ այնպէսով պիտի կրնար անոր տխուր խորհուրդները փարատել: Իրենց այցելութեան օրը և ժամը միասին որոշեցին ու լուութիւնը դարձեալ տիրեց իրենց միջև, ծանր և ճընշող: Ամառուան այս երկայն օրուան փայլուն խորախճանութիւնը՝ կը շիջանէր մեղամաղձիկ մշուշի մը մէջ: Ալիքները կը փշուռէին իրենց ոտքերուն տակ, մէկիկ մէկիկ, միօրինակ և տխրազին, ինչպէս մանկան մը հեծեծանքը...:

Ե

Յովիադայի այցելութեան երթալու օրը դեռ չհասած՝ Գամաղիէլ խիստ վրդովիչ լուր մը ստացաւ անոր մասին թէ՛ մեծ Րաբբին մահամերձ էր և կը փափաքէր վերջին անգամ տեսնել զինքը և իր քոյրը։ Այս տխուր լուրը սաստիկ յուզում պատճառեց անոնց։ Սիմոնի տան մէջ իրենց վերջին հանդիպումին՝ ծերունին տկարութեան ու է նշան չէր ցուցուցած և գրեթէ հարիւրամեայ էր, սակայն իր բարեկամները կը պարծենային թէ տակաւին պիտի կրնային պահպանել անոր կեանքը։ Շուշան և Գամաղիէլ աճապարանքով պատրաստուեցան և ճամբայ ելան դէպի ծերունիին բնակարանը՝ որ իրենց տունէն հաղիւ հինգ կամ վեց մղոն հեռու էր, անոնք որոշած էին Յովիադայի քով մնալ մինչեւ անոր վերջին վայրկեանը։

Սիրելի՛ և անշուք տնակ, ան շինուած էր բլուրի մը մէկ կողմին վրայ և կը տիրապետէր Գեհնեսարեթի քաղցրահոտագ լճին։ Տունը գրեթէ մէկ յարկ մը ունէր՝ ուր երկու սենեակներ կային, իսկ գետնայարկը մէկ սենեակ մը միայն կար, տանիքին վրայ հողէ պատշգամ մը շինուած էր, որ ամառուան մէջ կը պըճնազարդուէր շահոքրամի և նարկիզի ծաղիկներով։ Առաւօտուն կանուխ արեւուն առաջին ճառագայթները կ'ոսկեղօձէին պատշգամը և այսպէս ամբողջ օրը լուսաւորութեան տօնախմբութիւն մը տեղի կ'ունենար, միակ տօնախմբութիւնը մեծ խոկացողին՝ որ հոն կ'ապ-

րէր։ Այս համեստ բնակարանը շրջապատուած էր քանի մը որթատունկերով՝ որոնք իրենց ճիւղերը երկընցուցած էին ծառէ ծառ, կար նաև ոստալից բունով թղենի մը՝ որ գրեթէ ամէն եղանակի մէջ կը տարածէր իր դովարար շուքը և քաղցրահամ պտուղներ կուտար։ Յովիադա օրուան մէկ մասը կ'անցնէր այս ծառին տակ, ինք և իր կինը տնկած էին այս ծառը իրենց ամուսնութեան օրը, գրեթէ երեք քառորդ դար առաջ, իրենց սիրած Սուրբ Գիրքին սա համարին համեմատ, «Իմաստունը իր թղենիին և իր որթատունկին ներքեւ պիտի նստի»։ Տարուէ տարի ծառը աճած էր, իր շուքը տարածելով երիտասարդ ամուսին վրայ և հեռզհեռէ՛ ուրախ, զուարթ մանուկներուն վրայ։ Իրենց որդիները մեծցեր ու ցրուեր էին, խառնուելով կեանքի կամ մահուան։ Եւ հինաւուրց սիրելի թղենին կը բազմապատկէր իր ճիւղերը, քիչ մը աւելի խորհրդաւորութիւն տալով խեղճուկ տնակին, ինչպէս տարիները, որ կը կուտակուին գլխու մը վրայ և քիչ քիչ կը ծանրաբեռնեն և կը մթագնեն դայն...։

Երկա՛ր տարիներէ ի վեր Յովիադա և իր հաւատարիմ կենակիցը Աննա սովոր էին այս խեղճուկ և սիրելի տնակին չեմին վրայ առանձին նստած՝ մտերմօրէն խօսակցիլ, եւ հիմա ան կը մեկնէր անդարձ։

Աննա խորին շնորհակալութիւնով ընդունեց Գամաղիէլը և Շուշանը, անոնց անձկալից հարցումներուն պատասխանեց իր սպիտակ գլուխը երերցնելով, յետոյ յուսահատ շարժումով մը ըսաւ.

—Երէկուընէ ի վեր նոյն իսկ չեմ գիտեր թէ արդեօք զիս կը ճանչնայ, կը կարծեմ թէ շատ չչարչարուիր։ Առաջին անգամ չհասկցայ թէ հիւանդ է, սակայն քալելու համար ըրած մեծ ճիգը՝ զիս մտահոգեց, հեռզհեռէ չկրցաւ այլեւս հեռանալ Աղիայէն

և յետոյ ալ վախաթէն՝ որ անկողինի տեղ կը ծառայէր իրեն: Ես բոլոր օգտակար դարմանները ըրի իրեն արմաւօղիով և բուժախոտերով: Հոտաւէտ իւղով օծեցի իր մարմինը, սակայն չգորայաւ: Ասոնք անօգուտ բաներ են մեր տարիքը ունեցողներուն համար: Տեսակ մը զառանցանք ունի, շարունակ անցեալ օրերուն կ'անդրադառնայ: Ան, իր Տէրոջը համբոյրին տակ երջանկութիւնով պիտի քնանայ: Սակայն պէտք էր որ Աստուած միեւնոյն ժամանակ կանչէր զանոնք՝ որոնք միշտ մէկտեղ քալած են . . . :

Շուշան գորովանօք գրկեց իր ծերունի բարեկամուհին և անոր խօսեցաւ բուժումի կարելիութեան մասին. խօսքեր՝ որոնք կ'օրօրեն և կը խաղաղեցնեն անմխիթար վիշտերը:

Ամէնքը մէկտեղ պատշգամը ելան. որուն մէկ մասը ծածկուած ըլլալով՝ տեսակ մը բացօթեայ սենեակ կազմուած էր:

Յովիազա արդէն անկենդան երեւոյթ մը ստացած էր. աչքերը դոց էին և ձեռքերը խաչաձեւուած կուրծքին վրայ. իր դէմքն ալ ձիւնի պէս սպիտակ էր, ինչպէս իր երկայն մազերը: Գամաղիէլ և Շուշան երկիւղածութիւնով համբուրեցին անոր ձեռքերը և յետոյ ձակատը: Գամաղիէլ, իր քով դտնուած կազդուրիչ դեղէն, քանի մը կաթիլ կաթեցուց անոր բերնին մէջ:

Յովիազա աչքերը բացաւ և իր բարեկամները ճանչնալով, տարտամ ժպիտ մը ունեցաւ: Յետոյ ան խօսիլ սկսաւ շատ ցած ձայնով մը, զանդաղօրէն եւ երկար ընդհատումներով.

— Չատկի օրը, վարդապետները հաւաքուած էին տաճարին արքայական դաւիթին մէջ: Անոնք կ'ուսուցանէին և աղմկալից վիճաբանութիւններ կ'ընէին: Հիլէլի մահէն ի վեր շատ օրեր անցած էին . . . :

Այդ մանուկը եկաւ, ճիշդ մօտս նստաւ: Սիրուն ու խարտեաչ էր ան, միակնոր ճերմակ պատմուճան մը հագած էր: Անսովոր խօսքեր ըսաւ ան: Ըսաւ թէ . . .

Յովիազա կեցաւ ջանալով փնտռել իր ըսելիքը:

— Հայր, ըսաւ Գամաղիէլ, որ կարծես հիւանդ երեխայ մը կ'օրօրէր. Շուշանի ճերմակ քօղն է որ դուն կը տեսնես. Շուշանը, քու և իմ սրտիս զաւակը: Աստուած քեզի զրկած է զայն, որպէս մէկը այն հրեշտակներէն՝ որոնք կը խօսին քու հոգիիդ անտեսանելի կերպով:

Յովիազա դեռ կը ժպտէր, աւելի անուշ և աւելի քաղցր: Քանի մը վայրկեան վերջ՝ ան կրկին դոցեց իր աչքերը և երազային ձայնով մը շարունակեց:

— Ան ըսաւ, «Ողորմութիւնը . . . Ես աւելի կը սիրեմ ողորմութիւնը . . .» Ինչպէ՞ս կը խորհիս դուն պաշտել զԱստուած չարութիւնով լեցուն սրտով մը: Իմ քովս նստած էր ան: Ամէնքը մի առ մի շուարեցուց: Ղեւի բացադանչեց, «Այս մանուկը մեզ ամէնքս լռութեան պիտի դատապարտէ . . .» Յետոյ այն կինը ներս մտաւ: Ես տեսայ որ իր հոգին կը մաքրուէր իր թափած արցունքներով: Ամէնքը ծաղրեցին զայն . . . Սակայն ան ըսաւ, «Քու մեղքերդ քեզի ներուած են:»

— Կը զառանցէ, ըսաւ Գամաղիէլ յուզուած:

— Ես ճանչցայ երբեմնի քաղցր էակը, ես պիտի ճանչնայի զայն նոյն իսկ գերեզմանին միւս կողմը . . . : Գամաղիէլ, զաւակս, ես քեզի բան մը չըսի, ես չէի կրնար ո եւ է բան խօսիլ քեզի անոր վրայ. թէ եւ չէի ուզեր քեզմէ ծածկել իմ խորհուրդս, սակայն սպիկա անորոջ խորհուրդ մըն էր . . . : Եւ յետոյ մարդուն մէջ անմատչելի զաղտնի անկիւններ կան: Մարդ չյայտներ իր հոգիին ամբողջ զաղտնիքը,

նոյն իսկ իր դաւկին, նոյն իսկ իր բարեկամին: Հոն՝ ուր Աստուած իր ձեռքը կը դնէ, հոն ծանր լուսթիւն մը կը տիրէ և թերեւս այս յիշատակը կնքուած է իմ սրտիս մէջ Աստուծոյ ձեռքովը: Ինչո՞ւ ինծի չխօսեցաւ ան: Ասիկա տարօրինակ է: Թերեւս չյիշեց զիս: Եւ յետոյ, հոն էր այն կինը որ կ'արտասուէր: Զատօք դժոխային դէմք մը ունէր...: Վա՛յ անոնց՝ որոնք լոյսը կը նսեմացնեն, վա՛յ անոնց...: Կեանքիս մէջ յաճախ ես փնտոեցի զայն, սակայն ոչ մէկ ճամբու վրայ հանդիպեցայ անոր: Գամաղիէլ ինծի հարցուց. «Ո՞վ է ասիկա...»: Ինչպէ՞ս գիտնալ թէ ո՞վ է անիկա:

Շուշան մտիկ կ'ընէր հեւ ի հեւ: Գամաղիէլ իր բազուկներուն մէջ առաւ անուշիկ ծերունիին գլուխը: Այլայիև ձեղունէն կախուած աղօտ լամբարը կը պլպլըլար մարելու մօտ: Հագարաւոր աստղեր կը փալիլէին երկինքին վրայ:

— Որդեա՛կ իմ, շարունակեց Յովիադա աւելի տկար ձայնով մը, Շուշանը հո՞ս է:

— Հոս եմ հա՛յր, ես քեզ չեմ թողուր, ըսաւ դեռատի աղջիկը: Ես և եղբայրս բնաւ չպիտի հեռանանք քովէդ:

— Կարդա՛ ուրեմն ինծի Եսայեայ 49-րդ գլուխը: Մագաղաթը հոս է, գլխուս տակ:

Շուշան բացաւ գոնաթափ մետաքսեղէնի մը մէջ փաթթուած թերթերը և յուզումէն խեղդուող ձայնով մը կարդաց.

«1. Ահա իմ ծառաս՝ որուն ձեռնտու պիտի ըլլամ ու իմ ընտրածը՝ որուն իմ սիրտս հաւնեցաւ. իմ հոգիս անոր վրայ գրի:

«2. Անիկա պիտի չաղաղակէ և իր ձայնը դուբսը լսել պիտի չտայ:

Ու ծերունին շարունակեց երգի մը նման.

«3. Զախջախուած եղէգը պիտի չիշրէ ու պլպլած պատրոյգը պիտի չմարէ...» պիտի չմարէ...: Ո՞վ կրնայ գիտնալ ժամանակը՝ երբ հոգի մը բոլորովին կը խաւարի...: Կը խաւարի՞ ան երբեք...: Ո՛հ, կը փափաքէի մեռնելէս առաջ անգամ մըն ալ տեսնել զայն:

— Ո՞վ կ'ուզես կրկին տեսնել, Հա՛յր, երթամ, փնտոեմ ու բերեմ քեզի, ըսաւ Գամաղիէլ խանդաղատանքով:

— Դուն չես կրնար...: Անիկա տաճարին խարտեաչ մանուկն է...: Շուշա՛ն, սիրելի աղջիկս, գնա՛ քնացիր: Վար իջի՛ր խեղճ Աննային քով՝ որ կուլայ. ծերերուն արցունքները աւելի խորունկ հետքեր կը ձգեն. ըսէ՛ իրեն, թէ ինքը ինծի շատ սիրելի և բարի եղած է իր կեանքին բոլոր օրերուն մէջ, կը փափաքիմ որ քիչ մը հանգչի հիմա. առաւօտուն երկուքդ միասին եկէք դարձեալ:

Այսպէս ըսելով, անիկա կրկին քնացաւ մեծ վարդապետին բազուկներուն մէջ: Գամաղիէլ զաւկի մը նման գուրգուրանքով և ուշադիր կը հսկէր: Գիշերուան պահերը իրարու կը յաջորդէին, ընդհատուած, երկարատեւ լուսթիւնով, շատ մեծ զառանցանքով և երբեմն ալ հանդարտ և անուշ խօսքերով: Վայրկեան մը այնպէս երեցաւ թէ՛ Յովիադա կը վերստանար իր ամբողջ գիտակցութիւնը. Հիլէլի աշակերտը՝ իր երիտասարդութեան տարիներուն մեծանուն վարդապետին ուղղեց գործալից յիշատակութիւն մը: Ի՞նչ մը վերջ անիկա անհանդարտ վիճակ մը ստացաւ և վերջովմ հարցուց Գամաղիէլի թէ, Հիլէլի գաղափարով եղեկիա իրապէս Մեսիա՞ն էր:

— Հիլէլ որոջ և վճռական բան մը չէ ըսած այդ մասին, պատասխանեց Գամաղիէլ: Դուն գիտես թէ

անիկա որչա՛փ փափուկ և աղնիւ մէկն էր, դուն ինձ մէ աւելի աղէկ կը ձանչնաս զինքը. ես մանուկ էի դեռ, երբ անիկա մեռաւ:

— Անիկա ինձի բան մը չէ ըսած այդ նիւթին շուրջ, պատասխանեց Յովիազա մեծ ճիգով մը: Ընչ մարտապէս, յողնեցանք սպասելէ: Չորս հազար տարիէն աւելի...: Ամէն բանէ կը ձանձրանայ մարդ...: Ո՛հ, մանաւանդ կեանքէն, և իմինիս նման երկար կեանքէ մը: Մութ կէտեր կան...:

Գիշերուան մթութիւնը կը փարատէր տակաւ: Աստղերը կը սփռունէին: Եւ այդ միջոցին արշալոյսը իր զմայելի վարդագոյնը տարածեց երկինքի ու երկրի վրայ, խոնարհ տնակին անտաշ քարէ պատերուն վրայ և քաղցրանուագ ընդարձակ լճին վրայ: Ճերմակ ու կապոյտ ազաւնիներ, ճիւղէ ճիւղ կը թռչտէին մեղմ թրթռումներով:

Առաւօտ էր: Աննա վերադարձաւ իր անխոնջ անձնագոնութեան պաշտօնին: Լուսթիւնով գիտեց իր կեանքին ծերունի ընկերը և շրթունքները դողդղացին և անաբեկեցաւ տեսնելով իր սիրելիին փոփոխութիւնը մէկ գիշերուան մէջ: Շուշան Սարոնի վարդերու փունջ մը բերաւ Յովիազայի, հոտոտելու համար. ծերունին չչարմեցաւ:

Յանկարծ փողփողուն ճառագայթ մը շողաց ու եկաւ ոսկեղօծել անոր սպիտակ գլուխը, ձակատը և մեղրամոմէ ձեռքերը: Նորածագ արևուն զուարթ ողջոյնն էր այս: Սակայն այս ճառագայթը, միայն մանուան այս տեսարանը չէր որ կը լուսաւորէր: Հեռո՛ւն, հազիւ տեսանելի էակ մը կար, որ կը յառաջանար այդ ոսկեղէն ակօսին մէջէն: Բլուրին բարձունքէն կ'իջնէր ան և տակաւ կը մօտենար Յովիազայի խոնարհ բնակարանին: Տեսիլք մը չէր այս, գրեթէ ամէն օրուան

պատահած իրականութիւն մըն էր Գալիլեայի օրհնեալ երկրին մէջ: Յիսուս կ'իջնէր լեռնէն՝ ուր ամէն իրիկուն կ'առանձնանար աղօթելու համար:

Յովիազա գլուխը վեր առաւ և լոյսի այս շքեղութեան մէջ՝ իր կիսովին մարած նայուածքը անձկալից արտայայտութիւնով մը յառեց անոր վրայ՝ որ կը մօտենար. յանկարծ յափշտակութեան և հիացումի ժպտիտ մը ունեցաւ եւ իր ամբողջ մարմինը կը դողար երբ շնչեց:

— Մանո՛ւկը, Տաճարին մանո՛ւկը:

Շուշան ցած ձայնով մը ըսաւ.

— Յիսուս Նազովրեցին է:

Յիսուս կեցաւ հոն, ոտքի վրայ, ամառնային գեղեցիկ ու պայծառ առաւօտուն, իր ձակատը դեռ կը պահէր գիշերուան երկա՛ր աղօթքին վեհութիւնը: Իր ողորմութիւնով լեցուն աչքերը խոնարհեցուց եւ իր գթատատ շրթունքը բանալով, անպատում գորովի շեշտով մը մրմնջեց.

— Ան որ ինձի կը հաւատայ, թէեւ մեռնի՝ պիտի ապրի:

Յովիազա ուրախութենէն կիսովին նուազեցաւ և որպէս թէ երազի մը մէջ, Գամաղիէլի ձեռքը բռնելով ըսաւ.

— Մտիկ ըրէ՛...: Տաճա՛րին մանո՛ւկը, Սիմոնի անձանօթ հիւրը... Աստուծոյ Առաքեա՛լն է:

Ու մեծ խոկացօզը մեռա՛ւ, իր հոգիին այս խրախձանքին մէջ:

.

Իրենց գուրգուրոտ ձեռքերով սլտանքեցին Յովիազան և դրին այն գերեզմանին մէջ՝ զոր ինք փորած էր հանդարտ ծառուղիին ծայրը գտնուած ժայռին մէջ:

Այնուհետեւ Շուշան իր բոլոր հոգածութիւնը կեդրոնացուց Աննայի վրայ: Նախ փափաքեցաւ ամայացած և տխուր տունէն հեռացնել զայն, ուստի ստիպեց որ միասին երթան իրենց տունը: Սակայն Աննա քաղցրութեամբ մերժեց այս հրաւերը: Ան կ'ուզէր ապրիլ հոն՝ ուր իր ամուսինը ապրած էր, մեռնիլ հոն՝ ուր իր ամուսինը մեռած էր և իր քայերը դնել հոն՝ ուր որ անոր ստեղծը կոխած էին, մինչեւ իր ճամբուն վախճանը...: Թշուառ կինը ականատես եղած էր անոր ճգնաժամին և իր վշտին մէջ խելակորոյս, շատ անորոշ հասկցողութիւն մը ունեցած էր իր շուրջը անցած դարձածին վրայ. սակայն տեսած էր Յովիաղայի ժըպտելով մեռնիլը, և զգացած էր որ Աստուած շատ բարի էր և անոր հրամանով կ'ըլլային այս բոլոր բաները: Իր վշտին դառնութիւնը թեթեւցած կը զգար հիմա և իր յոյսը գրեթէ ստուգութեան փոխուած էր: Եւ բոլոր միամիտ հոգիներուն նման, մէկ գաղափարի մը մէջ ամփոփուած՝ ան կ'ուզէր իր աղքատիկ բոյնին մէջ նստիլ և սպասել, մինչեւ որ իրեն համար ալ հընչէր այն ժամը՝ միանալու իր ծերունի կողակիցին:

Գամաղիէլ մտիկ կ'ընէր, հիանալով այս խոնարհ դասակարգին տրամաբանութեանը վրայ: Մեծ վարդապետը արտակարգ վրդովումի մը մասնուած էր, ան չէր կրնար ապաւինիլ անհատականութեան այն օրէնքին՝ որ շինուած էր մարդիկ տարակոյսէ զերժ պահելու համար: Յիսուսի անակնկալ ներկայութիւնը չէր անշուշտ՝ որ այսպէս կը խռովէր զինքը. զուգադիպութիւն մը կրնար ըլլալ այս. Յովիաղայի տարօրինակ վերջիշունն ալ չէր, ասիկա կրնար տեսուէն յառաջ եկած զառանցանք մը ըլլալ: Սակայն ինքնագիտակից ժամերու մէջ և երկնային լուսաւորութեան գերազոյն վայրկեանին, Յովիաղա կրկնած էր իրեն այս վրդովիչ

խօսքը. «Այս մարդը Աստուծոյ կողմէ զրկուած է:» Եւ եթէ ասիկա ճշմարտութիւնն էր, եթէ այս Գալիլեացին երկրիս վրայէն կ'անցնէր երկնային պատգամով մը, եթէ մարգարէ մըն էր ան, եթէ ասիկա Ան հրոր պիտի գար...: Եւ յիշեց Նիկողէմոսի մէկ խօսքը, «Սորհուրդ մը եկած է մտքիս մէջ, որ տակաւին սարսուռ կուտայ ինձի:» Գամաղիէլ կը զարմանար իր անձը այսքան սկար զգալուն համար, ինքն ալ ուրեմն մօտեցած էր անոնց՝ որոնցմէ շատ բարձր էր, անոնց՝ որոնք սկար լոյսէ մը կը տարուէին, որոնք կը սպասեն, որոնք կը դիմեն անստոյգ Մեսիային... իբրեւ կենդանի իրականութիւն մը:

Ի՞նչ ապացոյց ունէր իրականութեան մէջ. Յովիաղա կրնար խաբուած ըլլալ իր հոգիին բարեպաշտ անկեղծութիւնովը: Միթէ շատ մը անձեր մոլորած չէին Թեղասի հետեւելով. քանի՞նք կորուսեցան Յուդա կողոնացիին հետ: Հռովմէական տիրապետութենէն ի վեր, ամէն քայլափոխի Մեսիաներ երեւան եկած էին: Արդեօք ի՞նքն ալ այս արկածախնդիրներուն հետեւէն պիտի երթար:

Գամաղիէլի խորհուրդները մէկ տրամաբանական ելք մը միայն դտան այս խոնարհութեան մէջ, սպասել: Ապագան պիտի ցուցնէր իրեն թէ ո՞ւր էր սխալը: Եթէ այս մարդը Աստուծմէ զրկուած էր, ասիկա կուսակցութիւնները պիտի միացնէր եւ ժողովուրդը պիտի ազատէր. ան իր վրայ պիտի կրէր աստուածային օրհնութեան նշանը, այն անսխալ նշանը որ ամէն ճշմարիտ Հրէայի տեսակէտով յաջողութիւնն է: Սակայն Գամաղիէլ իր ազնիւ հոգիին ուղղամտութիւնովը ինքզինքին իրաւունք չէր տար կաշկանդելու Շուշանի համոզումները, քանի որ ինքն ալ իր համոզումներուն մասին տարակոյսի մէջ էր. պէտք էր որ ինք խօսէր անոր հետ:

Եւ անա մինչ կ'երթեւեկէր խաղաղ ծառուղիին մէջ՝ նշմարեց իր քոյրը Յովիադայի գերեզմանին քով։ Հրեաները կը հաւատային թէ մեռնողին հողին շատ օրեր կը թափառէր իր մարմնոյն շուրջ և անոնք որ բաժանման առաջին ժամերէն սկսեալ, այցելութիւններ կուտային գերեզմանին՝ կրկնապատիկ կ'օրհնուէին։ Դամբարանին դուռը փակող քարին կոթնած՝ գեռատի աղջիկը բացուած շուշանի մը նման կ'երեւէր ստուերոտ խորութեան մէջէն։ Շուշան տեսնելով Գամաղիէլի գալը, զայն դիմաւորեց և իր կանացի պայծառատեսութեամբ զգաց թէ ինչո՞ւ կը տառապէր աղանիւ վարդապետը և թէ ի՞նչ էր իր տարակոյտը։

— Մի՛ մեղադրէր ինքզինքդ, ըսաւ Շուշան անսահման քաղցրութիւնով մը. ևս շատ փութկոտ զըտնուեցայ, չէի գիտեր թէ որքա՛ն լուրջ խնդիրներ են ասոնք, չաճապարենք մեր դատողութեան մէջ։

— Սպասենք, ըսաւ Գամաղիէլ, եթէ ան կը խաբէ, պիտի անյայտանայ ինքն ալ, իր գործերն ալ իրեն հետ. իսկ եթէ ճշմարտութիւնը իր մէջն է... վայրկեան մը կանգ առաւ. եթէ ճշմարտութիւնը իր մէջն է, շարունակեց ան մեծ ճիգով մը, ևս չեմ ուզեր մարտնչիլ նոյն ինքն Աստուծոյ հետ։ Շուշան սրտագին շնորհակալութիւն մը ուղղեց Աստուծոյ։ Ան կը զգար թէ իր հողին զօրացած էր և որոշեց տիրանալ կատարեալ լոյսին, տառապանքի զնով և սպասումով։

Ամէն բան կը պարզուէր, ամէն բան կը պայծառանար իր մտքին մէջ։ Ան իր առջեւ կը գտնէր սահաւոր հարցումը. «Ո՞վ է Նազովրեցի Յիսուսը։» Սակայն ինք, իր հողին Աստուծոյ կը վստահէր սիրով լեցուն պաշտումով մը. որպէս զի մթութեան և խաւարին մէջէն լոյս ժայթքէր ինչպէս ժամանակին Ան լուսաւորած էր իր հայրերը հրեզէն ամպով մը՝ երբ

անապատէն կ'անցնէին։ Շուշան կ'աղօթէր միշտ ու կը սպասէր։

Արեւելեան մեղմ հով մը կը փչէր յուշիկ և կ'անցնէր խոտերուն վրայէն՝ որոնց բարձր ցողունները կը խոնարհեցնէին իրենց գլուխները, քաղցր մրմունջով մը։ Անսահման խաղաղութիւն մը կը թուէր բղխել բոլոր էակներէն և բնութենէն ու կը շրջապատէր ժայռին մէջ փորուած խոնարհ գերեզմանը՝ որ կը գտնուէր լուռ ու հանդարտ ծառուղիին ծայրը...:

Պէտք էր սպասել ուրեմն, սակայն Շուշան չէր խորհած թէ իր այս սպասումը որքան երկար պիտի տեւէր: Իր առողջութիւնը՝ որ արդէն խանդարուած էր այս բոլոր ցնցումներէն, մեծ խնամքի կը կարօտէր, այնպէս որ ուզեցին իրենց գիւղի բնակութիւնը շարունակել ամբողջ աշունը և ձմեռն ալ, եթէ կարելի է ձմեռ կոչել լճին սահմաններուն այս մշտնջենական դարունը: Շուշան հրճուանքով ընդունած էր կեանքի այս փոփոխութիւնը, խորհելով որ շատ մօտ պիտի գըտնուէր Յիսուս Նազովրեցիին և անոր գործունէութեան շրջանակին մէջ պիտի ըլլար: Դիպուած մը թերեւս պիտի կրնար զինքը անոր մօտ տանիլ, ճամբու դարձուածքով մը, թերեւս յանկարծ իր առջեւ տեսնէր զԱյն: Սակայն օրերը իրարու կը յաջորդէին և Շուշան չէր հանդիպէր անոր, որպէս թէ թաքուն զօրութիւն մը զինքը հեռու կը պահէր անկէ: Շուշան կ'երթար հոն՝ ուրկէ Յիսուս մեկնած կ'ըլլար արդէն, կ'անցնէր ճամբէ մը՝ ուրկէ օր մը առաջ անցած էր Ան, կամ կ'անցնէր օր մը յետոյ և այսպէս կը շարունակուէր: Անգամ մը, պատշգամին բարձունքէն Շուշան նշմարեց անսովոր երթեւեկ մը, անցեալի անմոտանալի յիշատակի մը շնորհիւ, ան հասկցաւ պատճառը այս զբարթ խուճապին. ամբոխը տեսնուող աճապարանքով ուղղուած էր դէպի մէկ կէտ մը, դէպի մէկ անձ մը: Շուտով դուրս ելաւ Սառայի հետ, արագ քայլերով

յառաջացաւ դէպի մերձակայ փոքրիկ գիւղը՝ ուր ամբոխը խոնուած էր, սակայն տեսաւ նաակ մը՝ որ իր աչքերուն առջեւէն կը հեռանար, տանելով Նազովրեցի Յիսուսը լճին միւս կողմը:

Այն ատեն դառն յուսահատութիւն մը տիրեց իր վրայ: Յիսուս մտիկ չէր ընել իրեն, Ան չէր լսել իր լուռ աղօթքը և չէր պատասխանէր իր շրթները այրող սա հարցումին. «Ո՞վ ես դուն:» Շուշան կը խորհէր թէ Յիսուս չէր զգար իր հոգիին սուրբ ծարաւը և անօթութիւնը ու չէր հասկնար թէ մէկ բառով մը, անսահման խաղաղութիւնը պիտի կրնար թափել իր սըրտին մէջ: Ան կը յառաջանար իր յաղթական ճամբէն, խանդավառ հիացումներու և եռանդուն ծափահարութիւններու մէջէն, դռնիկ մարդոց նախանձին ու ատելութեան մէջէն և անտարբերներու արհամարհանքին մէջէն. նաեւ այն ամէն բաներուն մէջէն՝ որոնք կը նուիրագործեն յաջողութիւնը: Կը քայլէր ան, իր յաղթական ճամբէն, թողելով զինքը իր մութ ճամբուն մէջ, ահա՛ կեանքը, հոգիներու այս մեծ յաղթականներուն, մարգարէներուն կամ առաքեալներուն՝ որոնք զրկուած են ժողովրդային զանգուածները դրաւելու համար: Ի՞նչ կարեւորութիւն ունի անհատի մը սիրտը՝ որ կը պաղատի և որ մթութեան մէջ կը մեռնի: Յիսուս խիստ չէր եղած իրեն հանդէպ, միայն թէ կ'անգիտանար որ ինք գոյութիւն ունէր: Երկու անգամ անոր նայուածքը հանդիպած էր իրեն... և ինքը խօսած չէր անոր հետ, եթէ ասիկա Ան էր. «Ան որ պիտի գայ խոնարհներու և փոքրերու համար,» արդարեւ պէտք էր հասկցած ըլլար առանց բառ մը ըսելու, թէ Հրէայ մեծ վարդապետներու դուստրը՝ տարակոյսի մէջ ընկղմած էր և մեռնելու աստիճան վհատած... Ան կը հեռանար իրմէ, Ան լուռ կը մնար:

Այն ատեն Շուշան փորձեց մոռնալ զայն և փափաքեցաւ վերապրիլ իր նախկին կեանքը, իր նախկին զբաղումներով: Ան վերսկսաւ զբաղիլ ասեղնագործութիւնով, զոր Տիւրացի կին մը սորվեցուցած էր իրեն և որ մեծ համբերութիւն ու երկար ժամանակ կը պահանջէր: Ան իր քնարն ալ ձեռք առաւ դարձեալ:

Երկար ժամերը կը սահէին Գամաղիէլի հետ իր ունեցած լուրջ խօսակցութիւններով: Փոխադարձ համաձայնութեամբ մը, անոնք կը զգուշանային իրենց խօսակցութիւններուն մէջ՝ Յիսուսի անունը արտասանելէ, սակայն այս անունը կը ծածանէր օդին մէջ եւ անխնայ խօսքերու տակ ծածկուած, կը թափանցէր իրենց սրտերուն մէջ: Կատարուած հրաշքներուն շուրջը՝ իրենց կը հասնէր ամէն կողմէ և առաջին անէձքներուն յառաջ բերած աղմուկը՝ փոթորիկի մը նման կը ցնցէր իրենց խաղաղ բնակարանը: Գամաղիէլ կը ձանձնար այն Փարիսեցիները, որոնք զինքը մտիկ ընելու կուգային և առանց սարսուռի չէր որ ան կը զգար անոնց շեշտերէն, ատելութեան մը պայթումը, երբ կը կրկնէին Յիսուսի խօսքերը. «Վայ ձեզի՛ կեղծաւոր դպիրներ ու Փարիսեցիներ, վայ ձեզի որ որքեւայրիներու ունեցածը կը յափշտակէք. վայ ձեզի որ դաւաժին և պնակին դուրսի կողմը կը մաքրէք, երբ ներսը յափշտակութիւնով և անիրաւութիւնով լեցուն է: Վայ ձեզի որ ձեր եղբայրներուն ուսերուն վրայ անտանելի բեռներ կը դնէք:» Գամաղիէլ հակառակ իր կամքին, այս անէձքները կ'արձանագրէր նշանաւոր մարդոց ձակաւորներուն վրայ և կ'ընդունէր որ Յիսուսի այս ցատումը արդար էր: Միայն թէ կը զարմանար անխոհեմութեանը վրայ երիտասարդ վարդապետին՝ որ այսքան ատելութիւն կը հրաւիրէր իր վրայ և կը խորհէր թէ պիտի կրնար առանձին բարեկարգել ամբողջ աշխարհը:

Չատիկը կը մօտենար: Գամաղիէլ և Շուշան կըրկին ձեռք առին Երուսաղէմի ճամբան: Անոնք դացին Բեթանիայի և Ջիթենեաց լեռան ճամբով, վայելելու համար այդ կողմերու մշտաթարմ հմայքները: Յուդայի միօրինակ և անբերրի բլուրները, հեռաւոր գորշագոյն հորիզոնը, մերկ ժայռերու և ամալացած գետիններու տիրազդեցիկ երեւոյթը՝ տարօրինակ հակապատկեր մը կը կազմէին իրենց թողած երկրային դրախտին հետ: Սակայն անոնք Երուսաղէմ կ'երթային եւ ամէն զեղեցկութիւն կը չքանար այս անունին առջև: Ջիթենեաց լեռնէն սկսելով ճամբան հեռուէտէ հեշտաւր կը դառնար, ամբողջովին եզերուած՝ ձիթենիներով, նոճիներով, մրտենիներով և արմաւենիներով, որոնցմէ վեր կը բարձրանային դարաւոր մայրիները, որոնց վրայ կը թառէին բազմաթիւ աղաւնիներ: Հոս էր որ մեծ քահանայապետը, Աննա, վաճառորդներու կրպակներ շինել տուած էր Տաճարին նպաստի համար և իր ու իր եղբայրներուն հարստութեան մէկ մասը այս առուտուրէն կը դոյանար:

Ճամբուն մէկ դարձուածքով, անակնկալօրէն կ'որոշուէր Երուսաղէմ քաղաքը՝ բոլորովին ձերմակ, անիրական տեսիլքի մը նման իր պալատներով և աշտարակներով՝ որոնք ոսկիի ու մարմարիոնի ճոխութիւն մը կը ներկայացնէին և կը պաշտպանուէին հաստ զոյգ պարիսպներով: Մէկ կողմէն կցուած շրջակայ հողերուն եւ միւս կողմերէն շրջապատուած կեդրոն եւ Հինոմ կոչուած խորունկ հեղեղատներով՝ Սուրբ Քաղաքը վեհափառօրէն կը կանգնէր և անառիկ երեւոյթ մը ունէր: Հարիւր աշտարակներ զայն կը պաշտպանէին: Հեռուէն կը նշմարուէին ասոնց ամէնէն նորակերտները և վիթխարիները՝ որոնք կը կոչուէին Հիպիքոս, Ֆալսէլ, Մարիան: Եթերին ջինջ թափանցկութեանը

մէջէն յատկօրէն կ'որոշուէին չորս բլուրները, Սիօնը՝ որուն գագաթը կը գտնուէր Հերովդէսի պալատը իր հրաշալի պարտէզներով եւ գեղեցիկ սրահներով՝ որոնք շինուած էին թանկագին քարերով ու մարգարիտներով դրուագուած ճանդոսի փայտէ։ Փեղէթան՝ նոր քաղաքը, որ դեռ պատերէն դուրս կը մնար. Աքրան, հեթանոս ոստանը, նշանաւոր իր թատրոններով, ջերմուկներով եւ զբօսատեղիներով։ Ասոր դարատափներուն վրայ կային տօնավաճառներուն կարչագեղ բաղմութիւնը, շուկաները, հարթ տանիքով եւ սակաւաթիւ երկայն պատուհաններով ցած տուները, օձապտոյտ փողոցները, որոնց մէկ մասը կամարակապ էին, նաեւ վարդենիներու հոչակաւոր բուրաստանը՝ որ Բարբիներէ երգուած էր։ Վերջապէս, առաջին կարգին վրայ, վեհ առանձնութեան մը մէջ՝ Մորիայի լեռան կը տիրապետէր Տաճարը, հրաշալիքներու հրաշալիքը, Անտոնիայի անարկու աշտարակին պաշտպանութեան կամ սպանալիքին տակ։ Ո՛հ, երուսաղէմի այս Տաճարը. Ով որ զայն տեսած չէ, չի գիտէր թէ ի՛նչ է գեղեցկութիւնը,» կ'ըսէին Բաբելները։ Գետնայարկի երկնեանք քարերը երեք հարիւր ոտք խորութիւնով ուղղաձիգ կը կանգնէին զմայլելի յոխորտանքով մը։ Աւելի բարձրը, արևելեան երկինքի զօրաւոր կապոյտին մէջ, կը գծագրուէին դաւիթները, երեք շարք սիւներով, իրերայաջորդ դրստիկոնները եւ հսկայ խորանը, այս բոլորը՝ շրջապատուած կուտակում մըն էր մարմարներու, նրբանցներու, պատըզգամներու եւ ոսկեպատ դռներու՝ որոնց վերեւ կը տեսնուէր սրբազան Նաոսի խորհրդաւոր սպիտակութիւնը։ Ջիթենեաց լեռան դարատափներէն տեսնուած այս պատկերը՝ զայն գիտողին հիացում եւ միանգամայն չիփթութիւն կը պատճառէր, իր արտակարգ շքե-

ղութեանը պատճառով՝ որուն քով շատ ետ կը մնային Սողոմոնի Տաճարին շքեղութիւնները։ Եւ Սրբութեան ու Սրբութիւն Սրբութեանցի ոսկեղէն ցցուածքները հազարաւոր բոցեր կ'ուղղէին մարը մտնող արեգակին եւ լուսաշող պայծառութիւնով մը կ'ողողէին անմատչելի սրբարանը։

Շուշանի եւ Գամաղիէլի նման ճշմարիտ Հրէաներ չէին կրնար ջերմօրէն չսիրել Երուսաղէմը։ Սակայն քաղաքին եւ Տաճարին շքեղութիւնը չէր միայն պատճառը՝ որ զանոնք կը յափշտակէր, այլ անոնց եղական սրբութիւնը։ Ամբողջ աշխարհի մէջ չկար տեղ մը՝ որ այնքան սրբազան ըլլար իրենց համար. անիկա Աստուծոյ բնակարանը եւ իրենց հոգիներուն հայրենիքն էր միանգամայն։ Շուշան մտքովը կ'երգէր Գաւթի աստիճաններուն երգը.

«Երուսաղէմ շինուած է անառիկ բերդի մը նման, անոնք որ քեզ կը սիրեն, թող իրենց փափաքին համաձայն քեզ վայելեն։

«Խաղաղութիւն թող տիրէ քու պարիսպներուդ մէջ եւ առատութիւն՝ քու պալատներուդ մէջ։

«Մեր Տէր Աստուծոյն տանը համար քեզի բարութիւն պիտի ուղեմ...»

Եւ ավելի ջերմ ետանդով մը շարունակեց.

«Տէրը Սիօնը ընտրած է, իրեն ժառանգութեան համար ընտրած է զայն։

«Այս է իմ մշտնջենական հանգստեան տեղս, ես հոն պիտի բնակիմ, ինչու՞ որ այսպէս ուղեցի։

«Ճրագ պիտի պատրաստեմ իմ օժեպիս համար, անոր թշնամիներուն ամօթ չպիտի հագցնեմ։»

Շուշանի այս բարեպաշտ խորհուրդներուն կը խառնուէր ուրիշ զգացողութիւն մըն ալ. Նիկողեմոս ըսած էր իրեն թէ Յիսուս Նազովրեցին յաճախ կը քարոզէր

տաճարին գաւթին մէջ. ուրեմն ինք ալ ամբոխին խառնուելով՝ կրնար լսել զայն. երկու օրէն Չատիկ էր և Յիսուս իր աշակերտներուն հետ անպատճառ Երուսաղէմ պիտի գար Չատիկը տօնելու: Քաղաքը արդէն տօնական երեւոյթ մը առած էր. ամէն կողմ բացօթեայ իջեւաններ, գետինը տարածուած գորգեր ու բարձեր. կարաւաններ ամբողջովին խռնուած էին դռներուն առջեւ, միօրինակ չափով կրկնելով սրբազան երգերը. պերճաշուք կամ համեստ բնակարաններէն կախուող վարագոյրները ցոյց կուտային թէ հոն ազատ մուտք կար օտարականին և աղքատին համար. մէկ միլիոնէն աւելի բազմութիւն մը կը խուժէր պատերէն ներս և կը տարածուէր մինչև Ձիթենեաց լեռը և Բեթանիա: Շուշան և Գամաղիէլ դժուարաւ կրցան անցք մը բանալ իրենց համար: Քոնսթանտինոպոլ անգիրն հրապարակն ալ՝ որ քահանայապետին պալատին ստորտը կը գտնուէր և կը տարածուէր Սիօն լերան արեւելեան կողմը, նոյնպէս խճողուած էր ուխտաւորներով, մանուկներով, էջերով և ուղտերով՝ որոնք խառն ի խուռն կը կենային կամ ապաստանած էին հըրապարակը շրջապատող սիւներուն տակ: Շուշան մեծ հաճոյք կը զգար այս տեսարանէն և անսովոր եռուզեռէն. ան իր բնակարանը հասաւ հոգին յոյսով լեցուած: Տաճարին ճիշդ դիմացը կը բնակէին անոնք, ոչ շատ հեռու արքայական կամուրջէն՝ որուն հաստատուն կամարները, ձգուած Թիրօփէոնի վրայ՝ Սիօնը և Մօրիան իրարու կը միացնէին:

Իրենց խաղաղ և ապահով բնակարանին մէջ հազիւ տեղաւորուած՝ Շուշանի առաջին մտածումը եղաւ իրենց դրան առջեւ կախել վառ գոյներով շղարչ մը. այս հիւրասէր տունը ամէն տարի բաց էր օտարականներու առջեւ. սակայն այս անգամ Շուշան իր մտա-

ծումներուն մէջ աւելի բարեպաշտութիւն, աւելի սէր և աւելի եռանդ դրած էր: Ո՛վ գիտէր թէ Յիսուս Նազովրեցին հոնկէ անցած ատեն ներս չպիտի մտնէր. ո՛վ գիտէր թէ ան չպիտի գար և իրենց սեղանը նըստէր, ինչպէս ուրիշ ատեն ըրած էր Սիմոն Փարիսեցիին տունը, և չպիտի մասնակցէր իրենց հետ զատկական գառնուկին խորհրդանշական ճաշին:

Սակայն տօնի օրերը անցան և Ա՛ն չերեւցաւ. ոչ թէ միայն իրենց զուռը չբաղխեց՝ այլ չտեսնուեցաւ Տաճարին մէջ ալ, Երուսաղէմի մէջ ալ: Ան իր առաքելութիւնը կը շարունակէր աւելի հեռուն: Հիմա Դեկապօլիսի, Տիւրոսի և Սիդոնի վրայ կը խօսուէր: Ան այլ եւս չէր մօտենալ Սուրբ Քաղաքին: Նիսսնը, ծաղիկներու ամիսը անցաւ ամբողջովին, սակայն ան չերեւցաւ. Իճարը, Արեւելքի երկինքի քաղցր Մայիսը, ճանհագեղ Սիվանը, Թաւնուսը և պտուղներու ամիսը Ապր, Իղալը վերջապէս և իր այգեկութեքը կ'անցնէին զանդաղօրէն, առանց զայն բերելու: Դեռ կը սպասէ՞ր անոր Շուշան, ինքն ալ չէր կրնար ըսել. սակայն զինքը շրջապատող ժողովուրդին յուզումը տարօրինակ էր. իւրաքանչիւր մեծ տօնի վրդովումով կը հարցնէին իւրարու. «Ո՛ւր է անիկա» Հակասական շշուկներ շրջան կ'ընէին անոր մասին. կարծիքները կը տարբերէին: Ոմանք կը հաւատային անոր՝ իր ըրած բարիքներուն համար. ասոնք պարզամիտներն էին: Ուրիշներ զայն կը նկատէին ամբոխը մոլորեցնող խարբայ մը. ասոնք անոնք էին՝ որոնց յանցանքները կը մատնանըչէր Յիսուս և որոնք հարուստ, գիտուն և զօրաւոր էին. ասոնք չէին վիճաբաներ այլ կ'արհամարհէին զայն և իրենք իրենց մէջ կ'ըսէին. Կա՞յ մէկը որ հաւատայ այս մարդուն: Նիկողեմոս, որ միշտ վախկոտ էր, կը լռէր: Գամաղիէլ այս վիճաբանութիւններէն հե-

ուու կը մնար. ան սկսած էր իր դասաւանդութիւններուն՝ որոնց կը հետեւէր ուսումնասէր ու եռանդուն երիտասարդութիւն մը, որ օրէ օր աւելի խանդավառութիւնով կը կապուէր. մեծ վարդապետին: Գամաղիէլի ուսուցումը կը պահէր իր համբերութեան և մեծութեան անձնական դրոշմը՝ որ Րաբբիի մը համար խիստ արտասովոր էր, խառնուած թերեւս զգացողութեան մը հետ, որ աւելի կը շեշտուէր իր սաստիկ յոգնած երեւոյթով. ան երբեք չէր խօսեր Մեսիայի վրայ. սակայն շատ անգամներ կը խորհէր թերեւս:

Թիշրիկ (Սեպտեմբեր և Հոկտեմբեր) հասաւ դարձեալ, բերելով իր տօներու հանդիսութիւնները: Նախ, քառութեան մեծ օրը, տարւոյն միակ օրը՝ երբ քահանայապետը ձերմակներ հագած, կ'անցնէր սրբարանին ահաւոր սեմէն և կը մտնէր Սրբութիւն Սրբութեանցը: Այդ օրը, խիստ ծոմապահութենէ մը վերջ, ան զոհ կը մատուցանէր իր և իր ժողովուրդին մեղքերուն համար և զէպի անապատը կը հալածէր քառութեան նոխազը՝ որուն եղջիւրներուն մէջտեղ ծիրանեզոյն կտոր մը կապուած էր: Տասը տարիէ ի վեր քահանայապետ էր, Աննայի փեսան, Յովսէփ Կայիափա. Աննա կէս դարէ ի վեր նենգութիւնով և ճարպիկութիւնով իր ընտանիքին մէջ պահած էր քահանայապետութիւնը. իր զաւակներէն չորսը և իր փեսան կը կատարէին այդ պաշտօնը կարգով, Քանթերօսներու և Փապիներու հետ փոխնիփոխ: Ժողովուրդը կ'ատէր և կ'արձամարձէր բոլորն ալ: Արդէն այս կնամարդի, դաժան ու փարթամ քահանաներուն անցած ատեն՝ Հրէաները ցած ձայնով անէծքներ կը մոմաւային, անէծքներ՝ զորս աւելի վերջը, անոնց երեսին պիտի զարնէին:

«Անէ՛ծք Պօէթոսի ընտանիքին վրայ. Անէ՛ծք իրենց հարուածներուն համար:

«Անէ՛ծք Աննայի ընտանիքին վրայ: Անէ՛ծք իրենց թերուն սուլումին համար:

«Անէ՛ծք Քանթերօսի ընտանիքին վրայ: Անէ՛ծք իրենց անուանարկիչ գրիչներուն համար:

«Անէ՛ծք Իսմայէլ պէն Փապիի ընտանիքին վրայ: Անէ՛ծք իրենց բոունցքներուն ծանրութեանը համար:

«Անոնք քահանայապետներ են, իրենց որդիները գանձապահ, իրենց փեսաները տաճարին պետեր և իրենց ծառաները՝ մեծ գաւազաններով կը ծեծեն:»

Ահաւասիկ ասոնք էին Աստուծոյ ժողովուրդին քահանաներուն դասը:

Քառութեան հանդէսէն հինգ օր վերջ՝ կը սկսէր ցնծութեան տօնը, Տաղաւարահարաց տօնը. ասիկա շաբաթ մը կը տեւէր, Թիշրի ամսուան 15 էն սկսեալ մինչեւ 21: Այս ժամանակամիջոցին մէջ՝ բոլոր ժողովուրդը պարտաւոր էր սաղարգներով շինուած տաղաւարներու մէջ բնակիլ, ի յիշատակ Իսրայէլացեաց անապատէն անցնելուն. ոչինչ աւելի նկարագեղ և աւելի հրապուրիչ էր՝ քան Երուսաղեմի ատկերը այդ օրերուն: Տուներուն տանիքներուն վրայ, բակերու ու պարտէզներուն մէջ և հրապարակներուն վրայ նուրբ հովանիներ բարձրացած էին, Հոկտեմբերի պայծառ ու զուարթ երկիրն տակ Սուրբ քաղաքը փոխակերպելով կանանչներու հիանալի փունջի մը: Եւ մինչ Տաճարին մէջ կը մատուցուէին ընդհանուր զոհերը՝ ուրոնց թիւը օրական տասներեքէն եօթնի կ'իջնէր՝ արօրէ ծանր դուռները կը բացուէին կէս գիշերէն սկսեալ մասնաւոր զոհերը ընդունելու համար: Հինգ հարիւր քահանաներ հազիւ կը բաւէին այս զոհերը մորթելու:

Շուշան շատ քիչ անգամ Տաճար կ'երթար և միայն արտաւորիչ ծէսերու ժամանակ. սակայն յաճախ Սի-

նակով կ'երթար, Պեթ Խերէմի կոյս քարերով և տասնըջորս մէթր լայնքով անեղ խորանը — այս հսկայ խորանը՝ որմէ արիւն կը կաթէր — տեսակ մը սարսափ կ'ազդէր Շուշանի: Երեք կրակ կը վառէր հոն շարունակաբար. մին, Արեւելեան կողմը, միւսը, Հարաւային կողմը խնկանոտ փայտերով, որոնց վրայ անուշահոտութիւն լեցուած էր, այրած միսին սարսափելի հոտը խափանելու համար. իսկ վերջին կրակը կը վառէր Հիւսիսային կողմը, միւս երկու կրակները արծարծելու համար: Իրենց տանը պատշգամին վրայ գտնուող տերեւէ նուրբ հովանիին տակ նստած Շուշան մութին մէջէն կը դիտէր կրակին փալիւիւը և կը լըսէր զոհերուն աղաղակը: Ան յաճախ երկար ժամեր արթուն մնալով փափաք կը զգար իր մէջ աւելի մաքուր և աւելի աննիւթական զոհի մը: Ան կ'երազէր ուրիշ զոհեր Անոր համար՝ զոր պէտք էր պաշտել հոգիով ու ձգձարտութիւնով, ինչպէս Յիսուս ըսած էր: Եւ իր խորհուրդները՝ տակաւին ազօտ, սակայն կոյս սրտերու պայծառատեսութիւնով կը բարձրանային, ինչպէս խունկերու մուխը՝ որ անարկու խորանէն վեր կը բարձրանար դանդաղօրէն ու ոլորապտոյտ այգ գաղջ ու մութ գիշերուան մէջ...

Է

Տօնին վերջին օրն էր և ամէնէն հանդիսաւորը. Տաճարին խորհրդանշական արարողութիւնները՝ իրենց կը քաշէին բարեպաշտ Հրէաները: Անոնք պարտաւոր էին հոն ներկայ ըլլալու, ինչպէս արդէն ամէն շաբաթ. աջ ձեռքերնին բռնած լուրջալը, խուրձ մը որ կազմուած էր մրտենիներու, ձիթենիներու և ուռենիներու ճիւղերէ, իսկ ձախ ձեռքերնին բռնած կօրոյկը, տեսակ մը կիզրոն, ի յիշատակ խոտացեալ երկրին: Այս մեծ օրուան առաւօտուն, հաւատացեալները երեք խումբերու կը բաժնուէին. ոմանք կ'օգնէին զոհի պատրաստութիւններուն, ուրիշներ քահանային ընկերացած կ'երթային Մօյա, Կեդրոն հեղեղատին մէջէն ուռենիի ճիւղեր հաւաքելու և անոնցմով խորանին մէկ մասը ծածկելու համար. վերջին խումբն ալ Սելովամի աւազանը կ'իջնէր: Շուշան միշտ այս վերջիններուն կ'ընկերանար, որովհետեւ շատ կը սիրէր դիտել անոնք՝ երբ ջուրը վեր քաշէին. ասիկա յիշատակութիւնն էր անապատին մէջ ապառաժէն հանուած ջուրին: Ան կը սիրէր նաեւ օրհնել զԱստուած անցեալի շնորհներուն համար և այն հրաշքներուն շարքին համար՝ զոր կատարած էր միայն Հրէաներուն ի նպաստ և որ զանոնք պատուած էր և որ զանոնք զատած էր ընդ միշտ ուրիշ ժողովուրդներէն: Շուշանի երախտագիտութեան կը խառնուէր նաեւ իր ցեղային հպարտութիւնը. սակայն ինքը այս տկարութեան անգիտա-

կից էր որ մինչեւ մէկ աստիճան մը օրինաւոր էր: Ասիկա անբիծ հոգիի մը «Մենք ուրիշներուն պէս չենք,» ի զգացումն էր:

Նոյն առաւօտուն, Շուշան արշալոյսին ելլելով, միացաւ ցնծութեան թափօրին: Քահանան Օֆէլի ստորտը իջաւ և ոսկեղէն անօթը ընկղմեց Սելովամի աւազանին մէջ. ամէնքը իրեն հետեւեցան և կրկին վերելան օրհնութիւններ երգելով, յետոյ անոր ընկերացան մինչեւ Հարաւային երրորդ դուռը՝ ուր ընդունուեցան փողահարութիւններով: Շուշան ալ յառաջացաւ իր կարգին հեթանոսներու մեծ գաւիթէն և անցաւ հեթանոսի պատիժը մահ էր, — յետոյ քանի մը քայլ վեր ելաւ և անցաւ կորնթական այն շքեղ դռնէն՝ որ աշտարակով մը պահպանուած էր և որուն առջեւ կային հսկայ սիւներ: Քսան մարդիկ հազիւ կրնային բանալ ու գոցել անոր պղինձէ թեւերը՝ որոնք գերազանց արուեստով մը շինուած էին:

Շուշան հիմա կիներու գաւիթին մէջն էր և շատ որոշ կերպով կը տեսնէր քահանաներու վերապահուած տեղւոյն մէջ, սրբազան արարողութիւններու կատարուիլը. բաց երկինքին տակ գտնուող այս տեղը՝ դատիկոնէ դատիկոն աստիճանաբար կը բարձրանար. քահանայապետը խորանին առջեւ կայնած և երեսը սրբարանին դարձուցած էր: Այդ օրը շքեղ հանդերձներ կը կրէր. բուրդէ պատմուճանին վրայէն գոց կապոյտ մեծիլը մինչեւ ծունկերը կ'իջնէր. քղանցքը ոսկիէ ծիրանեգոյն նուռերով պսպղուն ասեղնագործութիւն մըն էր՝ որուն վրայ ոսկիէ զանգակիկներ շարուած էին եւ որոնք ամէն մէկ քայլափոխին ներդաշնակ ձայներ կը հանէին: Կուրծքին վրայ կը կրէր եփուռը սրբարանին գոյներով, կապոյտ, ծիրանի, ճերմակ և բոսոր. լան-

ջապանակը՝ որուն սքանչելի քարերը, խորհրդանշան իտրայէլի տասներկու ցեղերուն, արեւուն տակ կը փալիլային: Խոյրը ծաղիկի բաժակի մը պէս կորացած ձեւ մը ունէր՝ որուն վրայ ժապաւէնով թիթեղ մը հաստատուած էր, վրան սա անաւոր բաւերը գրուած. «Սրբութիւն Տեառն:» Խուռկի ամպերուն և ոսկիի ու թանկագին քարերու շողարձակումին մէջէն կը տեսնուէր քահանայապետը՝ մորթուած զոհերով բեռնաւորուած անդ խորանին առջեւ կայնած, մատները սրկուած արիւնովը տակաւին կարմիր: Եւ ան զինքը զիտողին մտքին մէջ կ'արթնցնէր վեհափառ ու անարկու աստուածութեան մը գաղափարը: Իրապէս անիկա Ենովային պատգամաւորն էր, այն Աստուծոյն՝ որուն Ենովային երկրպագել հեռուէն, նուիրական սոսկումով պէտք էր երկրպագել հեռուէն, նուիրական սոսկումով մը: Եւ ժողովուրդը կը զգար ասիկա ու ամէն օր՝ երբ քահանաները փողը կը հնչեցնէին բարձրագոյն, պայծառ ու ջինջ առաւօտուն անուշ պահերուն մէջ՝ անոնք երեսի վրայ կ'իյնային Տաճարին սալայատակին վրայ, լուռ երկրպագութիւնով մը:

Ծիսակատարը, ոսկիէ անօթով մը յառաջացաւ մինչեւ խորանը. իրեն կը հետեւէր ուրիշ քահանայ մը՝ որ զինի ձօնումը պիտի կատարէր: Չորս հարիւր յիսուն քահանաներ և նոյնքան ալ Ղեւտացիներ կարգով շարուած էին անոնց ճամբուն վրայ: Խորանին գով շարուած էին անոնց ճամբուն վրայ: Խոյրանին ձախ կողմը հասնելով, անոնք Արեւելեան կողմը զինի ձախ կողմը հասնելով, անոնք Արեւմտեան լեցուցին արծաթէ անօթներու մէջ, իսկ Արեւմտեան կողմն ալ ջուր: «Ձեռքդ բարձրացուր,» կը գոչէր ժողովուրդը միաձայն: Եւ ամբողջ վերացումով կը զիտէր խորհրդանշական ջուրը՝ որ կը վազէր անտաշ քարերուն մէջէն՝ ինչպէս երբեմն հրաշագործ ջուրը ժայթքած էր ապառաժին կողմէն:

Խոր լուռութեան մէջ, սրինգի նուրբ ձայն մը կը

ծանուցանէր թէ Ալէլուիան կը սկսէր: Եւ անմիջապէս խիստ պարզ չափի մը վրայ երգուող սաղմոսներուն կը պատասխանէին սրբազան գործիքները, նկպիլը, ֆիւնօրը, սօֆաորը և վիներու, կիթաոններու և երգէտնի տեսակներ: Ո՛հ, Տաճարին այս երաժշտութիւնը: Հազարաւորներու մասնակցութեամբ խմբերգները և Ղեւտացիներու ու վճիտ ձայնով մանուկներու երգերը, քնարներու օրօրը, որոնք ամբողջ ժողովուրդի մը հոգին միահաղորդ երազով մը կը լեցնէին: Ալէլուիայի իւրաքանչիւր տող կ'ընդմիջուէր սա մեծ բացազանչութիւնով, «Ալէլուիա: Փա՛ռք քեզ, ո՛վ Եհովա» և ժողովուրդը 113 բզ և 118 բզ սաղմոսներու սրբազան բառերէն մասեր կը կրկնէր, մրտենիի և ուռնիի ճիւղեր շարժելով խորանին ուղղութեամբ:

Այդ օրը քահանաներու ճերմակ թափօրը, եօթը անգամ չըջան կ'ընէր խորանին բոլորտիքը, ի յիշատակ երիքովի գրաւման: Անոնք հիմա անցեալը կը վերապրէին միայն ապագան պատրաստելու համար ու կ'ազօթէին հեթանոսութեան պատնէչին խորտակմանը և ամբողջ աշխարհի վրայ Տէրոջը տիրապետութեանը համար: Եռանդուն բառերով կ'աղերսէին անոնք ապագայի այդ երանելի օրերուն համար.

«Ազատէ՛ մեզ, քեզի կը պաղատինք, ո՛վ Եհովա:

«Ո՛վ Եհովա, քեզի կը պաղատինք, զրկէ՛ մեզի բոլոր բարիքներդ:

«Օրհնեալ ըլլայ ան՝ որ Տէրոջը անունովը կուգայ:»

Եւ ամէնքը կը լռէին այս գերագոյն բառէն վերջ: Քնարները միայն տակաւին կը թրթռային ջինջ եւ դողդոջուն, հուսկ ուրեմն անոնց վերջին թրթռումն ալ կը մարէր եթերային սլացքով մը:

Եւ ահա ճիշդ այն վայրկեանին՝ երբ ժողովուրդին

յափշտակութիւնը իր գազաթնակէտին հասած էր՝ կոչի աղաղակ մը բարձրացաւ.

«Ան որ ծարաւի է թող ինձի գայ ու խմէ որովհետեւ ես անոր պիտի տամ կենդանի ջուրի աղբիւր մը՝ որ յաւիտենական կեանքի համար կը բղխի...»

Չայնը շատ զօրաւոր էր և ընդարձակ տաճարին մէջ ամէն կողմէն կը լսուէր: Անպատմելիօրէն քաղցր ձայն մըն էր ան: Շուշան երջանկութեան սարսուռ մը ունեցաւ: Այս ձայնը իր սրտին մէջ կը թափանցէր, ինչպէս արեւու ճառագայթ մը մութ երկինքին վրան: Ա՛ն էր:

Ան էր, Յիսուս Նազովրեցին, ճիշդ իրեն մօտը, գանձանակին քով կայնած, Ա՛ն, որուն այնքան սպասած էր և այնքա՛ն փափաքած տեսնելու, սակայն իր բոլոր յաջորդական յուսախաբութիւններէն վերջ՝ չէր համարձակած դիմել անոր: Ան եկած էր, Ան կը խօսէր վերջապէ՛ս, Տաճարին մէջ, վեհապետի մը հեղինակութիւնով: Շուշան մտիկ կ'ընէր անոր ուրախութեան խելակորոյս: Չկնորսները և հասարակ ժողովուրդը չէին որոնք հիմա կ'ուսնկընդրէին Յիսուսի, այլ գիտուն և հզօր Երուսաղէմը, Տաճարը իր պատօնեաներով եւ բոլոր Սանհէտրինը... Արքայի մը նման կը խօսէր ան և պէտք էր որ Արքայ մը ըլլար: Ո՛հ, այս վեհափառութիւնը, այս փառքը, այս խելայեղ բազմութիւնը և այս յաղթական Ովսանանները: Շուշան արդէն այս բոլորը դրած էր Յիսուսի ոտքերուն առջեւ և իր Հրէայի հոգին կ'երգէր իր ուրախութեան երգը՝ Գրիստոս թագաւորին համար ու յաղթական գալուստ մը կը մաղթէր անոր:

Ան եկած էր ամէնուն համար և կը հրաւիրէր ամէնքը. անոնք որ ծարաւի են, անոնք որ կ'իյնան ճամբաներուն վրայ, նաեւ բոլոր չքաւորները ու բո-

զոր կեանքի մէջ քաղցածները: Անտարակոյս, Շուշան
 զայն «Տէր և Իշխան» կ'երազէր, ինչպէս ամէն ճըշ-
 մարիտ Իսրայելացի կ'երազէր իր Մեսիան, սակայն
 Շուշան կը դիմէր ամէնէն աւելի, ո՛հ, ամէնէն ա-
 ւելի, հոգիներու մեծ Բժիշկին: Ան կը դիմէր Անոր՝
 սրբազան խօսքերու սուրբ ծարաւով մը: Այս եղած
 էր իր լուս աղօթքը, իրենց առաջին հանդիպումին՝
 ինչպէս կը յիշուի: Սրտով մաքուր եղողներու երա-
 նութիւնը, զոր Յիսուս իրեն ուղղած էր ամիսներ ա-
 ռաջ, ան իւրացուցած էր իր սրտին մէջ, իր ըմբռու-
 նած չափովը: Եւ այդ ատենէն սկսեալ՝ ան աղօթած
 էր, տառապած էր եւ իր միտքը լուսաւորուած էր:
 Նախ Յիսուսի վարմունքը՝ Մարիամ Մագդաղենացիին
 հանդէպ, սորվեցուցած էր իրեն ոչ ոք արհամարհել,
 սակայն հետզհետէ այս արտաքին և նիւթական մաք-
 րութիւնը, անկատար երեւցած էր իրեն: Ան փոր-
 ձած էր ինքզինքը ազատել ոչնչութիւններէն, երկրա-
 յին և անձնասէր խորհուրդներէն: Ան կը մտածէր թէ
 իր հոգին պէտք էր պահէր գերազանց պայծառութիւն
 մը՝ Աստուծոյ կեանքին արժանի ըլլալու համար: Ինչ-
 պէ՞ս պիտի կրնար տեսնել զԱստուած իր մեռնելէն
 առաջ: Ամէն վայրկեան ան կը բաղխէր մութ կէտե-
 րու: Սակայն այլ եւս ոչինչ կը խտովէր զինքը: Ան
 հո՛ն էր: Պիտի երթար Անոր՝ երբ ա՛ն ուղէր, քանի
 որ կ'ըսէր. «Ան որ ծարաւի է թող ինծի գայ ու խմէ:»

Տարօրինակ ազդեցութեան մը տակ էր ժողո-
 վուրդը: Կ'երթային, կուգային, զինքը կը փնտռէին
 ամէն կողմերէն. ոմանք մարգարէ կը կոչէին զայն,
 ուրիշներ Մեսիա և անմիջա՛պէս վիճաբանութիւնները
 կը սկսէին:

«Չե՞նք զիտէր մենք թէ Քրիստոսը Դաւիթի որ-
 զին պէտք է ըլլայ:» Իսկ ուրիշներ կը պոռային, «Երբ

Քրիստոսը գայ, ասկէ աւելի՞ մեծ բաներ պիտի ընէ:»
 «Մեսիան յանկարծ պիտի գայ, կ'աւելցնէր Բարբի մը,
 չգիտցուիր ո՛ւրկէ պիտի գայ: Սակայն ասիկա՞, մենք
 չե՞նք զիտէր որ ասիկա հիւսնի մը որդին է:» Եւ կը
 հեռանար արհամարհանքով ուսերը թօթուելով: Ժո-
 ժովուրդը բարձրաձայն կը վիճաբանէր նոյն իսկ՝ զի-
 րար վիրաւորելու աստիճան: Տաճարին պետը՝ ամբո-
 խին մէջէն ճամբայ մը բանալով Յիսուսի մօտեցաւ,
 լուրթիւնով մտիկ ըրաւ անոր և հեռացաւ մտածկոտ:
 Շուշան լսեց երբ Աննա քահանայապետը զայրացած կը
 հարցնէր թէ՛ ինչո՞ւ չեն ձերբակալէր այս Գալիլիա-
 ցին: Շուշան լսեց նաեւ ազդեցունքներուն եւ իրենց
 պետերուն քաջ պատասխանը, «Երբե՛ք մարդ մը ա-
 սոր պէս խօսած չէ:» Լսեց նաեւ Փարիսեցիներուն
 խօսքերը՝ երբ իրենց կատաղի բարկութիւնը թափե-
 լով անոնց վրայ՝ կ'ըսէին, «Դո՞ւք ալ անկէ հրապուր-
 ուած էք, դո՞ւք ալ, սակայն նկատեցէ՛ք թէ ժողո-
 վուրդին մեծերէն մէկը, կամ բարեպաշտերէն մէկը հա-
 ւատա՞ց անոր, իսկ անոնք որ օրէնքը չեն գիտեր, ա-
 նոնք բոլորը անիծեալ են:»

Մեծ քահանայապետին Անիլին ոսկի զանգակնե-
 րուն ձայնը կը խառնուէր այս ազդակներուն եւ ա-
 նէժքներուն հետ: Ան կ'երթար անպատուաբեր ստրու-
 կութիւնով մը, իր հագած սրբազան հագուստները յանձ-
 նել Հովմայեցի զինուորներու պահպանութեան, եւ
 որքան որ ալ վարժուած ըլլար, որքան որ ալ անտար-
 բեր ըլլար այս ստրկութեան և ամօթին՝ երբեմն մաս-
 նաւոր օրերու մէջ, ան խորունկ դառնութիւն մը կը
 զգար: Այս հիւսնի որդին, այս հեզիկ երազատեսը չէր
 որ պիտի տապալէր Անտոնիայի բերդը, սակայն ան
 կրնար, ժողովուրդին վրայ իր ունեցած ազդեցութիւ-
 նովը քիչ մը աղմուկ յարուցանել և թերեւս այդ պատ-

ճառով Հոռովմայեցիները աւերէին այս փարթամ քաղաքը...: Դժոխային ժպիտ մը երեւցաւ Կայրափայլի զէմքին վրայ...:

Փայլուն զանգակիկները, իր ամէն քայլափոխին, տօնական զուարթ խազ մը կը խառնէին, հետզհետէ ասող ժխորին մէջ: Շուշան կը փափաքէր հանդիպել ծանօթ զէմքի մը: Գամաղիէլ մեկնած էր ողջակէզը լմնալէն առաջ: Փարիսեցիները և ժողովուրդին մեծերը, իրենց ժողովատեղիին, Կազիքի մէջ հաւաքուելու գացած էին. իսկ Յիսուս՝ մեծ բազմութենէ մը շրջապատուած ըլլալով, Շուշան չէր համարձակեր անոր մօտենալու: Քիչ վերջ Կազիքը բաժնող վարագոյրը բացուեցաւ: Սանհետրինի անդամները մեկնեցան հըպարտ ու ամբարտաւան, բարձրաձայն խօսակցելով: Նիկողեմոս ալ իր կարգին անցաւ լուսանցքին մէջէն: Ընկճուած էր ան և ինքզինքէն ամչցած կ'երեւէր:

Շուշան անոր մօտեցաւ կիներու գաւիթին սիւներուն տակ և հրճուանքով ցուցնելով զերազրդիւ բազմութիւնը՝ ըսաւ անոր.

— Յիսուս Նազովրեցին հոն է, ժողովուրդը զայն կը կոչէ մեծ մարգարէ, Մեսիա: Ամէնքը անոր մօտ կը վազեն: Տեսէ՛ք թէ ինչպէս կը սիրեն զայն:

— Տես թէ ինչպէ՛ս կ'ատեն զայն, ըսաւ Նիկողեմոս, երկչոտ շարժումով մը ցոյց տալով խուճը մը՝ իշխաններու, քահանաներու և ծերերու, որոնք կը հեռանային: Իրեն համար աղէկ չէ որ հոս մնայ: Եթէ ճանչնա՛ր զանոնք, եթէ գիտնա՛ր թէ ի՛նչ կատաղութիւնով կ'ուզեն զինքը կորսնցնել...: Սակայն ի՞նչպէս լուր պիտի տրուի իրեն որ փախչի:

— Փախչի՞լ, ինչո՞ւ փախչիլ, հարցուց Շուշան հանդարտութիւնով. անոնք բան մը չեն կրնար ընել: Ի՞նչ կարեւորութիւն ունի անոնց ատելութիւնը: Մի-

թէ Աստուած իր Քրիստոսին համար ըսած չէ՞. «Ես Անոր հետ պիտի քալեմ, իր թշնամիները չփոթուեման պիտի մատնեմ, պիտի խորտակեմ անոնց գլուխները և զանոնք իր ոտքերուն պատուանդամ պիտի ընեմ»: Յիսուս Նազովրեցին այս բաները շատ աղէկ գիտէ: Եթէ մենք այսքան երկար ատեն սպասեցինք իրեն՝ ինքն ալ անտարակոյս իր ժամուն կը սպասէ: Առանց աղմուկի զինուած է ան պայքարելու համար: Հիմա անիկա իր ոյժին գիտակցութիւնը ունի: Ան եկած է յաղթելու...:

Նիկողեմոս ըսաւ, ինքնիրեն խօսածի նման. «Ան եկած է թերեւս մեռնելու համար:»

Ը

Շուշանի ուրախութիւնը խոյս տուաւ իրմէ: Նի-
կողեմոսի այս խօսքը յուղարկաւ որութեան երգի մը
պէս կը հնչէր իր ականջներուն, թէեւ կիսովին միայն
կը հաւատար ատոր: Եթէ Յիսուս Մեսիան էր, որուն
վտան էր իր բոլոր սրտով՝ ան չէր կրնար մեռնիլ,
ան չէր կրնար դատապարտուիլ խորհրդաժողովին քա-
հանաներուն կողմէ:

Երբ իր խաղաղութեան գործը հիմնէր, երբ իր
թագաւորական զանին վրայ բաղմէր և վերջնականա-
պէս բանար մարգարէներուն երգած երջանկութեան
դարաշրջանը՝ այն ատեն թերեւս, այն ատեն կրնար
փառքով ննջել մեծ քունը, օրօրուած իր ժողովուրդին
գոհաբանութիւններով: Թերեւս ալ Եղիայի նման կրա-
կէ կառքով մը վեր բարձրանար, աւանց մահուան
ստուերոտ ժամէն անցնելու: Աստուծոյ բարեկամներուն
համար, Սուրբ Գիրքի մէջ յիշուած բոլոր խոստումնե-
րը՝ չպիտի հանգչին Տէրոջը առաքեալին, Սուրբին,
Միածինին, վերջապէս Քրիստոսի գլխուն վրայ: Մար-
դոյ չար կամեցողութիւնը ոչինչ կրնայ ընել Աստուծոյ
դէմ: «Տէրը կը խնդայ չարերու ժողովին վրայ, Ան
կը ցրուէ զանոնք թեթեւ մառախուղի նման»: Ուրեմն
ինք ինչո՞ւ կը զողար այսպէս:

Աւա՛ղ, նոյն իսկ իր խանդաղատանքը իր հաւատ-
քը երերուն կ'ընէր: Ո՛րքան խորհրդաւոր կը մնար
Քրիստոսը: Ճշմարիտ է որ ան չէր արգիլեր խելայեղ

բաղմութեան աղաղակը. «Քրիստոսն է, Մեսիան է:»
Բայց ան չէր պահանջէր ո եւ է տխուր, և անոնց
կոյր եռանդը մեծ սխալ մըն էր: Ժողովուրդը կը հա-
ւատար իրեն իր կատարած հրաշալի գործերուն հա-
մար: Սակայն և այնպէս ուրիշներ ալ կատարած էին
հրաշալի գործեր. ուրիշներ ալ մարգարէութիւն ըրած
էին և իրենց ժողովուրդը աղատագրած էին. Աս-
տուծոյ ընտրեալները եղած էին դժնդակ մահով մը
մեռնելու համար: Եւ արիւնալի տեսիլքը կ'անցնէր
Շուշանի աչքերուն առջեւէն, սոսկումի յիշատակով
մը: Մակարայեցի հերոսները՝ որ մի առ մի կ'իյնա-
յին սուրին տակ, իրենց հայրենիքին պաշտպանու-
թեանը համար. մարգարէներ՝ որոնք աւելի տխուր
մահեր ունեցան, մարդոց ատելութեան և կուրութեան
պատճառով. արգար Աբելէն սկսեալ՝ մինչեւ երկուքի
սղոցուած Նոային և Չաքարիան ալ որ սպաննուեցաւ
Տաճարին և խորանին մէջտեղ: Եւ ուրիշ անանուն
բաղմութիւն մը մարդոց՝ որոնք եկած էին իրենց հո-
գիին աղաղակը բարձրացնելու աշխարհի առջեւ և ո-
րոնք սակայն հոգոները դժգոհ թողած ըլլալու մեծ
ոճիրը քաւած էին՝ երկաթի և քարերու տարափի մը
տակ: Որքա՛ն արիւններ խմած էին այս ճամբաները
և հրապարակները զարերէ ի վեր: Որքա՛ն հերոսներ
և սուրբեր բնաջնջուած էին այս կարծրասիրտ ժողո-
վուրդին ձեռքով: Բոլոր ասոնք խորհելով՝ սարսափէն
կը ցնցուէր Շուշան և բաղկատարած կ'աղօթէր Աս-
տուծոյ՝ որ եթէ նոյն իսկ Յիսուս մարգարէ մըն էր,
գլխար անոր վրայ և թոյլ չտար որ մեռնէր, ուրիշնե-
րու նման՝ արցունքի և ամօթի մէջ:

Յաջորդ օրերը շատ տագնապալից եղան Շուշանի
համար: Յիսուս Տաճարին մէջն էր ամէն առաւօտ:
Շուշան կ'երթար զինքը մտիկ ընելու, վախով եւ
միանգամայն յափշտակութիւնով: Մեծ պայքարներու,

նենգամիտ հարցումներու և շարունակական տանջանքի ժամն էր այս: Փարիսեցիները և Սադուկեցիները, առանձնակի կամ խուճապերով կը մօտենային Յիսուսի և շարունակ նոր հարցումներ մէջտեղ դնելով կը փորձէին զայն, անոր խօսքերուն մէջ սխալներ գտնելու համար և սակայն միշտ շփոթած ետ կը քաշուէին ու զարմանքով իրարու կ'ըսէին. «Ասիկա ո՞ւր սորված է Սուրբ Գիրքը:» Յիսուսի խօսքերէն ոմանք Շուշանի ականջներուն կը հասնէին մարգարէական բառերու պէս և իր մտահոգութեան չտիր կ'աւելցնէին: Ան կ'ըսէր. «Դուք զիս մեռցնել կ'ուզէք, որովհետեւ իմ խօսքերս ձեր մէջը չէք ընդունած:» «Եթէ Աստուած ձեր հայրը ըլլար՝ դուք զիս պիտի սիրէիք. ընդհակառակը դուք զիս կ'ատէք և կ'ուզէք զիս սպաննել:» «Ես կ'երթամ և ուր որ ես կ'երթամ դուք չէք կրնար գալ:» Անոնք անոր խօսքերը կը ժխտէին և վիճաբանութիւնները կը վերսկսէին, աւելի կծու և զայրագին: Շուշան սարսափով տեսաւ թէ ինչպէս անոնցմէ ամէնէն մոլեռանդները քարեր սռին, վարդապետը քարկոծելու համար:

Այդ օրերը, յուզումը իր դազաթնակէտին հասաւ: Կը պատմէին թէ Նազովրեցիս ամբողջ քաղաքին ծանօթ կոյր մը բժշկած էր. Շուշան շատ անգամներ Տաճարը ելլելու ատեն, ողորմութիւն տուած էր անոր: Այս մարդը՝ որուն աչքերը բացուած էին հիմա՝ կը վիճաբանէր ամբոխին հետ և անդադար կը կրկնէր իր վկայութիւնը, որուն միշտ կը հակառակէին: «Կոյր էի և հիմա կը տեսնեմ:» Իր ծնողքն ալ նոյն բանը կ'ըսէին քահանաներուն և հետաքրքիր ժողովուրդին: Ժխտը աննկարագրելի էր, ամէն ոք կը փութար բժշկուողին մօտ, զայն տեսնելու և լսելու համար: Գամաղիէլ Տաճարին մէջն էր. հոն էր ան ամէն օր, արքայական

գաւիթին կամ կիներու բակին մէջ. երկա՛ր ժամեր ան կը դիտէր երիտասարդ վարդապետը և մտիկ կ'ընէր անոր, մերթ առանձին, մերթ Նիկողեմոսի հետ կամ Բեթանիացի նոր աշակերտի մը հետ՝ որուն անունը Ղազարոս էր. բայց աւելի յաճախ առանձին՝ ոչ ուն համար մարդ չէր դարձնար, քանի որ անոր վերապահ հպարտութիւնը ամէնուն ծանօթ էր: Լուրջ և հանդարտ կերպով, Գամաղիէլ իրեն քով կանչեց երբեմնի կոյրը և հարցուց անոր.

— Ինչպէ՞ս բացուեցան քու աչքերդ:

Ան պատասխանեց. «Այն մարդը որ Յիսուս կը կոչուի, ցեխ շինեց, աչքերուս վրայ դրաւ և ինձի քսաւ. 'Գնա՛ Սելովամի աւազանը և լուացուէ':՝ Գացի, լուացուեցայ և կը տեսնեմ:»

Ամէնքը կը հարցնէին. «Ո՞ւր է Յիսուս:»

Կոյրը կը պատասխանէր. «Չեմ գիտեր:»

Արդ, Փարիսեցիները չկարենալով ուրանալ հրաշք մը՝ որուն ստուգութիւնը ամէն վայրկեան կը հաստատուէր, նոր փաստ մը յղացան: Կոյրը Շաբաթ օրուան մէջ բժշկուած էր և ասիկա բաւական էր նենգամիտ թելադրութիւն մը ընելու ժողովուրդին թէ «Յիսուսը Աստուծոյ որդին չէ, քանի որ Շաբաթը չը պահեր:» Գամաղիէլ սաստիկ զայրացաւ: Ի՛նչ, բժըշկե՛լ և, փրկե՛լ, ազատե՛լ մարդ մը սոսկալի ախտէ մը և զայն վերադարձնել կեանքին ուրախ և առողջ: Միթէ ասիկա Աստուծոյ գործը չէ՞ր: «Մեղաւոր մը ինչպէ՞ս կրնայ այսպիսի հրաշքներ գործել,» հարցուց ան պաղ կերպով. ամէնքը լուռ մնացին և Գամաղիէլ հեռացաւ:

Նիկողեմոսի նման, ինքն ալ տխուր խորհուրդներ ունեցաւ, գէշ նախազգացումներ պաշարեցին զինքը: Ան կը զգար թէ գերագոյն խաղը կը խաղացուէր, որուն մէկ կողմը կար ամբողջ հրէականութիւնը՝

այն վիճակին մէջ՝ ուր հասցուցած էր զայն վարդապետներու աւանդութիւնը և միւս կողմը քաղցրաբարոյ բարեկարգիչը, այնքան վստահ իր առաքելութեան վրայ, ա՛յնքան կոթնած Աստուծոյ, սակայն ա՛յնքան արհամարհոտ մարդկային միջոցներուն հանդէպ, ա՛յնքան յանդուգն իր հրաբորբ կշտամբանքներուն մէջ: Պայքարը, իրապէս, շատ անհաւասար կը թուէր իրեն: Մէկ կողմը զօրութիւնը և տիրապետութիւնը՝ ժողովուրդին վրայ, կեանքի ու մահուան իրաւունքը, ոյժը, ի սպաս դրուած անյաղթելի նախապաշարունակներու և փակուած խղճմտանքներու համար: Միւս կողմը, այս երիտասարդը, երազայոյզ և եռանդուն, որ սիրտ մը ունի սոսկ և որ կ'աղաղակէ. «Աստնք ձեզ կը խաբեն, այս նեղսիրտ ձեւապաշտութիւնը՝ մահն է կրօնքին և մահն է հոգիին: Աստուած հոգի է: Դուք անոր կրնաք մօտենալ միայն ձեր բարութեան, ուղղամտութեան ողորմասիրութեան և մաքրութեան չափովը, անկեղծօրէն և ձեր հոգիներուն խորէն: Քանզի այս հոգին է որ կենդանութիւն կուտայ. մարմինը բանի մը չձառայեր: Ան զիս զրկեց: Ան ու ես մէկ ենք. ես եմ ձամբան, ես եմ ձգմարտութիւնը, ես եմ կեանքը:»

Գամաղիէլ խանթակաթ հողածութիւնով մը կը հետեւէր այս մահացու մենամարտին: Անիկա Տաճարը բնաւ չթողուց, Տաղաւարահարաց տօնին ամբողջ շաբաթը և անոր յաջորդող օրերուն: Քրիստոսի հոգին զինքը իրեն կը քաշէր, և կը տիրապետէր իր վրայ: Ամէն անգամ որ Յիսուս Նազովրեցին իր պատասխաններով կը շփոթեցնէր իր հակառակորդները և պարզ բառով մը կը խափանէր անոնց վատ խորամանկութիւնները՝ Գամաղիէլ ակամայ կը ժպտէր, չափահաս վարդապետի իր զգայուն ժպիտովը, մատաղ և գեղե-

ցիկ իմացականութեան մը առջեւ՝ որ ի յայտ կուգար: Ան շատ բարձր կը գտնէր զայն՝ որ առանձին կը գօտեմարտէր այս ստեղծաւ խուժանին հետ և պաղարիւնութիւնով ու հանդարտ շարժումով մը կը ցրուէր ու կը չքացնէր զանոնք: Հեողհեոէ այս տարօրինակ ու զարմանալի երեւոյթը բուն համակրութիւն մը կը ստեղծէր իր մէջ Յիսուսի նկարագրին հանդէպ, հակառակ անոր առաքելութեան մասին իր ունեցած կասկածին: Գամաղիէլ կը սիրէր Յիսուսը, անոր արդար ցասումները, անոր առաջներուն նրբութիւնը, —ինչպէս Բարի Հովիւին առակը՝ որ այդ օրերուն պատմած էր,— և անոր տարօրինակ խօսքերուն խորութիւնը՝ երկա՛ր ժամեր խոկալ կուտային իրեն...: Սակայն Գամաղիէլ երբեք ուղղակի չէր խօսէր Յիսուսի հետ, ոչ ալ հարցումներ կ'ուղղէր անոր, բայց և այնպէս լըրջօրէն կ'ուսումնասիրէր զայն և շուտով կատարեալ համոզում գոյացուց անոր հոգւոյն չքնաղ ուղղամտութեան մասին:

Այն ատեն վարդապետը ինքզինքը երկընտրանքի մը առջեւ գտաւ որոշապէս: Եթէ Յիսուս Քրիստոսն էր, որչափ որ բաղբը իրեն հակառակ ըլլար՝ Աստուած իր թշնամիներուն ձեռքէն պիտի ազատէր զինքը: Իսկ եթէ, ինչ որ աւելի հաւանական էր, երիտասարդ Նազովրեցին լոկ մարդարէ մըն էր Աստուծոյ սիրուած, իր խորհուրդներուն և կեանքին մաքրութեանը համար, սակայն ինքզինքին տալով երեւակայական առաքելութիւն մը և խաբելով ինքզինքը իր եռանդին ծայրայեղութեանը մէջ, — մարդ մը վերջապէս, առանց աստուած մը ըլլալու, — ուրեմն պէտք էր զայն ազատել: Պէտք էր զայն պաշտպանել իր անխոհմտութիւններուն և ուրիշներուն կատաղութեանը դէմ: Եւ Գամաղիէլ որոշեց Յիսուսը զգուշացնել, եթէ վտանգը

աւելի սպառնալից դառնար և եթէ պէտք ըլլար՝ ապաստան մը ընծայել անոր իր բնակարանին մէջ: Որովհետեւ ինք զայն կը սիրէր:

Նոյն իրիկունը ազնիւ վարդապետը իր ամբողջ խորհուրդը մէջտեղ բերաւ Շուշանի և քանի մը բարեկամներու ներկայութեան՝ որոնք էին Նիկողեմոս, Բեթանիացի նոր աշակերտը Ղազարոս և մեծահասրուստ Յովսէփ Արիմաթացին. երբեք անիկա այսքան պերճախօս և այսքան մեծանձն եղած չէր: Անոր բարձր հոգին կամովին յաղթած էր իր առաջին տառապանքին: Ան այլ եւս իր քրոջմէն — իր զաւկէն — չէր հեռացնէր օտար ազդեցութիւնը և որքան որ տակաւին իր սրտին մէջ անտեսանելի վէրք մը ունէր՝ բայց և այնպէս իր ձեռքը դրաւ Շուշանի թուխ և գեղեցիկ գլխուն վրայ և երգում ըրաւ ազատելու Յիսուս Նազովրեցին՝ եթէ կարելի ըլլար: Դեռատի աղջիկը իր շրթներուն մօտեցուց այդ օրհնեալ ձեռքը. ան գրեթէ կատարելապէս համոզուած էր. Գամաղիէլ տարակոյսի մէջ էր տակաւին. սակայն գլխաւոր կէտերու մէջ, դադափարի այսքան մեծ տարբերութիւն մը ունենալով հանդերձ՝ անոնք միեւնոյն մտածումին կը յանգէին. ազատել մարդարէն: Նիկողեմոս կը հաւատար և կը վախնար: Յովսէփ Արիմաթացին նշանի մը միայն կը սպասէր՝ կրակոտ հայրենասէրներու գունդ մը Յիսուսի տրամադրութեանը տակ դնելու համար: Ղազարոս կը սիրէր և կը հաւատար, նորընծայի մը եռանդով և նուրբ ու անբացատրելի երախտադիտութիւնով մը: Գամաղիէլէն քաջալերուած՝ ան պատմեց թէ ինչպէս Յիսուս իրենց վերադարձուց մաքրուած և կերպարանափոխուած քոյր մը՝ զոր բոլորովին կորսուած կը նկատէին: Բեթանիացի ընտանիքը և Յիսուս Նազովրեցին հիմա ամենաքաղցր բարեկամու-

թիւնով մը կապուած էին: Այս ճշգրիտ մանրամասնութիւններուն առջեւ՝ ներկաները զարմանքով լեցուեցան, յիշելով Փարիսեցիին ճաշկերոյթը և տեղեկանալով այսպէս՝ թէ Ղազարոսի քոյրը՝ Մարիամ Մագդաղենացին էր...: Այս հանդիպումին առջեւ սքանչացումով համակուած՝ Շուշան երկա՛ր ատեն լուռ մընաց. մտածելով թէ Աստուած ի՛նչ անբացատրելի միջոցներով ամէնքը առաջնորդած էր:

Շարա՛թներ անցան և Յիսուս Տաճարին մէջ չեբեցաւ: Ասիկա, Շուշանի համար տեսակ մը սփոփանք եղաւ: Ան կը զգար թէ գէթ առայժմ Յիսուս զերձ կը մնար քահանաներուն վրէժխնդրութենէն, և կը յուսար թէ ժամանակի ընթացքին անոր անունը պիտի դադրէր գայթակղութեան քար ըլլալէ: Սակայն ամբոխը կը մնար նոյնչափ պառակտուած և նոյնչափ խռովայոյզ, այնպէս որ, երբ Յիսուս նորէն երեւցաւ ձմեռուան մէջ նաւակատիքի տօնին առթիւ՝ պայքարը վերսկսաւ ճիշդ նոյն կերպով: Առաջին հարցումը որ իրեն ուղղուեցաւ կը պատկերացնէր ամբողջ Երուսաղէմի հոգեկան վիճակը.

— Մինչեւ ե՞րբ մեզ տարակուսանքի մէջ պիտի պահես, եթէ դո՛ւն ես Բրիտոսը, բացայայտ ըսէ մեզի:

Եւ պատասխանը կը խայտառակէր անոնց կամաւոր կուրուութիւնը:

— Ես ձեզի կ'ըսեմ և դուք ինձի չէք հաւատար: Սակայն իմ գործերս կը վկայեն ինձի համար:

Եւ կարծես թէ չահելու համար անոնց սիրտը՝ որոնց միտքը չէր կրցած համոզել, ըսաւ.

— Իմ ոչխարներս իմ ձայնս կը լսեն: Ես զանոնք կը ձանջնամ և անոնք ինձի կը հետեւին: Ես անոնց կուտամ յաւիտենական կեանքը: Անոնք երբեք չպիտի

կորուսելին եւ մէկը իմ ձեռքէս պիտի չյափշտակէ դանոնք:

Սիւնի մը հովանիին տակ կեցած՝ Շուշան մտիկ կ'ընէր Յիսուսի՝ որ կ'երթեւեկէր սիւներուն տակ, Գանձարանին մօտ: Այս վերջին խօսքերը ըսած ատեն, ան կ'անցնէր Շուշանի ճիշդ մօտէն. Յովիադայի մահէն ի վեր, առաջին անգամն էր որ Շուշան կը հանդիպէր Քրիստոսի նայուածքին՝ որ հիմա աւելի բարեկամական և աւելի քաղցր էր, սակայն աւելի տըխուր, անբացատրելիօրէն աւելի տխուր: Ան անցաւ... Շուշան վայրկենական զգացողութիւն մը ունեցաւ թէ՛ Յիսուս նոյն իսկ իր կեանքը պիտի տար, իրենց անստոյգ խեղճ հոգիները իր ձեռքին մէջ պահելու համար և աչքերը արցունքով լեցուեցան:

Երբ Շուշան ինքզինքը գտաւ, ուղեց անոր ետեւէն հասնիլ խնդրելու համար անկէ՝ որպէս զի ինքն ալ իրեններուն կարգը դասուի, սակայն տեսաւ որ ան արդէն Տաճարէն դուրս ելած էր և իրմէ հեռու կը գտնուէր, սպաննալիքներու տակ, ազազակներու եւ զարհուրելի խօսքերու մէջ:

«Դուն որ մարդ ես, ինքզինքդ Աստուած կ'ընես:»

Այն ատեն, լրջսի ողորումի մը մէջէն, Բաւութեան մեծ օրուան տեսիլքը պարզուեցաւ Շուշանի առջեւ: Ան տեսաւ տարօրինակ տեսարան մը, իր ամենափոքր մանրամասնութիւններով: Ղեւտացիներ, քահանաներ և մեծ քահանայապետը կայիափան՝ իր երկար ձերմակ զգեստով՝ դէպ ի անապատը կը հալածէին քաւութեան նոխազը: Ան տեսաւ թէ ինչպէս, անխճուած կենդանիին կը փախչէր շուարած, պոռչտուքներուն մէջէն անոնց՝ որոնց ոճիրները իր վրայ կը կրէր, ծիրանիի կտոր մը ունենալով իր եղջիւրներուն մէջտեղ...:

Եւ Գալիլիացին ինքն ալ կ'իջնէր Տաճարին բլու-

րէն վար, ընդհանուրին նզովքներուն տակ: Անոր վերայ նշան դրուած չէր ծիրանիի կտոր մը, սակայն իր ներսիղին կ'արիւնէր խորունկ վէրքը՝ «զոր ստացած էր բնակարանին մէջ անոնց՝ զորոնք կը սիրէր:»

Եւ ահա՛, վերջալոյսի մութ կարմիրին մէջ, փոթորիկի մոնչիւնին տակ՝ անոնք կը յառաջանային միեւնոյն տաղնապալից քայլով, մին՝ մարգարէական խորհրդանշանը և միւսը՝ որ կը մարմնացնէր այդ խորհրդանշանը, սրտածմլիկ կերպով...: Տխուր երեւակայութիւնով մը, իրեն այնպէս թուեցաւ թէ՛ ասոնք երկուքը կը նոյնանային և կը ձուլուէին սարսեցուցիչ իրականութեան մը մէջ, այնքա՛ն ցաւազին՝ որ Շուշան, օրհասականի ազազակի մը նման՝ Եսայիի հետեւալ խօսքը արտասանեց.

«Տէրը մեր ամէնուն անօրէնութիւնները անոր վրայ դրաւ:»

դապետին՝ որ իր մահիճին վրայ ծռած, յաւիտենակա-
նութեան խոստումները կը կրկնէր անոր:

Երբ Շուշան հասաւ, ամէն բան վերջացած էր: Լալկան կիները իրենց աղաղակներով օդը կը թնդա-
ցնէին և նրբաձայն սրինգները թախճազին ողբեր
կ'արձակէին: Տանը մէջ նստարանները գլխիվայր դար-
ձուած էին, հրէական սովորութեան համեմատ, իսկ
փսիաթները և բարձերը անկանոն կերպով մէկ կողմ
դրուած էին: Վերը ալխայիւն մէջ կը հանգչէր մեռեալը
պատանքով փաթթուած, զմուռսով ու հալուէով օժ-
ուած և գլուխը վարչամակով մը ծածկուած. սակայն
առանց այն զարդարանքներուն՝ զորս արեւելեան պեր-
ճանքը կը ցուցադրէր այդ դարուն: Գամաղիէլ կը
պահանջէր որ իր աշակերտները պարզ կտաւէ զգես-
տով մը թաղուին. Մարթա և Մարիամ սիրով հետե-
ւած էին անոր խորհուրդներուն՝ որոնք խիստ համա-
ձայն էին իրենց փափաքներուն:

Մեռելական թափօրը ճամբայ ելաւ: Յուդարկաւո-
րութեան համար մասնաւոր կրօնական արարողութիւն
մը չկար, ոչ քահանայ և ոչ երգեցողութիւն: Թափո-
րին առջեւէն կ'երթային լացողները և նուագածունե-
րը՝ որոնք առաւել կամ նուազ մեծաթիւ կ'ըլլային ըն-
տանիքին հարստութեանը համեմատ: Ղազարոս բաց
դադաղին մէջ պռոկած, կը տարուէր իր բարեկամնե-
րուն կողմէ որոնք յաճախակի կը փոխուէին, թէեւ
տունէն իր մասնաւոր գերեզմանը կ'երթալու ճամբան
շատ կարճ էր: Իսկ ննջեցեալին ետեւէն կ'երթային
կիները, իրեւ մահը առաջին անգամ աշխարհ մտցնող-
ներ. թէեւ ասիկա հակառակ էր Գալիլիայի սովորու-
թեան՝ ուր կիները միշտ մեռեալին առջեւէն կ'երթա-
յին. յետոյ կ'երթային իր ծնողքը, ազգականները,
բարեկամները, պարզ ծանօթները և նոյն իսկ անոնք՝

Թ

Յաջորդ շաբաթներուն մէջ, Գամաղիէլ շատ ան-
գամներ հրաւիրուեցաւ իր նոր աշակերտին՝ Բեթա-
նիացի Ղազարոսի տունը: Կարգալից և սիրալիր մտեր-
մութիւն մը հաստատուած էր այս խելացի ու զար-
գացեալ երիտասարդին ու հրէայ մեծ վարդապետին
միջեւ: Այնպէս որ, նաւակառիքի տօնէն քիչ վերջ՝
երբ Ղազարոս սաստիկ ջերմէ մը բռնուեցաւ, որդիա-
կան վստահութիւնով մը, անմիջապէս իր հիւանդու-
թիւնը իմացուց իր ուսուցիչին:

Գամաղիէլ նոյն օրն իսկ եկաւ անոր քով: Հի-
ւանդին քով իր երկար այցելութիւններու միջոցին՝
ան յաճախ տեսաւ Ղազարոսի քոյրերը՝ որոնք զայն կը
խնամէին. Մարթան՝ գործունեայ և անձնուէր. Մա-
րիամը՝ ալ աւելի փափուկ իր շնորհալիութեանը մէջ
և մեղամաղձոտ, — աս ան Մարիամն էր՝ զոր նախա-
պէս Սիմոնի տան մէջ արհամարհանքով դիտուած էր—
այնպիսի խաղաղաւէտ վեհութիւն մը ունէր անոնց
փարթամ բնակարանը՝ որ Գամաղիէլ խոստացաւ երկու
քոյրերուն, յաջորդ անգամ Շուշանն ալ մէկտեղ բե-
րել: Սակայն իր այս փափաքը իրագործելէ առաջ՝ հի-
ւանդին վիճակը յանկարծ ծանրացաւ և Ղազարոս իր
հոգին աւանդեց անոնց բազուկներուն մէջ, մեղմիկ և
հեղահամբոյր մահու մէջ՝ ինչպէս եղած էր կեանքի
մէջ. մինչև վերջին վայրկեանը մտիկ ընելով մեծ վար-

որոնք ճամբուեն վրայ կը հանդիպէին յուզարկաւորնե-
րու տխուր խումբին: Շուշան եւս բազմութեան միա-
ցաւ առանց ո եւ է մէկուն հետ խօսելու: Հրէական
սովորութիւնը կը պահանջէր որ մէկ քանի ճառեր ար-
տասանուէին ճամբուն վրայ կամ դամբարանին առջև:
Այդ օրը Գամաղիէլ ինքն էր որ խօսեցաւ: Լացող կի-
ները իրենց աղաղակները ընդհատեցին և սրինգներն
ալ իրենց տխուր երգերը: Ամէնքը ուշադիր մտիկ կ'ը-
նէին հոչակաւոր վարդապետին: Գամաղիէլ շատ պարզ
և լուրջ կերպով խօսեցաւ, առանց նմանելու անոնց՝
որոնք շատ յաճախ ծայրայեղ գովեստներ կը շռայլեն
ննջեցեալին հասցէին. ան խօսեցաւ քանի մը վայր-
կեան միայն իրենց շատ սիրելի եզոզ մէկ նիւթին վը-
րայ. «Անիկա լուսաւորութենէ լուսաւորութիւն պիտի
երթայ:» Կարծես վերջին դասն էր որ կուտար իր ա-
շակերտին, դաս մը սակայն, որուն մէջ մէկգլխի կը
ձգուէին բոլոր սնտոի վէճերը. մեծ վարդապետը թոյլ
տուաւ իր հոգիին որ խօսի այս հանդիսաւոր և խան-
դաղատալի ողջերթին միջոցաւ:

Գամաղիէլ ներքնապէս կը զարմանար թէ ինչո՞ւ
այս ազնիւ ընտանիքին գերազանց բարեկամը, նոյն
խոսքի ինքնապէս վտանգի ենթարկելով, չէր մօտենար
անոնց, իրենց տառապանքի ժամերուն մէջ: Եւ ինք,
ա՛յնքան արհամարհոտ եւ հպարտացած մարդկային
փառաբանութիւններով, ինք, ա՛յնքան վարժուած
ամէնուն հիացումին, իր շուրջը կը դիտէր և կը թուէր
փնտռել բացակայ ունկնդիր մը, զԱյն, որուն ինք մը-
տիկ ըրեր էր ասկէ առաջ և որուն այսօրուան սուգին
մասնակցիլը պիտի ուզէր տեսնել:

Թափորը հասաւ դամբարան: Նրբանցքի նմանող
ճամբայ մը կ'առաջնորդէր սգաւորները հոն՝ ուր ա-
պառաժին երկու կողմերը և յառաջամասին վրայ եօթը

ութը փոսեր փորուած էին հորիզոնական ձեւով: Ըն-
տանիքին անդամները արդէն գրաւեցին պատուոյ տե-
ղերը: Ազգարոս ճիշդ մուտքին դիմացը դրուեցաւ
լերկ ժայռին վրայ առանց դադարի, միայն պատան-
քով փաթթուած և գլուխը վարչամակով մը ծածկուած:
Մեծ քար մը բոլորովին փակեց գերեզմանին մուտքը:

Այն ատեն ողբերը և աղաղակները աւելի ուժգին
կերպով արձակուեցան: Այլ կան կիները իրենց հան-
դերձները կը պատուէին, իրենց մաղերը կը փետտէին
և ինքզինքնին տարօրինակ դալարումներու կ'ենթար-
կէին: Այս գերագոյն վայրկեանի խառնաշփոթութեան
ու ժխորին մէջէն կիւն մը յառաջ դալով խոնարհեցաւ,
լուռ իր սուգի քօղին տակ և իր շրթունքները գերեզ-
մանին փակցուցած մնաց երկա՛ր ատեն: Ոչ մէկը ու-
շադրութիւն ըրաւ այս այնքան պարզ շարժումին.
սակայն Շուշան տեսաւ և կրցաւ գուշակել թէ ով էր
այս կիւնը, ան ճանչցաւ անոր կեցուածքին արքայա-
կան շնորհքը և ճանչցաւ անոր արցունքները, ուրիշ
անմոռանալի պահու մը մէջ տեսած ըլլալով անոնց
հոսիլը. Մարիամն էր ան, Ազգարոսի քոյրը:

Արարողութիւնները իրարու յաջորդեցին, ծէսե-
րու ճշգրիտ կատարումով մը: Երբ յուզարկաւորութե-
նէն տուն վերադարձան, ամէնքը գետնին վրայ նըս-
տան լուռ և հանդարտ. քանի մը մխիթարական բա-
ռեր փորձելէ առաջ՝ ներկաները պարտաւոր էին սպա-
սել, որպէս զի նախ ընտանիքի անդամներէն մէկը
խօսի: Մեծամասնութիւնը կուլար հիմա, Մարթայի և
Մարիամի սուգը ամէնուն սուգն էր. ոմանք կարճ
նախադասութիւններ կ'ըսէին, գրեթէ միշտ սա խօս-
քը. «Աստուած արդար դատաւոր մըն է:» Ուրիշներ
ալ, իրենց վերարկուներովը գլուխնին ծածկած, կը
խոկային ունայնութեանը վրայ մարդկային մարմնոյն՝

որ խոտի նման կ'անցնի: Ատեն ատեն բոլորը ոտքի կ'ելլեն, իրարու կը մօտենային ու կրկին կ'իջնային վշտահար և ասիկա կը կրկնուէր մինչև որ մեռելական ճաշը՝ որ «սուգի ճաշ» կը կոչուէր, բաղմաթիւ սեղաններու առջեւ խմբէր բոլոր «լալու համար եկողները»: Յետոյ տասը բաժակներ կը պարպուէին յաջորդաբար, ի պատիւ ննջեցեալին՝ որուն հոգին կը հաւատային թէ ներկայ էր իրենց մէջ, կը լսէր իրենց խօսքերը և կը քննէր իրենց ընթացքը...:

Երկու քոյրերը կարելի եղածին չափ պարզութիւն դրած էին այս արարողութիւններուն մէջ: Գամաղիէլ, ինքն ալ շատ չէր սիրէր այս ծէսերը եւ տեսարանները՝ զորս ընդհանուր սովորութիւնը նուիրագործած էր: Յոգնած և տխուր, ան կանուխ մեկնեցաւ իր հետ տանելով Շուշանը՝ որ իր ծայրեցեղ երկչոտութեան պատճառով, չէր համարձակած մօտենալու և խօսելու Մարթայի ու Մարիամի հետ:

Սակայն ան պարտաւոր էր շատ չանցած կրկին գալու: Հրէական աւանդութիւնները, բարեգործութիւններու մէջ, առաջին կարգին վրայ կը դասէին, վշտացեալներու մխիթարութեան երթալը. Շուշան մասնաւոր հրապոյր մը կը գտնէր այսօր մէջ այս պարագային: Նախ, ան կը խորհէր Մարիամը տեսնել և զայն մօտէն ուսումնասիրել. յետոյ կը մտածէր թէ, Յիսուս ո եւ է պատգամ մը պլտի զրկէր թերեւս և ինք պիտի լսէր Անոր վրայ խօսուիլը: Ան կը յուսար թէ Յիսուս իր թշնամիներուն պատճառով չպիտի մօտենար Երուսաղէմի: Ան կը յուսար... ան կը վախնար թերեւս: Որքան որ իր հաւատքը կ'աւելնար, այնքան անկարելի կը թուէր որ Ան յաղթուի և այն ատեն զայն կրկին տեսնելու փափաքը ստիպողական կը դառնար իր մէջ: Եւ միշտ իր հոգիին մխիթարա-

կան անբժութեանը մէջ, ան կ'երազէր մօտենալ Անոր, Աբրահամի կնոջ Սառայի նման՝ որ մօտեցած էր Աստուծոյ հրեշտակներուն, — անոր ոտքերուն առջեւ ծնրադրելու եւ անոր ծառայելու համար: Անսահման անբժութեան եւ պաշտումի զօրաւոր ձգտում մըն էր այս:

Երբ Շուշան կրկին եկաւ Բեթանիա և մտաւ այն սրահը՝ որուն նեղ լուսամուտները փակուած էին իւրեւ սուգի նշան, հոն գտնուող կիները՝ որոնք կուլային գլուխնին վեր վերցուցին. Մարիամ զայն նըշմարելով զարմանքի շարժում մը ըրաւ և այնպիսի խոնարհ ու փափուկ գորովանքով մը իր քովը կանչեց զայն՝ որ իր քոյրը Մարթա նշանացի հարցուց իրեն: «Շուշանն է, Գամաղիէլի քոյրը,» պատասխանեց Մարիամ: Եւ առանց ակնարկութիւն մը ընելու իրենց առաջին հանդիպումին մասին, Շուշանը նստեցուց իր քովը փախաթին վրայ և ցած ձայնով ըսաւ. «Եթէ Յիսուս հոս ըլլար իմ եղբայրս չէր մեռներ:»

Տունը լեցուն էր Երուսաղէմէն եկած Հրէաներով և տեղացի երեւելի անձերով: Սակայն երկու դեռատի կիները շուտով կարողացան առանձնանալ և Մարիամ արցունքոտ աչքերով երկար ատեն խօսեցաւ Ղազարոսի վրայ, այն սիրոյն վրայ, որ զիրենք իրարու կը կապէր, անոր մահուան պատճառած դառն վիշտին վրայ և նաեւ բարեկամին վրայ՝ որուն լուր տրուած էր չորս օրէ ի վեր...: Անոր բացակայութիւնը չէր զարմացներ Մարիամը. ան չէր դանդատեր, ինչ որ Յիսուս կ'ընէր միշտ լաւագոյնն էր, նոյն իսկ եթէ ինք չհասկնար:

Շուշան մտիկ կ'ընէր մտածկոտ. խանդակաթ հետաքրքրութիւնով մը կը դիտէր անոր գեղեցիկ դէմքին չքնաղ գլխերը, հիմա ներքին լոյսով մը աւելի

պայծառացած: Եւ կը զարմանար գտնելով զայն այսպէս, առանց հետք մը ունենալու անցեալի մոլութիւններէն. այն Մարիամը՝ որուն նայելու իսկ չէր համարձակեր ուրիշ ատեն, երբ իր տիրական գեղեցկութեան վեսութեանը մէջ կը գտնուէր:

Օրը կը յառաջանար: Մարթա դուրս ելած էր, կանչուած ըլլալով, առանց ո եւ է մէկուն զարմանք պատճառելու, քանի որ տանը ամբողջ կառավարութիւնը իր վրայ կը ծանրանար: Քանի մը վայրկեան վերջ, ածապարանքով վերադարձաւ և ցած ձայնով մը ըսաւ իր քրոջը, «Վարդապետը հոս է և քեզ կը կանչէ:» Մարիամ արտորնօք դուրս ելաւ, Հրէաներն ալ իրեն հետեւեցան. խորհելով որ գերեզման կ'երթար: Սակայն ան, պարտէզին մէջի ամալի ձամբէն յառաջացաւ: Հրէաները միշտ կ'ընկերանային իրեն: Շուշան, որ ամէն բան լսած էր, Մարիամի ճիշդ քովէն կը քայլէր: Եւ ահա գիւղին մուտքին մօտ, ձամբու մը անկիւնը, Մարիամ հանդիպեցաւ Յիսուս Նազովրեցիին: Ան մօտեցաւ Յիսուսի, միւլնոյն խօսքերը կրկնելով՝ զորս ըսած էր Շուշանի, այս խօսքերը յանդիմանութիւն մը չէին, այլ յաւէտ գերազոյն խոստովանութիւն մը՝ որ եթէ Յիսուս հոն ըլլար, ո եւ է դժբաղդութիւն չպիտի հարուածէր զիրենք:

«Տէ՛ր, եթէ հոս ըլլայիր, իմ եղբայրս չէր մեռնէր:»

Եւ Շուշան տարօրինակ բաղդատութիւն մը ըրաւ իր մտքին մէջ: Մարիամ, որ հիմա վստահութեան և բարեկամութեան այս խօսքերը կ'ըսէր, տկար սրտի մը բողբոջ բերելով ամենազօր սրտի մը, այս նոյն այն կիներ էր՝ որ ուրիշ անգամ Տէրոջը ոտքերուն առջեւ տարած էր անառակութեան երկար տարիներու ամօթը...: Այս հոգիին այլափոխումը, այնքան արմա-

տական եղած էր, որ մեղաւորուհին բարեկամուհի դարձած էր...: Ուրեմն, ա՛յդ աստիճան ներողամիտ էր Ան...: Եւ Շուշան շփոթած կը մնար:

Մարիամ ծունկի եկած էր, արցունքներով ողորուած: Ներկայ եղող Հրէաներն ալ կուլային: Այս լացը մեռելական ողբերու ձեւակերպութիւն մը չէր, ոչ ալ սրինդներու մեղեդին և ոչ ալ կիներու աններդաշնակ աղաղակները: Խորունկ վիշտն էր այս, վէրքը՝ որ բաժանումը կը պատճառէ սրտին, կորուստին ցաւը՝ զոր ոչ մէկ գուրգուրանք կրնայ ամօքել: Ասիկա փոթորիկին շունչն էր, որ կը ցնցէր և արմատախիլ կ'ընէր ամբողջ էութիւնը ներքին...: Երանելի են ահնօք՝ որոնք այսպիսի ցաւազին պահերու մէջ, դիտեն քանի մը քայլ առնելով երթալ Վարդապետին ոտքը, անոր առջեւ դնելով իրենց արիւնահոս սիրտը, պատմելով անոր իրենց տառապանքը և իրենց բողբոջը, սիրոյ անպատմելի ազատութիւնովը:

«Տէ՛ր, եթէ հոս ըլլայիր, իմ եղբայրս չէր մեռնէր:»

Եւ Շուշան հոն էր, երբ Յիսուս Նազովրեցիին մեր երկրային ցաւերուն հետ դէմ առ դէմ կուգար: Ան տեսած էր Վարդապետը, բոլոր ֆիզիքական թշուառութիւններուն առջեւ, Քուրն-էտախիի շողշողուն դարատափներուն վրայ, կոյրերուն, համբերուն և խուլերուն մէջ, երբ կ'անցնէր ան բարիք գործելով և ամէնքը բուժելով: Որքա՛ն ողորմած էր և որքա՛ն բարի, սակայն ան կը կատարէր հրաման մը, հրաշքի մեծ փաստով. հաստատելով թէ՛ ինք Աստուծոյ՛ զրկուած պատգամաւորն էր...:

Շուշան տեսած էր զայն աւելի գէշ թշուառութիւններու առջեւ, ամօթապարտ յանցանքի և բարոյական անկումի առջեւ: Եւ ան ձեռք կարկառած ու

ներած էր, այն անսահման կարեկցութիւնովը՝ որով կարծես չարիքը կը թաղուէր գթութեան ներքեւ: Բայց այս իսկ զինքը կը բարձրացնէր և աւելի մօտ կը բերէր Տէր Ենովային, որուն վերջնականապէս կը պատկանէր ներելու իրաւունքը. ասիկա, Յիսուսը մեր մարմնաւոր սրտերուն չէր մօտեցնէր...:

Միթէ Ան մեր տառապանքներուն հանդէպ կրնա՞ր անտարբեր, անզուժ և անմատչելի մնալ: Ան՝ որ ձգած էր իր մայրը մարդոց մէջ քարոզելու համար և որ կ'ըսէր թէ մարդ իր սիրոյն համար պէտք է մինչև իսկ իր անձը առէ, ի՞նչ պիտի խորհէր այն փորձութիւններու մասին որոնք մեզ կը քայքայեն: Քանի որ այս աշխարհը անցաւոր է, անոր համար անշուշտ կարեւորութիւն չունէին այս նեղութեան աղաղակները՝ որոնք տառապազին անցկութեան մէջէն կ'արձակուէին: Բաժանումը, մահը, քանի մը օրերու սուգը, ի՞նչ են ասոնք վերջապէս, բաղդատմամբ յաւիտենական տարիներու:

Շուշանի յուզումը այնքան սաստիկ էր որ ան չէր համարձակեր վարդապետին երեսը նայելու, վախնալով զայն գտնել անզգաց և հոն կարդալ լուռ դատապարտութիւնը իր ունեցած բոլոր խանդաղատանքին և վախնալով որ պիտի զգար ցաւագինորէն, ո՛հ, շատ ցաւագինորէն, որ ան շատ հեռու էր իրենցմէ: Բայց ճշմարտութիւնը գիտնալու պէտքը իրեն համար ստիպողական էր, այնպէս որ յամբօրէն գլուխը վեր առաւ և ձմեռնային այս յետ միջօրէի ցուրտ պայծառութեան մէջէն, ան տեսաւ Մարթան ու Մարիամը իրենց արցունքներուն մէջ, դիտեց զանոնք չըջապատող վշտահար Հրէաները և տեսաւ Յիսուսը մարդկային ցաւին հետ դէմ յանդիման...:

Եւ Յիսուս կուշար:

.

Ամէնքն ալ հիմա դէպ ի գերեզման կ'երթային: Հանդարտ և գեղեցիկ օր մըն էր: Արմաւենիները իրենց ցրտահար ճիւղերը կը կծկէին. ոչ թուփեր և ոչ ծաղիկներ կային ճամբուն վրայ, միայն ձիթենիներ կային իրենց անփայլ կանանչութիւնովը: Պայծառ ու շատ զօրաւոր լոյս մը, կարծես բիրտ կերպով կը կտրտէր քարերուն սուր ծայրերը և շատ ցանցաւ ծառերուն մերկ ճիւղերը: Շուշան, վճռական ժամերու յատուկ մտասեւեռումով մը, մեքենաբար կը զիտէր Յիսուսի վերարկուին ծայրը գործուած երբայական գիրերը, ի զո՛ւր ջանալով հասկնալ անոնց իմաստը. գիրերը կը մեծնային, իրարու կը խառնուէին և տարօրինակ երեւոյթ մը կը ստանային: Շուշան կը մաքատէր ինքն իր դէմ և ետ կը մղէր այն տեսակ մը սըրքազան արհաւիրքը՝ որ զինքը կը դողացնէր:

Իր չուրջը գտնուող Հրէաները կ'ըսէին. «Քանի որ Յիսուս Նազովրեցին զայն այսչա՛փ կը սիրէր, չէ՞ր կրնար արգիլել որ ան չմեռնի: Ինքը, որ ի ծնէ կոյրին աչքերը բացաւ...»

Օղը այնքան խաղաղ էր որ իւրաքանչիւր քայլ որոշապէս կը հնչէր կարծր գետնին վրայ: Շուշան կը քալէր որպէս երազի մը մէջ: Այս երբայական գիրերը մուրճի հարուածներ կուտային իր ուղեղին և իր մէջ կը դրոշմուէին հրեղէն գիրերով: «Երանի թէ Գամազիէլ հոս ըլլար,» խորհեցաւ ան:

Հիմա անոնք պարտէզ հասած և դամբարանին դըրան առջեւն էին: Քարայր մըն էր ան: Քար մը գոցած էր անոր մուտքը: Յիսուս ըսաւ.

— Մէկդի ըրէ՛ք այդ քարը:

Մարթա շուտով յառաջ նետուեցաւ.

— Տէ՛ր, ատիկա անկարելի է: Ան աւրուած է հիմա: Չորս օրէ ի վեր մեռած է:

— Ձեզի ըսած չե՞մ որ եթէ հաւատաք, Աստուծոյ Փառքը պիտի տեսնէք ըսաւ, Յիսուս:

Քանի մը մարդիկ յառաջացան: Քարը գլտորեցաւ փոսին մէջ: Եւ ժայռին լայն բացուածքը երեւան եկաւ: Աղօտ լոյս մը կը շուրջապատէր նախասենեակը՝ որ դամբարան կ'առաջնորդէր. խորը, ստուերին մէջ, մեռելափոսերը տարտամօրէն կ'ուրուագծուէին:

Շուշան ահամայ կը մտածէր. «Կ'երեւի թէ մեռելը տեսնել կ'ուզէ:» Եւ դող մը պատեց իր մարմինը: Մարթա սոսկումի շարժում մը ըրաւ. Մարիամ զէպ ի առաջ ծռած՝ Վարդապետը կը դիտէր:

Յիսուս, միայնակ քանի մը քայլ յառաջ գնաց հանդարտ վեհափառութիւնով մը: Իր ձեռքերը վեր վերցուց և բարձր ձայնով աղօթեց.

«Հա՛յր, շնորհակալ եմ քեզմէ որ ինձի լսեցիր: Ու ես զիտէի որ ամէն ատեն ինձի կը լսես: Բայց այս զիս չըջապատող ժողովուրդին համար ըսի, որպէս զի հաւատան թէ դուն զրկեցիր զիս:»

Իր խորունկ ձայնին թրթռումները մարեցան խաղաղ մթնոլորտին մէջ: Հանդիսաւոր լռութիւն մը կը սաւառնէր ժողովուրդին վրայ: Շուշան կիսովին նուազած՝ աչքերը փակեց...:

Յիսուս բարձր ձայնով մը կանչեց.

«Ղազարո՛ս, դուրս եկո՛ւր:»

Եւ ա՛հա՛, ինչ որ տեղի ունեցաւ աննկարագրելի էր: Չարհուրանքի հոսանք մը, ամենի կոհակի մը նման, ալեկոծեց բոլոր հոն գտնուողներուն հոգիները: Անորոշ բան մը կը խլրտար շուքին մէջ, որ ձեւ կ'առնէր և կը յառաջանար դամբարանէն զէպի նախասենեակը: Ղազարոսն էր ան, որ իրիկուան աղօտ լոյսին մէջէն

կ'որոշուէր, ոտքերը և ձեռքերը պատանքով փաթթուած և գլուխը վարչամակով ծածկուած: Սարսափի և ապշութեան աղաղակ մը թռաւ բոլոր կուրծքերէն: Մարթա իր եղբորը վրայ խոյացաւ ուրախութենէն խելայեղ...:

Եւ Մարիամ Վարդապետին ոտքերը կը համբուրէր հանդարտօրէն, երկիւղածօրէն...:

Ժ

Շուշան ինչպէ՞ս կրցաւ ներկայ գտնուիլ այս տարօրինակ տեսարանին սկիզբէն մինչև վերջը: Ինչպէ՞ս, հակառակ Մարիամի թախանձանքներուն, ան ճամբաջելաւ դէպի Երուսաղէմ Սառայի հետ: Վերջապէս, ինչպէ՞ս իր բնակարանը հասաւ ան, աւելի տոգոյն քան մեռելալը՝ որուն պատանքը քակեր էին: Շուշան երբեք չէր կրնար ասոնք բացատրել: Սակայն երբ Գամաղիէլ, իրիկնամուտին պատշգամին պատին կռթնած՝ տեսաւ իր քրոջ արագ քայլերով տուն գալը, աղէտի մը նախազգացումը ունեցաւ. և մինչ Շուշան, սովորաբար այնքան վերապահ, իրեն մօտեցաւ պրոռալով. «Բեթանիացի Ղազարոսը յարութիւն առաւ,» Գամաղիէլի մտատանջութիւնը մահացու տագնապի մը փոխուեցաւ:

Ան իր ձեռքը դրաւ դեռատի աղջկան ճակտին վրայ և տեսաւ որ կ'այրէր: Գուրգուրանքով՝ ինչպէս կը խնամեն հիւանդ մանուկ մը, Գամաղիէլ առաջնորդեց զայն մինչև անոր փոքրիկ սենեակը և ստիպեց որ ընկողմանի ցածը գրուած խոչոր բարձերուն վրայ. յետոյ խմցուց անոր քանի մը կաթիլ արմաւօղի: Նաև խնդրեց անկէ որ այս ընտանեկան քաղցր շրջանակին մէջ, աւելորդ խորհուրդներ չունենայ և չաւելցնէ իր տենդը, որ շուտ պիտի անցնէր, եթէ քիչ մը հանգիստ ընէր: Ան նստաւ անոր քով ուշադիր և գորովալից, ինչպէս մայր մը:

— Ես պիտի պաշտպանեմ քեզ, կ'ըսէր անոր Գա-

մաղիէլ: Երբ դուն փոքր էիր, ձեռքդ ձեռքիս մէջ կ'առնէի և բանէ մը չէիր վախնար: Ես պիտի հսկեմ քու վրադ այսպէս և դուն պիտի քնանաս...:

— Սակայն ես հիւանդ չեմ, եղբայր, ըսաւ Շուշան: Ես զոտանցանք ալ չունիմ. ես աղէկ գիտեմ ինչ որ կ'ըսեմ: Յիսուս Նազովրեցին ճիշդ այսօր Բեթանիա եկած է: Ան լացաւ տեսնելով մեզ ամէնքս որ կուլայինք:

Շուշան վայրկեան մը կանգ առաւ այս անմուռանալի յիշատակին առջեւ, ժպտելով իր անտեսանելի բարեկամին:

— Եւ Յիսուս հարցուց. 'Ո՞ւր դրած էք զայն': Ամբողջ բազմութիւնը իրեն ընկերացաւ մինչև գերեզման: Ան ըսաւ. 'Ղազարո՞ս, դուրս ելի՛ր': Եւ Ղազարոս դուրս եկաւ, տակաւին իր պատանքով փաթթուած: Մարթան էր որ անոր պատանքը քակեց և Ղազարոս Յիսուսի ոտքը ինկաւ:

— Բայց անկա՛րելի է ատիկա, գոչեց Գամաղիէլ: Երեք օր առաջ ան մեռաւ իմ բազուկներուս մէջ, դեռ այնքան երիտասարդ, այնքան շնչասպառ իր օրհասականի կռիւին մէջ: Եւ ես անոր զագաղին ընկերացայ մինչև՛ գերեզման: Դուն պատրանքի մը զոհը եղած ես, սիրելի՛ս:

— Հարցո՛ւր Սառային, ըսաւ Շուշան: Խեղճ ծեր սպասուհին սարսափահար եղաւ:

— Հարցո՛ւր Հասետիմներուն, հարցուր ամէնուն: Այնքան շատ բազմութիւն կար հոն: Յիսուս աղօթեց իր Հօրը. 'Այս ժողովուրդին համար է որ այս բաները կ'ընեմ, որպէս զի հաւատան թէ դուն զրկեցիր զիս': Ո՛հ, դուն ալ, չե՞ս հաւատար, եղբայր:

— Առաւօտուն կանուխ պիտի երթամ Բեթանիա, ընդմիջեց Գամաղիէլ, շատ ազդուած այս որոշ մանրամասնութիւններէն: Դուն հանգիստ ըրէ, կը խնդրեմ

և թող ոչ մէկ բան նեղէ քեզ: Վերադարձիս ամէն բան պիտի կրնամ բացատրել քեզի:

— Ես ի՞նչ բանէ պիտի նեղուիմ: Կեանքը և մահը անոր ձեռքերուն մէջ են: Անիկա է Տէրը: Եւ հրեշտակային արտայայտութիւնով մը ան կրկնեց. «Անիկա իմ Տէրս ալ է:» Եւ մանուկի մը նման խաղաղած ու հանդարտած. գլուխը վար դրաւ ասեղնադործուած գեղեցիկ բարձի մը վրայ և քնացաւ:

Գամաղիէլ արշալոյսին մեկնեցաւ: Իր մեկնելէն վերջ Նիկողեմոս շատ անգամներ եկած և դուռը դարկած էր: Երուսաղէմի մէջ, այս հրաշքին վրայ միայն կը խօսէին: Հրէաները խմբովին Բեթանիա կը դիմէին: Սանհէտրինի բոլոր անդամները ժողովի կանչուած էին: Նիկողեմոս եկած էր իր զարմիկն ալ տանելու այս նիստին՝ որ փոթորկալից Ելլալ կը սպառնար: Ժողովը գումարուեցաւ մեծ վարդապետին վերադառնալէն առաջ: Ան տուն հասաւ վեցերորդ ժամուն միայն, առանց ծածկելու իր ապշութիւնը:

— Տարակուսելու պատճառ չկայ, ըսաւ ան Շուշանի: Դուն պատրանքի մը զոհը չես եղած և ոչ ալ խենդութեան: Յիսուս Նազովրեցին, Եղիայի նման, մեռելներուն յարութիւն առնել կուտայ: Ես տեսայ Ղազարոսը և խօսեցայ անոր հետ: Եւ ի՞նչ անբացատրելի յուզումով: Ուրեմն այս մեռելը թափանցած է միւս աշխարհի սարսափելի գաղտնիքներուն: Սակայն ան մունջ կը մնայ այս բաներուն մասին: Կ'ըսուի թէ վարդոյր մը եկած է դարձեալ իր և անտեսանելի աշխարհին մէջտեղ: Կամ թէ բնաւ բան մը տեսած չէ և կամ բան մը չը յիշեր: Ինք կ'ըսէ միայն թէ, անօրինակ լուսաւորութեան մը տպաւորութիւնը պահած է իր վերջին ժամէն սկսեալ, երբ ես իր աչքերը փակեցի: Յետոյ յաւիտենական լուսութիւն...: Ան միւս-

նոյնը մնացած է, նոյնքան յարգալից և նոյնքան քաղցրաբարոյ: Երբե՛ք, երբե՛ք, իմ ամբողջ կեանքիս մէջ, ունեցած չեմ այնքա՛ն մեծ ապշութիւն՝ որքան երբ ես կրկին տեսայ զայն՝ որ կը խօսէր հետս, որ կը նայէր ինծի...: Ո՛հ, այդ նայուածքը մանաւանդ, որ յաւիտենական անդունդները խորաչափած է...:

— Եւ Յիսուս, հարցուց Շուշան:

— Ան կարծես անգիտակ է այս յաղթանակին, ըսաւ Գամաղիէլ հիացումով: Ան այս հրաշալի գործերը կը կատարէ այնպէս՝ ինչպէս մենք մեր ամենօրեայ գործերը կ'ընենք: Այսպէս կ'ըսէր ան այսօր. 'Քալեցէ՛ք, քանի որ լոյսը ձեզի հետ ունիք:' Ասով որոշապէս կ'ակնարկէր մարդկային զօրութենէ վեր եզոզ հրաշքներուն: Աստուած կ'օգնէ իրեն տեսանելի կերպով: Ըստ իս, չղթային մէկ օղակը միայն կը պակսի, ի՞նչ պիտի ըլլայ ասոր վախճանը: Այս հրաշքները իսկ զինքը չե՞ն խաբած արդեօք իր առաքելութեան մասին: Եղիա ինքն ալ մեռելները կը յարուցանէր: Մէկը կրնայ մեծ մարդարէ մը ըլլալ առանց Մեսիան ըլլալու. ոչ Մովսէս, ոչ Եսայի և ոչ ալ պատգամախօսներէն ո եւ է մէկը մեզի ծանուցած է թէ հիւսնի մը որդին պիտի ըլլայ Մեսիան: Վերջապէս, Աստուածային ծրագիրը հետզհետէ պիտի յայտնուի մեզի...: Սպասել գիտնա՛նք:

— Դուն անոր հետ խօսեցա՞ր, հարցուց Շուշան:

— Ատիկա շատ դժուար էր, ըսաւ Գամաղիէլ, ան չըջապատուած էր իր աշակերտներով և անհամար բազմութիւնով: Ես երբե՛ք անոր չմտեցայ: Ան ալ զիս կը ճանչնայ միայն այն զրոյցներէն զորս մարդիկ կ'ընեն իմ անունիս շուրջ: Եւ որչափ որ դէպքերը արտակարգ ըլլան, սակայն և այնպէս ես չեմ կրնար դերերը յեղաշրջել: Մարդիկ զիս կը հարցաքննեն,

ես չեմ հարցաքնններ: Սակայն եւ այնպէս...:

— Սակայն և այնպէ՞ս... կրկնեց Շուշան անձկութիւնով:

— Միջոց մը, երբ ես իրեն շատ մօտն էի, ուրիշներ քանի մը հարցումներ ըրին անոր, սակայն ես չկրցի հասկնալ աղմուկին պատճառով: Յիսուս պատասխանեց անոնց. 'Ան որ ինձի հակառակ չէ ինձի հետ է:' 'Ղազարոս խանդաղատանքով ըսաւ ինձի. 'Վարդապետ, այս խօսքերը քեզի համար են, Յիսուս քեզի կը նայի:' Եւ ասիկա ճշմարիտ էր: Խորհեցայ թէ երիտասարդ վարդապետը գուշակած էր իմ բնադրական համակրութիւնս և ես իր նայուածքին ժպտով մը պատասխանեցի:

Այդ միջոցին Նիկողեմոս ներս մտաւ խռոված:

— Հրաշքը գիտե՞ս, գոչեց Գամաղիէլ:

— Ո՛հ, հրա՞շքը, ո՛վ չգիտեր: Ամբողջ Երուսաղէմը Բեթանիայի ճամբուն վրայ է: Քաղաքը անսովոր յուզումի մը մէջ է: Ասիկա յանկարծական խանդավառութիւն մըն է. Մեսիա՛ն, Մեսիա՛ն, մենք գտա՛ծ ենք Մեսիան, կը գոչէ ժողովուրդը: Եւ անոնք, այս երազներէն և յոյսերէն տարուած՝ մոլեգնութեան աստիճան գրգռուած են: Այդ պատճառաւ այս հրաշքը զիս նուազ կը մտահոգէ քան անոր հետեւանքները:

— Ի՞նչ ըսել կ'ուզես, մրմնջեց Շուշան:

— Այսօր երեք անգամ եկած եմ քեզ փնտռելու, վարդապետ, շարունակեց Նիկողեմոս, առանց լսելու Շուշանի հարցումը. եւ դուն միշտ բացակայ էիր: Սանհեարինը գումարուեցաւ հապճեպով: Դուն հոն չէիր, սակայն դուն գիտես քահանաներուն նենգամբտութիւնը: Անոնք գիտեն որ Ղազարոս քու աշակերտդ է և կը խորհին թէ, որովհետեւ Յիսուս անոր յարուսթիւն առնել տուաւ, կրնայ ըլլալ որ դուն անոր կողմ-

նակից ես. այնպէս որ բացակայ ըլլալդ կարեւորութիւն չունեցաւ:

«Ամէնքն ալ ժողովի կանչուած էին. Սաղուկեցիները մեծ թիւ մը կը կազմէին: Խառնաշփոթութիւն մը և խլացուցիչ աղմուկ մը կը տիրէր: Այս կղերական ազնուապետականութիւնը յիմարացած էր: Անոնք կ'ըսէին. 'Ամէնքը անոր ետեւէն կ'երթան: Եթէ թոյլ տանք որ շարունակեն, խռովութիւն մը պիտի պայթի: Հոովմայեցիները գալով քաղաքին պիտի տիրեն և մեզ պիտի նուաճեն:' Չանոնք տեսնելը զգուանք կ'ազդէր: Աննան և իր ընտանիքը բորենիի հեգնական ծիծաղ մը ունէին: Անոնք շարունակ կը մոլտային թէ՛ դեւն ալ եթէ ուղէ կրնայ հրաշքի նշաններ ցուցնել եւ թէ՛ այս Գալիլացին դիւանար մըն է — դուն գիտես թէ անոնք որքա՛ն դիւրին կը զըրպարտեն — և թէ՛ պէտք էր զայն բռնել տալ դրամական պարգեւի մը փոխարէն և սպաննել: Սամուէլպէն-Փապին ալ մարդու մը գլուխը աճուրդի դրուելը իր ծիրանի պատմութեանին վրայ զգուշութիւնով ծայք մը շինելով և քակելով մտիկ կ'ընէր: Իր անթերի վայելչութիւնը թոյլ չէր տար զբաղիլ այս տեսակ ոչնչութիւններով: Իսաքար կը խնդար և կ'ըսէր թէ կայսրութիւններու և մարդոց ճակատագիրերը՝ բաժակ ի ձեռին միայն կարելի էր կարգադրել: Եւ փառաւոր խնձոյքի մը հրաւիրեց ներկաները: Չարագուշակ ու քսամնելի էին անոնք: Ասոնք ստորին հոգիներ են և պարագային համեմատ չափազանց անգութ. յետոյ, անոնք վրէժ ունին: Անոր դէմ, խարաղանով Տաճարէն դուրս վճռեց իրենց մարդիկը ու խանդարեց իրենց առուտուրը...:

«Գալով մեր Փարիսեցի եղբայրներուն, անոնք թէև նուազ ստորին, բայց աւելի անդրդուելի՝ իրենց անո-

դոք ատելութեանը մէջ, հպարտ արհամարհանքով մը կը կրկնէին Յիսուսի անէծքները, և Եօխանան կ'ըսէր թէ՛ այս բոլոր նզովքները պիտի թափին Նազովրեցիին գլխուն վրայ: 'Վա՛յ անոր որ մեզի դէմ կ'ելլէ:՝ Սորհէ՛, վարդապետ, եթէ անիկա բռնուի, այս դատաւորներուն առջե՛ւ պիտի դատուի: Եւ ի՛նչ նախատինքներով, ի՛նչ չարչարանքներով, անոնք պիտի մեռցնեն զայն:»

— Իսկ դուն բան մը չըսի՞ր զայն պաշտպանելու համար, հարցուց Շուշան չկարենալով ինքզինքը զսպել:

— Ոմանք ինձի հետ բողոքեցին: Անոնք Հիլէլին կամ քու աշակերտներդ էին, օրհնեալ ըլլաս, վարդապետ: Ոչ թէ հաւատալով որ դուն Յիսուսի կողմնակից ես, բայց օրովհետեւ համբերող հոգի մը ունիս և կը սոսկաս հալածանքէ: Ո՛հ, հազիւ երեք կամ չորս հոգի էինք մենք. սակայն վերջապէս այդ խռովութեան մէջ գլուխ բարձրացուցինք:

«Եւ ահա յանկարծ կայիսփա ոտքի ելաւ ու այսպէս պոռաց.

— Դուք վտանգը չէ՛ք տեսներ ուրեմն: Աղէկ է մեզի՝ որ մարդ մը ժողովուրդին համար մեռնի, և բոլոր ազգը չկորսուի:

«Այս խօսքերը ողբերութեամբ ընդունուեցան և վերջին հարուածը տրուեցաւ ակարները համոզելու: Հոռովմի ուրուականը, պատերազմ, կործանում, ասոնք բաւական էին մարդ մը մեռցնելու համար: Սակայն և այնպէս, անոնք զիտեն որ Յիսուս մոլորեցուցիչ մը չէ, անոնք զիտեն թէ ան փախաւ երբ կ'ուզէին զինքը թաղաւոր հռչակել, զիտեն թէ ան կը կրկնէր միշտ. 'Իմ թագաւորութիւնս այս աշխարհէն չէ:՝»

— Դուն այս բաները անոնց ըսի՞ր, հարցուց Գամաղիէլ լրջութեամբ:

— Անոնք չեն ուզեր մտիկ ընել, պատասխանեց Նիկողեմոս շիթած: Անոնց փնտռածը լոկ պատճառանք մըն է, մնացեալը ժամանակի հարց մըն է միայն:

— Մենք զայն պիտի փրկենք անոնց ձեռքէն, ըսաւ մեծ վարդապետը: Ես երդում ըրած եմ պաշտպանելու զայն և ազատելու: Ուստի մէկ բան մը կայ ընելիք, անոնց ատելութեան սահմաններէն հեռացնել զայն: Փիլիպպոս Չորրորդապետը՝ խելացի և մարդասէր իշխան մըն է: Յիսուս կրնայ ապահով բնակիլ Իթուրիայի մէջ: Ես գիտեմ թէ ան անգամ մը առանձնացած է հոն արդէն: Քանի մը տարիներ և թերեւս միայն քանի մը ամիսներ պիտի անցնին և բոլոր այս զրգուրթիւնը պիտի մոռցուի: Կեանքը մեզ յառաջ կը մղէ և մարդիկ կը փոխուին: Յիսուս շատ երիտասարդ է և սպասելու շատ ժամանակ ունի: Պէտք է իմացնել իրեն:

— Սակայն դուն շատ աղէկ զիտես որ Յիսուս Նազովրեցիին հսկողութեան տակ է, բան մը որ մինչեւ հիմա եղած չէր, ընդմիջեց Նիկողեմոս յուզուած: Քահանաները ամէն տեղ լրտեսներ ունին: Եթէ տեսնեն մեզմէ մէկը՝ որ անոր հետ մտերմական խօսակցութեան մէջ է, ամէնքս ալ վտանգի պիտի ենթարկուինք և ազգանշան մը տուած պիտի ըլլանք:

— Դազարոսի միջոցով կրնայինք լուր տալ իրեն: Սակայն ուրիշ բան մը կը խորհիմ ես: Շուշան, Մարիամին և Մարթային այցելութեան մը երթալ պարտաւոր է. ան կրնայ լուր տալ 'վարդապետին' և ըսել անոր ինչ որ հիմա լսեց մեզմէ: Սովորական կերպ մը չէ այսպէս գործելը, սակայն պարագան բացառիկ է: 'Անոնք որ կը սիրեն, անոնք միայն վերահաս ա-

«Ղէտներու յայտնատեսութիւնը ունին՝ աւելցուց Գամաղիէլ մեղամաղձիկ տիրութիւնով մը. Անոնք իրենց սրտով է որ կը տեսնեն»՝

— Կ'երթամ՝, ո՛հ, կ'երթամ, նոյն իսկ եթէ հարկ ըլլայ իմ կեանքս կը զոհեմ Անոր համար, գոչեց Շուշան: Ինչո՞ւ մենք, կիներս, չենք կրնար մտնել այս ժողովներուն մէջ: Ինծի այնպէս կը թուի որ, սրբազան դատի մը համար մենք ուրիշ կերպ պիտի պայքարէինք: Ես քեզ չեմ ամբաստաներ, սակայն և այնպէս, դուն որ հոն էիր, ինչպէ՛ս չգիտցար ամօթահար ընել զանոնք:

— Մէկ հոգի մը այս ամէնուն դէմ... , ըսաւ Նիկողեմոս երկչոտութիւնով:

— Սակայն ասիկա ճշմարտութիւնն է մոլորութեան դէմ, ըսաւ Շուշան: Ի՛նչ կարեւորութիւն ունի մէկ հոգի ըլլալ կամ հազար հոգի: Եթէ Յիսուս մեռնի, կը կարծե՞ս որ անոր արիւնը իր թշնամիներուն գլխուն վրայ միայն պիտի թափի. զինքը լքող բարեկամներուն գլխուն վրայ ալ պիտի ըլլայ... :

— Ճշմարիտ է, ըսաւ Գամաղիէլ: Միայն թէ, շատ անգամ, լաւագոյն դատերն իսկ կը վտանգուին անխոհեմ պաշտպանութիւններով: Դուն չեմ ճանչնար այս մարդիկը: Նիկողեմոս բան մը չէր կրնար ընել զանոնք համոզելու համար: Երբ ատելութիւնը և վախը կը միանան՝ ոչինչ կրնայ յաղթել անոնց: Ասիկա այնքան ճշմարիտ է որ, եթէ դժբաղդ դիպուածով մը Յիսուս ձերբակալուի, ես չեմ ուզեր ներկայ ըլլալ Սանհեարիսի ժողովին, զարհուրելի տեսարանի մը ապիկար վկան չըլլալու համար: Եւ նորէն կ'ըսեմ, մէկ միջոց մը միայն կայ. հեռացնել զայն: Եւ Շուշան, դուն պիտի ըլլաս այն անձը՝ որ պիտի ջանայ համոզել Յիսուսը: Բան մը մի ըսեր մեր Բեթանիացի բարե-

կամներուն: Անոնց ուրախութիւնը մի խանդարեր:
— Շնորհակա՛լ եմ, ո՛հ, շնորհակա՛լ եմ, եղբա՛յր, գոչեց Շուշան եռանդով:

Գամաղիէլ աւելի լուրջ երեւոյթ մը առաւ.

— Երդում ըրած եմ զայն պաշտպանել և իմ ուխտըս կը պահեմ: Ըսէ՛ իրեն, որ կ'ուզեմ զինքը ազատել, որովհետեւ ինքը լուսաւոր հոգի մը ունի և որովհետեւ հրաշալի բաներ կը խօսի: Ըսէ՛ իրեն, թէ՛ ես յունական շունչով օրօրուած ձեր վարդապետ մը, պիտի մեռնիմ, լոյսի և գեղեցկութեան պաշտամունքին հաւատարիմ մնալով և եթէ իրենց առաքելութեամբ և երազով յափշտակուած ուրիշ շատերու նման ինքն ալ արժէք չտար կեանքի ու մահուան, ըսէ՛ իրեն, Գամաղիէլ զիս քեզի զրկեց որ ըսեմ քեզի. Աշխարհը այնքան խաւարակուռն է՝ որ զայն լուսաւորողները պէտք չէ ժամանակէն առաջ մեկնին»՝

— Եւ ես պիտի ըսեմ նաև իրեն որ ձեր երկուքին հոգիները այնքան չքնաղ են, որ պէտք չէ առանց զիրար հասկնալու մնան միշտ:

Շուշան կեցաւ և անհուն գորովով մը իր եղբորը վրայ ծոած, իր անբիծ աչքերը անոր վրայ սեռեռելով ըսաւ.

— Եւ եթէ համարձակիմ բան մը աւելցնել, պիտի աւելցնեմ սա. «Տէ՛ր, ան կը հաւատայ, օգնէ իր թերահաւատութեանը:»

ԺԱ.

Երուսաղէմէն Բեթանիա դացող բազմութիւնը, հետզհետէ կը ստուարանար: Շարունակական երթեւեկ մըն էր այս հաւատացեալներու, հակառակորդներու և մանաւանդ հետաքրքիրներու: Դէպքին տարօրինակ բնոյթը՝ յուզած էր նոյն իսկ սովորաբար անտարբեր եզող հոգիները: Յարութեան հրաշքը՝ միւս աշխարհէն կը բերէր խորհրդաւոր ցոլացում մը, Յիսուսի անունին շուրջ, մարդիկ անոր վրայ կը խօսէին զարմացումով և գրեթէ սոսկումով: Սակայն ասիկա անոր համբաւը աւելի կը տարածէր և զայն անզուգական կ'ընէր. այնպէս որ ժողովուրդին յեղյեղուկ հոգին անոր առջեւ կ'երկրպագէր: Բոլոր երթեւեկող խումբերէն սա բացառանջութիւնը կը լսուէր. «Քրիստոսն է, Մեսիան է:» Եւ սակայն այս բազմութեան վրայ տարուած յաղթանակը՝ ո՛չ վստահելի էր և ո՛չ ալ վերջնական: Այս այնքան ջերմ հաւատքը կրնար անհետանալ այնպէս՝ ինչպէս եկած էր արտաքին ցընցումով մը: Լուսի գիծ մըն էր այս որ կը քերէր ջուրին մակերեսը, առանց թափանցելու անոր յատակը. ամպ մը կրնար անցնիլ և ամէն բան կրնար թողուլ ստուերին մէջ:

Շուշան բնաւ չէր փափաքէր խառնուիլ այս հաւաքոյթներուն և քննադատութիւններուն: Իր եղբօրը թելադրութիւնովը ան քանի մը օր սպասեց որպէսզի յուզումները քիչ մը հանգարտին: Եւ վերջապէս օր մը,

արեւածագին ճամբայ ելաւ. ան կը քալէր աւելի անսխլութեան քան երբեք ներքին յուզումի մը ազդեցութեան տակ տժգունելով տակաւ...: Գամաղիէլ տեսաւ անոր մեկնելը, աշխայիմ բարձունքէն՝ ուր ելած էր աղօթելու...:

Սաղաղ ու պայծառ առաւօտ մըն էր: Այս առանձնաշնորհեալ կլիմաներուն տակ, ձմեռը կը կորսուէր դարնան քաղցրութեան մէջ, գրեթէ առանց փոխանցման շրջանի. այս այն պայծառ օրերէն մէկն էր՝ որուն մէջ լոյսն իսկ աւելի թափանցիկ և աւելի հեշտ է: Տարտամ մշուշ մը կը պատէր թխագոյն բլուրներուն հորիզոնները, կը հարթէր անկիւնները և չոր հոգին կուտար գոլորշուտ հեռանկարի մը քաղցրութիւնը: Շուշան դանդաղաքայլ կը յառաջանար, իր հոգին ներդաշնակ զգալով արշալոյսի այս զովութեան հետ և հետեւելով իր ներքին մեծ երազին՝ առանց խօսելու, գրեթէ առանց տեսնելու:

Այսպէս, ան կտրեց անցաւ երկու մղոնի հեռաւորութիւնը՝ որ զինքը կը բաժնէր Բեթանիայէն. թէ կ'աճապարէր և թէ կը վախնար հոն հասնելու, չգիտնալով թէ ինչպէ՛ս պիտի մօտենար Վարդապետին և թէ ինչպէ՛ս պիտի համարձակէր խօսիլ անոր հետ: Իրենց հազուադէպ հանդիպումներու միջոցին Շուշան շատ աղէկ հասկցած էր թէ անկարելի պիտի ըլլար իր շրթունքները բանալ անոր ներկայութեան: Սակայն այսօր, զայն ազատելու խորհուրդը քիչ մը աւելի պահովութիւն կը ներշնչէր իրեն և ինքնիրեն կ'ըսէր թէ, որպէս զի արժանի ըլլայ անկէ ունկնդրուելու, անոր պիտի կրկնէր Գամաղիէլի ներդաշնակ բառերը և սաղմոսներէն հատուածներ, մանաւանդ Ալէլուիային սա մասը. «Օրհնեալ ըլլայ ան որ Տէրօջը անուսովը կուզայ:» Եւ այս մանկական պատրաստութիւնը

զինքը հանդարտեցուց ու ինքզինքը անկէ նուազ հե-
ռու զգալու պատրանքը տուաւ: Սակայն երբ Ղազա-
րոսի դրան առջև հասաւ, յանկարծական երկչոտու-
թիւն մը պատեց զինքը և Սառային դառնալով մրմն-
չեց. «Աւելի չեմ համարձակիր.» ու վայրկեան մը շը-
ւարած մնաց դրանը մուտքին առջև: Սակայն շատ
մարդիկ կ'անցնէին նոյն ճամբէն և իրենց հետաքըր-
քիր նայուածքներով կը նեղէին զինքը: Ուստի մեծ
ձիգ մը ընելով անցաւ առաջին գաւիթը եւ ներս
մտաւ:

Այս տունը այլ եւս ընտանի դարձած էր իրեն:
Երբ Շուշան արդէն նրբանցքէն անցնելով կը մտնէր
գեանայարկի մեծ սրահը՝ խնճոյքներու եւ ընտանե-
կանհաւաքոյթներու սրահը, իր դէմը ելաւ Մարիամ,
Ղազարոսի քոյրը: Շուշան զայն տեսնելով թեթե-
ւօրէն կարմրեցաւ: Մարիամ իր վրայ կը կրէր ու-
կեղօծ դիծերով այն քօղը՝ զոր գեոտտի աղջիկը իրեն
տուած էր Սիմոն Փարիսեցիին տան մէջ: Մարիամ ի-
րեն մօտեցաւ ճառագայթող դէմքով մը.

— Որքան երջանիկ օրեր են ասոնք, ըսաւ ան:
Ես փափաքեցայ հաւաքել բոլոր այն յիշատակները՝ ու-
րոնք շատ սիրելի են ինծի: Սուգի քօղը վերցնելէս ի
վեր — դուն գիտես թէ ի՞նչ ուրախութիւնով — քու
քօղդ միշտ վրաս կը կրեմ: Մարթա Վարդապետին
պատմեց թէ ի՞նչ պարագաներու տակ դուն զայն ինծի
տուիր և Ան հետեւեալ մարդարէական խօսքերը ըսաւ
քեզի համար. «Եւ ես ալ, իր գլխուն վրայ պիտի դը-
նեմ ցնձութեան պսակը:»

— Ո՛րքան բարի է, ըսաւ Շուշան շփոթած: Սա-
կայն ան չէր գիտեր թերեւս որ այն հեռաւոր ժամէն
ի վեր ես քեզ կը սիրէի:

— Ան գիտէր: Դուն չե՞ս հաւատար որ ան ամէն

բան գիտէ, հարցուց Մարիամ ժպտելով: Ի՞նչ ստորին
վիճակէ մը զիս վեր հանեց ա՛ն, — և դուն առաջինը
եղար որ զթացիր և բարեացակամ եղար ինծի. հան-
դէս:

— Կը կարծե՞ս որ զինքը պիտի կրնամ տեսնել,
ընդմիջեց Շուշան երկչոտութիւնով: Գամաղիէլի կողմէ
պատգամ մը բերած եմ իրեն: Շատ լուրջ խնդիր մըն
է: Եղբայրս պիտի փափաքէր որ ես կարենայի առան-
ձին խօսիլ անոր հետ:

Մարիամ իր հետը առնելով Շուշանը, անցաւ ներ-
քին երկրորդ գաւիթէն, իր ու Մարթայի յարկաբա-
ժիններէն և հասաւ պարտէզ:

— Վարդապետը հոն է, ըսաւ Մարիամ, կրնաս
երթալ անոր քով. Ղազարոս վայրկենապէս ձեզ ա-
ռանձին պիտի թողու:

— Անմիջա՞պէս, առա՞նց լուր մը տալու, հար-
ցուց Շուշան, աւելի սեղմուելով Մարիամի մօտ: Ան
պիտի զարմանայ թերեւս իմ յանդգնութեանս վրայ:
Ան զիս չճանչնար:

Մարիամ մեծ քրօջ մը ներողամիտ ժպտովը ժըպ-
տեցաւ:

— Յիսուս մեր վարդապետներուն և մեր գիտուն-
ներուն չնմանիր: Ան երբե՛ք մէկը չմերժեր: Ան մեզ
ամէնքս կը կանչէ: Գնա՛ իր քով, դեռ բազմութիւնը
չհաւաքուած:

Արեւը արդէն հորիզոնէն վեր բարձրացած էր եւ
զօրաւոր լոյսով մը կ'ողողէր այն գեղեցիկ պարտէզը՝
որ լեցուն էր արմաւենիներով, դափնիներով և ամէն
եղանակի բացուող սքանչելի վարդերով: Երկու կամ
երեք մշտադալար ժանտաթղենիներ՝ իրենց անաղին
բունները կը տարածէին և իրենց ձիւղերով տեսակ մը
օրօրան կը կազմէին: Քանի մը արջտակներ (Cyclamen)

սկսած էին բացուել: Այս խիստ կանխահաս ծաղիկները, փափուկ գեղեցկութեան մը հրապոյրը ունէին: Այս պարտէզէն անդին կար ուրիշ պարտէզ մը, աւելի բարձրահայեաց՝ ուր կը գտնուէր դամբարանը և որ աւելի պաշտպանուած էր և աւելի տաք:

Շուշան չէր յիշեր ուրիշ ատեն հոս եկած ըլլալը՝ որովհետև ամէն բան նոր էր իրեն համար: Կիսաբաց շուշաններով կազմուած ցանկերը՝ թեթեւ անուշահոտութիւն մը կը տարածէին մաքուր օդին մէջ...:

Յիսուս այս անհաստատ ցանկին մօտ, մամուսպատ քարի մը վրայ նստած էր: Մինակ էր ան. գլուխը ծոած, այնքա՛ն լուրջ և կարծես այնքա՛ն հեռու այս աշխարհէն՝ որ Շուշան քանի վայրկեանի չափ չհամարձակեցաւ անոր մօտենալ: Սակայն Ան, զինքը տեսաւ հեռուէն և նշան ըրաւ որ մօտենայ: Դեռատի աղջիկը շատ մօտ եկաւ և անոր ոտքերուն առջև ծընրադրեց:

— Տէ՛ր, ըսաւ ցած ձայնով, Գամաղիէլ իմ եղբայրս, զիս քեզի դրկեց: Ան կ'ուզէ որ քեզի ըսեմ...:

Աւա՛ղ, բռներ կը պակսէին խօսելու և կը կարծեր թէ կեանքն իսկ կանգ կ'առնէր իր մէջ, այս աննկարագրելի յուզումէն:

— Գաջալերուէ՛, ըսաւ Յիսուս անսահման քաղցրութիւնով մը: Մի՛ վախնար: Ես եմ:

Ես եմ: Արդարեւ այս խօսքը ամէն երկիւղ կը վանէր: Շուշանի բոլոր անձկութիւնները և վախերը լուծուեցան անհուն խաղաղութեան մը մէջ: Ինքն էր, ինքը, հեզութիւնը և անսահման բարութիւնը: Ան հաճոյքով զգաց իր տկար և ոչինչ ըլլալը մեծ մարգարէին առջև: Մոռցաւ այն բոլորը՝ զորս կրկնած էր ձամբան քալած միջոցին: Իրեն այնպէս թուեցաւ թէ իր հոգին կ'արձակուէր թռչունի մը նման, որ իր առաջին թռիչքը կ'առնէ:

— Տէ՛ր, ըսաւ ան անկեղծ պարզութիւնով մը: Ես աշխատեցայ գտնել բռներ՝ որոնք նուազ անարժան ըլլային քեզի, իմ եղբորս բերնին խօսքերը, երգի մը պէս ներդաշնակ: Բան մը չեմ գիտեր հիմա: Իմ հոգիս կը բերեմ քեզի, տկար և վարանոտ: Թափանցէ անոր այս անորոշ բռներուն մէջէն: Եւ քանի որ շնորհը ունեցած եմ քու ձամբուղ վրայ գտնուելու, կ'աղաչեմ քեզի, գթա՛ ինձի: Ես զԱստուած կը փրճեմ, սակայն կարծես ըստ բաղդի, աղջամուղջին մէջէն, առանց կարենալ անոր ընծայելու իմ սրտիս ամբողջ աղապատանքը, սրտիս՝ որ անոր երթալու համար ձամբայ մը չգիտեր...:

Եւ Յիսուս ըսաւ.

— Ես եմ ձամբան:

— Տէ՛ր, ըսաւ Շուշան, ուրիշներ մեզի շատ խորթին բաներ կը սորվեցնեն, բաներ՝ որոնք սարսուռ կը պատճառեն մեզի և մեր զուարթ խանդավառութիւնները կը սառեցնեն: Բոլոր ասոնք չեն մեռնիր սակայն, քանի որ քու խօսքերդ լսելով, ամէն բան նորէն կ'արթննայ իմ մէջս: Դուն այնպիսի խօսքեր ըսիր՝ որոնք մինչև հիմա երբե՛ք լսած չէի, խօսքեր՝ որոնց կը սպասէի, առանց զանոնք գիտնալու: Խիստ շատեր սակայն չեն ընդունիր և զանց կ'ընեն բարութեան, սրբութեան և զԱստուած ու մարդիկը սիրելու մասին քու ըսած խօսքերդ: Անոնք, արտաքին կանոններու մէջ կը սահմանափակեն մեր յարաբերութիւնները Աստուծոյ հետ, առանց զբաղելու մեր հոգիովը իսկ, հոգին՝ որ կ'արտասուէ մեր մէջ, հոգին՝ որ կ'երգէ մեր մէջ: Մեր ընտրեալ դասակարգը կ'ըսէ թէ պէտք չէ ուրիշներու հետ խառնուիլ, քանզի մենք ուրիշներուն պէս չենք...: Դուն չես սիրեր այս բաները: Սակայն այս բոլոր հակասութիւնները այնքա՛ն կը նեղեն...:

Եւ Յիսուս ըսաւ .

— Ես եմ ճշմարտութիւնը :

— Տէ՛ր, բաւական չէ ճամբան գիտնալ և քու լոյսովդ լուսաւորուիլ : Այնքա՛ն տկար ենք մենք : Ես յաճախ կը փափաքիմ և չեմ կրնար : Եւ կը մնամ նորէն նոյնքան թշուառ : Որքա՛ն բաներ կան մեզ տառապեցնող և մեզ յուսահատեցնող : Պէտք է որ շարունակ ձեռք մը երկարի և օգնէ մեզի : Չեռք մը խիստ զօրաւոր... և նաեւ խիստ գորովալի : Շատ անգամ ինծի կը թուի թէ, եթէ առանձին թողուիմ, ամէն քայլափոխիս պիտի իյնամ... :

Եւ Յիսուս ըսաւ .

— Ես եմ կեանքը : Ես եկայ որ դուք կեանք ունենաք եւ ա՛լ աւելի ունենաք . որ դուռն կեանք ունենաս :

— Ո՛հ, Տէ՛ր, քանի որ այսպէս դուն ամէն բան ես, մեր քովը կեցիր, գոչեց Շուշան պաղատագինս . Դուն այնքա՛ն բարձր ես և մենք այնքա՛ն զուրկ ենք քու ունեցած փառքէդ : Գամաղիէլ կ'ուզէ որ ըսեմ քեզի . «Ժամանակէն առաջ մի մեկնիր աշխարհէն :» Քեզի համար էր որ ես հոս եկած էի . սակայն իմ հօգիս քեզի բանալու ուրախութիւնս պատճառ եղաւ որ նախ իմ անձիս վրայ խօսիմ : Քահանաները այլ եւս չեն ծածկեր իրենց ատելութիւնը . անոնք քու դուրսդ աճուրդի դրած են : Իթուրիա ապաստանէ, Փիլիպպոս իշխանին մօտ : Այս հրաշքը զօրաւոր փոթորիկ մը բերաւ քու վրադ : Իրապէս խաւարին ժամն է այս :

— Բայց ես այս ժամուն համար եկած եմ, ըսաւ Վարդապետը լրջօրէն : Եթէ ցորենի հատիկը չը մեռնի, մինակ կը մնայ . բայց եթէ մեռնի շատ պտուղ կուտայ :

— Դուն չես կրնար այսպէս տխուր վախճան մը

ուսննալ, դուն՝ որ մեռելները կը յարուցանես : Տէրը քեզ այս մարդոց ձեռքը չպիտի յանձնէ : Դուն չես գիտեր թէ ի՛նչ են անոնք և ի՛նչ տեսակ մա՛ս մը կը սպասէ քեզի... :

Յիսուս իր տխուր նայուածքը յառեց Շուշանի վրայ և ըսաւ .

— Պէտք է որ հովիւը զարնուի և հօտին ոչխարները ցրուին . անոնք իմ ձայնս կը լսեն և ես կը ձանչնամ զանոնք . ինչպէս անոնք ալ զիս կը ձանչնան... անոնք՝ որոնք ես սիրած եմ : Անոնք զիս պիտի լըքեն... և դուն... :

— Բայց ես պատրաստ եմ քեզի համար մեռնելու, Վարդապետ, գոչեց Շուշան : Գիտեմ թէ ես բան մը չեմ արժեր և ես կը զգամ ասիկա ներքին երջանկութիւնով մը՝ երբ քեզի մօտ եմ : Թէեւ շատ անարժան քու խորհուրդներուդ խառնուելու՝ սակայն կը համարձակիմ աղաչելու քեզի որ ազատես ինքզինքդ, մեզի համար : Եթէ պէտք է որ մեռնիս, գոնէ թող քիչ մը աւելի ուշ ըլլայ այդ օրը, երբ դո՛ւն արդէն աւարտած ըլլաս քու գործդ : Թոյլ տուր որ քեզ պաշտպանենք... : Գթա՛ մեզի և հեռացուր այս մահը՝ որ մարդոց ատելութիւնը կը սպառնայ քեզի : Ո՞վ պիտի հաւատայ քեզի եթէ այսպէս մեկնիս : Բառեր չեմ գրտներ քեզի ըսելու... , շա՛տ կը տառապիմ... :

Շուշան դադրեցաւ խօսելէ, զգալով որ արցունքները կը վազէին : Յիսուս դէպի անոր ծռեցաւ խիստ քաղցր դթութիւնով մը լեցուած .

— Մի՛ լար : Մտիկ ըրէ՛, այս բաները միայն ժամանակի մը համար են : Եւ իմ Հայրս քեզ կը սիրէ, ինչպէս կը սիրէ բոլոր անոնք՝ որոնք զիս սիրեցին :

Շուշան, առանց տեսնելու, պատահաբար կոթընեցաւ անհատատ ցանկապատին : Բարձրագլուխ եւ

կէս բացուած շուշան մը, ծոնցաւ իր ձեռքին տակ և ինկաւ վարդապետին ոտքերուն առջև: Շուշան ակամայ նայեցաւ ծաղիկին, խորհելով թէ իր մէջն ալ տխրաբեկ բան մը կը խորտակուէր:

Յիսուս անբացատրելի կարեկցութիւնով մը աւելցուց.

— Դուն չես կրնար հասկնալ հիմա: Նոյն իսկ քեզի համար աղէկ է որ ես երթամ: Ըսէ՛ Գամաղիէլին. «Վարդապետը այսպէս կ'ըսէ. պիտի չխմե՞մ այն բաժակը՝ որ իմ Հայրս ինձի տուած է խմելու: Սակայն, ես ասոր համար եկած եմ:» Եւ յետոյ. յարութիւնը տեղի պիտի ունենայ, այն ուրախութիւնը՝ զոր ոչ ոք կրնայ յափշտակել քեզմէ:

Շուշան տագնապալից նայուածք մը ուղղեց անոր.

— Ուրեմն, ըսաւ ան, դուն որ ամէն բանի կարող ես, զթա՛ւ և խոնարհէ՛ ինձի: Երբ գիտնաս թէ այդ ժամը հասած է, հրաման ըրէ՛ որ ես ալ երթամ: Աշխարհ որքա՛ն ամայի է, և ես ինքզինքս առանձին կը զգամ գերեզմանի մը մէջ կ'ղածի պէս:

Յիսուս խորունկ նայուածքով մը գիտեց այս անմեղ էակը՝ որ իրեն կ'աղերսէր: Թերեւս վարդապետին խոհուն նայուածքին առջև՝ այս անկեղծ տըխրութիւնը աւելի կը մթնցնէր Գողգոթայի այնքա՛ն սեւ երկինքը: Թերեւս ան կշռեց այս երկչոտ հոգին և զայն անհամեմատ գտաւ տագնապին ծանրութեան հետ: Եւ Յիսուս չուզեց աւելի բանալ այս վարագոյրը՝ որուն ետեւ կը ծածկուէին այնքա՛ն նուաստացում և այնքա՛ն չարչարանք: «Անոնք ամէնքն ալ զիս մինակ պիտի թողուն», մրմնջեց Յիսուս: Սակայն ուրիշ խօսքեր աւելցնելէ առաջ, Շուշան խօսիլ սկսաւ յանկարծական խանդով մը:

— Ո՛հ, ըսաւ ան, մտիկ մի՛ ըներ այդ աղօթքին:

Ատիկա վատ բան մըն է: Պէտք չէ՛ որ քեզի հաւատարիմ եղողները՝ ինքզինքնին ծածկեն քեզմէ: Ամէն բան մութ է հիմա. ես պիտի հասկնամ երբ դուն ուզես որ հասկնամ: Բայց եթէ քու գործդ քեզի հետ չպիտի մեռնի, ես իմ անձս կուտամ քու գործիդ ծառայութեան համար: Ես հոն պիտի ըլլամ, կարելի եղածին չափ մօտ, որքան ատեն որ քիչ մը ուժ ունենամ: Եւ եթէ դուն զիս չտեսնես այլ եւս, պատճառը այն պիտի ըլլայ որ ձախողած եմ հակառակ կամքիս: Իսկ եթէ պէտք է որ դուն մեռնիս, — և այս բառը հեկեկանքի նման օղբ կը թնդացնէր — դուն նուազ տխրութեամբ պիտի մեռնիս՝ խորհելով որ հոս կը թողուս բարեկամներ՝ որոնք պտորաստ են ժառանգելու քու աշխատութիւնդ, քու չարչարանքդ և եթէ պէտք ըլլայ մահդ: Եւ յետոյ... դուն պիտի յաղթանակես, դուն պիտի տիրապետես: Որքա՛ն խորհրդաւոր են այս ամէնը. սակայն ես իմ հոգիս կը նուերեմ քեզի, այս մթութիւններուն մէջէն՝ որոնք սրբազան են ինձի համար. որովհետեւ դուն կ'ուզես որ ասոնք մութ մնան, ի՛մ օգտիս համար:

Յիսուս, վսեմ շարժումով մը, տարածեց իր ձեռքերը և դրաւ զանոնք դեռատի առջկան գլխուն վըրայ, կարծես հոն ժողվել ուղեւորվ երկրի եւ երկինքի բոլոր օրհնութիւնները և ըսաւ.

«Ես ալ երբոր երկրէս բարձրանամ, քեզ ինձի պիտի քաշեմ:»

Շուշան ոտքի ելաւ կերպարանափոխուած, որովհետեւ իր անձը ամբողջովին նուիրած էր եւ Յիսուս ընդունած էր այս նուէրը: Իրեն այնպէս կը թուէր թէ իր չուրջը ամէն բան կերպարանափոխուած էր, ամէն բան նոր էր եւ սուրբ: Բան մը ընդունած չէր, սակայն կը զգար թէ բարձրացած եւ երջա-

նիկ էր, որովհետեւ ինք իր բոլոր ունեցածը տը-
ւած էր:

Ճանկապատի մը նման բարձրացած կիսաբաց շու-
շանները, մեղկ բուրում մը կը տարածէին մաքուր օ-
դին մէջ . . . :

Ժ Բ

Սիրող սիրտերը յոյսի մշտնջենական աղբիւրներ
ունին իրենց մէջ: Յիսուսի և Շուշանի խօսակցութիւ-
նը՝ տարակոյս չէր թողուր այլ եւս Վարդապետին ա-
ռաքելութեան ելքին մասին: Դեռատի աղջիկը գիտէր
թէ ան «պիտի խմէր այն բաժակը, զոր իր Հայրը կու-
տար,» ինչպէս Յիսուս ըսած էր իրեն: Սակայն ի՞նչ
էր այս բաժակը և մինչեւ ո՞ր աստիճան դառն էր ան:
Ասոր վրայ կ'աւելնային խորհրդաւոր գուշակութիւն-
ները. «Թէ յարութիւն պիտի առնէր ան, թէ՛ պիտի
դար զիրենք ալ առնելու, թէ՛ ո՛չ մէկ բան պիտի
կրնար խլել իրենցմէ այս մեծ ուրախութիւնը:» Ան կը
խօսէր մահուան վրայ և մանաւանդ կը խօսէր կեան-
քի վրայ . . . :

Մինչ Շուշան կը յառաջանար Բեթանիայէն Երու-
սաղէմ երկարող ճամբէն, վերջին մութ ստուերները
տակաւ կը կորսուէին արշալոյսին ցոլքերուն մէջ:
Որքան որ ինք անկեղծ էր ինքզինքը Վարդապետին
գործին նուիրելու փափաքին մէջ, սակայն և այնպէս
ան չէր տեսներ աստուածային խորհուրդը: Եւ ինչ-
պէ՞ս կարելի էր որ տեսնէր: Քսան դարեր վերջը
միայն, մենք կրնանք դատել այս մեծ գործը: Զայն
պաշտենք կամ անտարբեր ըլլանք անոր հանդէպ, վեր-
ջապէս չենք կրնար ուրանալ դայն: Ինչ որ մենք հի-
մա կը տեսնենք ամբողջութիւնով՝ Յիսուսի ժամանա-
կակիցներուն համար, ասոնք տեղի ունեցած են մաս

առ մաս և օրէ օր: Առաքեալները՝ որոնք շարունակական վկաներն էին Վարդապետին կեանքին, չհասկըցան արդարեւ, մինչև որ «Հոգին Սուրբ անոնց սուրվեցուց ամէն բաները:»

Գամաղիէլ շատ ուշադրութիւնով մտիկ ըրաւ Շուշանի պատմութիւնը: Այս տխուր դուշակութիւնները և սիրով մահուան յօժարիլը, այնքան երիտասարդ էակի մը համար, շատ տարօրինակ կը թուէին իրեն: Եւ այս բոլորը վերադրեց վաղանցիկ խանդավառութեան մը: Նաև այն իրողութեան թէ՛ մեծ հոգիները, որոշ պահերու մէջ, անդիմադրելի ձգտում մը կը զգան իրենց անձերը ամբողջովին զոհելու:

— Տարակոյս չկայ թէ, ան ինքզինը այժմէն երանութեան մէջ թաղուած կը տեսնէ, ըսաւ Գամաղիէլ Շուշանի: Հրեշտակային էակները պէտք չէ ծերանան: Ամբիծ երիտասարդութեան զոհաբերութեան մէջ՝ այնպիսի բանաստեղծութիւն մը կայ, որուն ոչինչ կրնայ հաւաստարիլ: Անոնք որ գեղեցկութեան դիտութիւնը ունին, անոնք կը զգան ասիկա: Մարդկութեան օրէնքն է այս. դիւցազնական մահ մը մեզ կը սրբագործէ: Երանի՛ անոնց՝ որոնց վրայ կը յարձակի մահը՝ իրենց ծաղիկ հասակին մէջ: Բայց այս բարձրացումը պիտի անցնի Յիսուսի համար, իր գործած հրաշքին մեծ աղմուկին հետ: Ի՞նչ պիտի շահի ան կանխահաս մահով մը: Եթէ ան կ'ուզէ որ իր ստեղծած շարժումը աւելի երկարատեւ ըլլայ, պէտք է որ աւելի տեւական մղում մը տայ անոր: Դուն կը տեսնես որ միշտ և հակառակ մեր կամքին, ան մեզի համար առեղծուած մը կը մնայ: Մարգարէ մըն է անշուշտ: Մեսիա՞, ո՞վ գիտէ: Ինչո՞ւ դուն իրեն չհարցուցիր թէ ինք ի՞նչ կ'ըսէ իրեն համար:

— Կարելի՞ է հարցնել անոր, «Ո՞վ ես դուն.»

անոր, որ ինքզինքը կը կոչէ ճամբան, ճամբարութիւնը և կեանքը: Ան ինծի բացատրեց թէ շատ մը բաներ՝ հիմա չէի կրնար հասկնալ ես: Ան շուտով փառաւոր աստուածային յայտնութիւն մը պիտի ընէ մեզի: Ան ինծի խոստացաւ որ ես պիտի տեսնեմ այս ամէնը, քիչ մը աւելի ուշ և որ ան զիս իր լոյսին մէջ պիտի քաշէ, երբ այս երկրէն բարձրանայ...: Երբ այս երկրէն բարձրանայ...: Դուն կը հասկնաս այս բառերը, եղբայր: Իր իշխանութեանը օրուան համար ըսել կ'ուզէ անշուշտ: Պէտք է որ ան մտնի, ինչպէս մենք ամէնքս: Սակայն ի՞նչ հրաշքներ տեղի պիտի ունենան իր մահուան ատեն և անկէ վերջ: Չարմանալի բաներ պիտի տեսնենք մենք: Ան մեզի պիտի վերադարձուի ալ աւելի բարձրացած և աւելի երջանիկ: Մենք անոր պիտի ծառայենք, այնպէս չէ՞, Գամաղիէլ: Դուն ալ պէտք է այս գործին նուիրուիս ինծի նման, ըլլայ ան փառաւոր կամ անշուք:

— Մանաւանդ որ ան պիտի օգտուի քու խորհուրդներէդ, ընդմիջեց Յովսէփ Արիմատացին՝ որ ներս կը մտնէր զուարթութիւնով: Խաղաղութիւն ըլլայ այս տանս, վարդապետ: Ղազարոս զիս քեզի զըրկեց իմացնելու համար որ Յիսուս Բեթանիայէն հեռացած և անապատէն անդին գտնուող անձանօթ քաղաք մը քաշուած է: Քահանաները իրենց կատաղութենէն կը փրփրին: Որսը ձեռքերնուն պրծած է եւ ասիկա քեզի կը պարտինք:

— Ազատեցա՛ւ, գոչեց Գամաղիէլ սփոփանքի հառաչանքով մը:

— Չէի կարծեր որ յաջողած եմ, մրմնջեց Շուշան շառագունած: Ան ինծի չըսաւ թէ պիտի մեկնէր: Թերեւս ես ամէն բան սխալ հասկցայ: Այնքան մտահոգուած էի որ իր խօսքերէն շատերը չլսեցի:

Գամաղիէլ ազնիւ հպարտութիւնով մը ժպտեցաւ ձ ւսաւ .

— Խոհեմութիւնը իմաստուններուն հետ սեղան կը նստի եւ ծերերուն յարգանք տուող մարդը ինքզինքը կը զօրացնէ: Այս երիտասարդ մարդարէն վախնալու պատճառ մը չունի, որքան ատեն որ Գամաղիէլի խրատներուն կը հետեւի: Երթա՛նք առաջին բաժակը առաջարկենք ի պատիւ իրեն: Հոգիս թեթեւցած կը զգամ: Այնքա՛ն կ'ուզէի զինքը ազատել: Կ'ուզէի իրեն համար, ձեզի համար և նաեւ ինծի համար: Կեանքի մէջ շատ վսեմ խորհուրդներ կան, որոնք պարտականութեան չափ ստիպողական են և յետոյ . . . :

Քանի մը վայրկեան կեցաւ և, իր դէմքը ազնիւ ուրախութիւնով մը ճառագայթելով, ըսաւ .

— Շուշա՛ն, երբ ես վերջին քունովս հանգչիմ, կ'ուզէի որ կարող ըլլաս ըսելու, «Գամաղիէլ ազատեց Յիսուս Նազովրեցին . . . » :

Եւ երբ զինին հալած ոսկիի նման լեցուեցաւ փայլուն գաւաթներուն մէջ, մեծ վարդապետը օրհնութեան սովորական բանաձեւէն վերջ՝ իր աչքերը վեր բարձրացուց և ըսաւ . «Տէ՛ր, Օրհնեալ ըլլաս դուն՝ որ քու լոյսդ մեր վրայ կը փայլեցնես, դո՛ւն՝ որ կ'օգնես մեզի խաւարին բաները որոշելու և կը սորվեցընես հեռու մնալ անոնցմէ: Օրհնեա՛լ ըլլաս դո՛ւն, որ անմեղ մը ազատելու գաղափարը ներշնչեցիր ինծի, դո՛ւն որ յօժարեցուցիր զիս սիրել զայն՝ որ անգիտակցաբար հեռացուց ինձմէ իմ սրտիս հպարտութիւնը, սիրելու համար զայն իմ անձիս պէս . . . » : Եւ աւելցուց մտախոհ . «Իմ անձէս ա՛լ աւելի:»

.

Շուշան այս ուրախութեան և այս զարմացումին մէջ մնաց բաւական օրեր: Շատ առանձնացած կ'ապ-

րէր և այդ պատճառաւ այլ եւս չէր լսեր Յիսուսի մասին խօսուածքները: Ատելութեան և դաւադրութեան խնդիր չկար այլ եւս: Դեռատի աղջիկը երկար ժամեր կուտար Սուրբ Գիրքը ուսումնասիրելու համար, մանաւանդ մարգարէութիւնները և Սաղմոսները մեծ խրնամքով կը քննէր:

Գամաղիէլ կը ժպտէր այս ուսումնասիրութեան եռանդը տեսնելով, որուն պատճառը կը գուշակէր: Դժուարին հատուածներու մէջ կ'օգնէր անոր: Երբայական հին բնագիրը՝ որուն միայն գիտունները կըրնային դիւրաւ թափանցել, Շուշանի համար ո եւ է զաղտնիք չունէր այլ եւս, շնորհիւ իր եղբօրը օգնութեան: Զբաղած այս ուսումնասիրութիւններով, Տաճարով՝ և ժողովարանով Շուշանի համար օրերը և չաբաթները կը սահէին արագ և բազդաժառար հանդարտութեան մէջ . սակայն իրականութեան մէջ, ան միայն յոյսով կ'ապրէր:

Վերջին դէպքերէն քիչ վերջ, առաւօտ մը, երբ Շուշան ալիսիս մէջ նստած էր, Եսայիի թանկագին մագաղաթը ձեռքը՝ արտակարգ շարժում մը իր ուշադրութիւնը գրաւեց: Արեւելեան այս տուներու տանիքները, դեռնէն հազիւ քանի մը թիզ բարձր էին: Այնպէս որ Շուշան կրնար տեսնել փողոցի իրարանցումը իր բոլոր մանրամասնութիւններով: Զատիկը մօտ ըլլալուն պատճառով, հազարաւոր օտարականներ սովորականին պէս կը խուժէին Սուրբ Քաղաքը: Բայց Ապրիլի այս առաւօտուն երթեւեկը չէր նմաներ երբեք ուրիշ օրերու երթեւեկին: Տարօրինակ գերագրգռութիւն մը կը տիրէր . խուճապով կը վազվզէին և կոկորդային պողոտաներ կ'արձակէին . Շուշան կը խորհէր . «Մարդ ինքզինքը Գալիլիայի մէջ կը կարծէ:»

Արդարեւ գրեթէ բոլոր ժողովուրդը՝ որ կը վազէր

փողոցին մէջ, օտարականներ ըլլալ կը թուէին: Անոնք ամէնքն ալ կը խօսէին գաւառի լեզուն՝ որ անաներդաշնակ և անտաշ էր: Ինչպէս ըսուեցաւ, Գամաղլէլի տունը կը գտնուէր Հերովդէսի պալատին ստորոտը. գրեթէ կից արքայական այն հոյակապ կամուրջին որ Սիօնը կը կապէր Մօրիայի արուարձաններուն և մինչև Ձիթենեաց լեռան առաջին կանանչազարդ զառիթափներուն՝ որոնք շրջակայ չորութեան մէջ գեղեցիկ զանազանութիւն մը կը կազմէին:

Շուշան զարմանքով կը դիտէր որ գրեթէ բոլոր ժողովուրդը կանանչ ձիւղեր կը կտրէր՝ ինչպէս կ'ընէին Տաղաւարահարաց տօնին և դէպի բլուրին բարձունքը կ'ուզողէր: Խօլ եռանդ մը կը տիրէր, երգերու և աղաղակներու խառնակութիւն մը, ատնական խուճապ մը...: Շուշան ալիսյե՛ն դուրս ելլելով եկաւ պատշգամին եզերքը: Սակայն անմիջապէս ինքզինքը ծածկեց վանդակապատին ետեւը, տեսնելով Նրուսաղէմացիներ և խումբ մը Փարիսեցիներ՝ որոնք կուգային սաստեղով ժողովուրդը եւ անէձքի լուտանքներ արձակելով այս տգէտներուն և անիծեալներուն հասցէին:

Վերը, Ձիթենեաց լեռան բարձունքին վրայ կը նշմարուէր փոշիի ամպ մը՝ որ ուրիշ բազմութեան մը գալուստը կ'իմացնէր, Բեթանիայէն և Բեթփաղէէն: Երկու խումբերը իրար միացան և զուարթ թափօրը կ'իջնէր դէպի քաղաք, արմաւենիի ոստեր շարժելով ու ցնծութեան աղաղակներով օդը թնդացնելով, հրակայ ալիքներու նման՝ որոնք կը բարձրանան ու յետոյ կը փչրուին: Հիմա ամէն բան աւելի որոշ կ'երեւէր: Անդուգական էր այս. «Ովսաննա, որդի՛ Դաւթի, Օրհնեալ է ան որ Տէրոջը անունովը կուգայ:» Եւ երգին իւրաքանչիւր պարբերութենէն վերջ կը

կենային, եւ կը կրկնէին, Ալէլուիա, Փա՛ռք քեզ, ո՛վ Նոյվա:

Շուշանի սիրտը պայթելու աստիճան կը բարախէր: Այս թագաւորը՝ որուն համար այս փառաւոր մուտքը պատրաստուած էր, ուրիշ մէկը չէր կրնար ըլլալ, բայց միայն Յիսուս Նազովրեցին: Սակայն ինչպէ՞ս տեղի կ'ունենար այս բանը: Ուրեմն ան կը վերադառնա՞ր: Այո՛, ան կը վերադառնա՞ր յաղթականի մը նման: Այս էր ուրեմն, որուն մասին դեռ ըսել չէր ուզած իրեն: Ան կը յաղթանակէ՞ր: Ան կը տիրապետէ՞ր: Այս յաղթանակին շունչին տակ, Շուշանի մէջ արթնցաւ իր ժառանգական ամբողջ հպարտութիւնը: Ինքն ալ, ինքը եւս կը ծափահարէր այս օրհնեալ թագաւորը՝ որմէ կը պակսէր միայն մարդկային փառքի այս լուսապսակը. Շուշան շատ աղէկ կը զգար հիմա ասիկա:

Ան սուրբ, ողորմած և քաղցր էր և նաև վերջապէս երազուած յաղթականը: Նրուսաղէմ ծափահարութիւններով կը դիմաւորէր իրեն արժանի թագաւորը, իր Մեսիան և իր Գրիստոսը: Շուշան առանց վերապահումի բարձրաձայն կ'ըսէր. «Ահա քու թագաւորդ քեզի կուգայ քաղցրութիւնով լեցուն: Այդ օրերուն՝ երկիրը պիտի ցնծայ և կղզիները ծափ պիտի զարնեն: Ժողովուրդներ անոր առջև ծովու աւազի նման պիտի ըլլան:» Եւ մանուկներու ձայները՝ ովսանայի թեւերով, դէպի լուսաւոր երկինքը կը բարձրացնէին իր յաղթական երազը:

«Օրհնեալ ըլլայ ան՝ որ Տէրոջը անունովը կուգայ:»

Ա՛ն էր, ահա՛ կը մօտենար: Միայն հարիւր քայլի չափ հեռու իրմէ, այնքան հեզ ու խոնարհ, նոտած աւանակի մը վրայ — երկրին սովորութեանը համե-

մատ — իր կեցուածքին մէջ չունենալով երբեք թափառորի մը հպարտութիւնը: Եւ միշտ նոյն անչափելի նայուածքը՝ որ կարծես մարդկային խորհուրդներու մակերեսէն անդին կը թափանցէր և ցնծութեան վարդոյրին ետեւ տագնապի անդունդներ կը նշմարէր:

Շուշան այնքան խելայեղ ուրախութեան մէջ էր որ չէր կրնար զգալ Յիսուսի տխրութիւնը: Ինք իր երազը կ'ապրէր: Բայց յանկարծ ամօթի զգացում մը ունեցաւ, իբրեւ պարզ հանդիսատես մը ըլլալուն համար, առանց զարդարելու անոր յաղթանակը:

Աւա՛ղ, ժամանակ չկար այլ եւս, ձիթենիի եւ դափնիի դիւղեր կտրելու բլուրին զատիթափէն: Վարդապետը կը մօտենար: Շա՛տ ուշ էր հիմա: Իրենց մօտը կամ չըջակաները պարտէզ ալ չկար. վարդերու հոշակաւոր պարտէզէն դատ՝ խոտակրօն չրէյաները ուրիշ պարտէզներ չունէին Երուսաղէմի մէջ: Սակայն Շուշան վար իջաւ դրանը առջեւ, հոգ չէ թէ առանց պատրաստութեան, որպէսզի Յիսուս զինքը տեսնէ:

ձերմակ մարմարիոնով սալայատակուած փողոցը, լեցուած էր զուարթ բազմութիւնով մը, սրպղուն պատմութեաններով, ծանր գծաւոր փաթթոցներով, ձեռքերնին լեցուն ծաղիկներով եւ արմաւենիներով: Արեւելեան դիւթիչ տեսարան մըն էր այս, չքնազ եւ նկարագեղ: Ամբոխը շատ դանդաղօրէն յառաջ կ'երթար, փողոցներուն խճողուած ըլլալուն պատճառաւ: Շուշան անմիջապէս, ուրախութիւնով նշմարեց իր Բեթանիացի բարեկամները: Եւ անոնք սիրալիր նշաններ փոխանակեցին զիրար կանչելու համար: Անոնց մէջ կար կին մը, խիստ գեղեցիկ, որ անբացատրելի սիրոյ արտայայտութիւնով մը, յաճախ կը նայէր ան կողմը՝ ուրկէ Յիսուս պիտի դար:

Ան թագուհիի մը պէս վեհաշուք էր եւ մանուկի

մը պէս պարզ: Իր վճիտ աչքերը այնպիսի երկնային խանդաղատանքով մը կը ճառագայթէին՝ որ Շուշան չէր կրնար իր նայուածքը հեռացնել այս հրեշտակային դէմքէն: Շուշան ցած ծայնով մը հարցուց Մարթայի.

— Ո՞վ է այս կինը:

Մարթա պատասխանեց.

— Յիսուսի մայրն է:

Շուշան յանկարծական բնազդումով մը, յառաջ նետուեցաւ կիներու ամէնէն անմեղին և ամէնէն քաղցրին քով: Ան ծոցեցաւ երկչոտ ու շնորհալի շարժումով մը, և ժամանակին սովորութեան համեմատ, բարեւեց զայն համբոյրով մը: Եւ յետոյ սիրուն ու խոնարհ շարժումով մը, իր պարագ ձեռքերը ցուցնելով ըսաւ.

— Մայր, ես բան մը չբերի մեր թագաւորին յաղթանակին համար: Սարոնի բոլոր վարդերը՝ էն կատտիի բոլոր արմաւենիները՝ իր ոտքերուն տակ պիտի ուղէի նետել. բայց իմ յուզումս այնքան սաստիկ եղաւ, որ բոլոր ուրիշ խորհուրդներս ցրուեցան: Հո՛ն է Ան... և ես բան մը չունիմ:

Եւ այն կինը՝ որ Կանայի հարսնիքին մէջ, առաջին հրաշքը դործել տուած էր Յիսուսի, անմեղ ուրախութիւննին աւելցնելու համար, ուղեց ամօքել Շուշանի անկեղծ վիշտը և քաղցր ժպիտով մը ըսաւ.

— Ա՛ն ուրիշ բան մը չպահանջէր բայց միայն մեր սրտերը:

գաթնակէտը հասած՝ անոր մօտենալով, հարցուցին չարամտօրէն.

«Ըսէ՛ մեզի, ի՞նչ իշխանութիւնով կ'ընես սա բաները:

Գամաղիէլ կը տեսնէր թէ ամպերը կը կուտակուէին այս երիտասարդին գլխուն վրայ՝ որ կարծես շանթը կ'արհամարհէր: Յոյս մը միայն կը մնար ազնիւ Հրէային համար: Քահանաները ամբաստանելով, ընապանաբար Յիսուս ժողովրդականութիւն կը շահէր Փարիսեցիներուն և օրէնքի վարդապետներուն մօտ, քանի որ այս մրցակից ուժերուն միջև սոսկալի ատելութիւն մը կար: Գամաղիէլ առանց ինքզինքին մեծ պատրանք մը տալու, հաշտութեան մը կարելիութիւնը կը յուսար Յիսուսի և Հասիտիմներու միջև: Սակայն այս յոյսն ալ պարսպ ելաւ: Անյազ վաճառականներու վռնմակը, այծերու երամակի մը պէս, խարազանով գուրս վռնտելէն հաղիւ քանի մը օր անցած, Յիսուս միեւնոյն վսեմ բարկութեամբ շողացող աչքերով, միևնոյն փայլակնացայտ լոյսով ճառագայթող ճակատով, շանթահարիչ անէծքներ արձակեց Փարիսեցիներուն և գպիրներուն ուղղուած, բոլոր ժողովուրդին ներկայութեանը:

— Յաղթանակին բարձրացումն է որ զինքը կը մուրեցնէ, կ'ըսէր Գամաղիէլ: Ան կը մոռնայ ամէն զգուշաւորութիւն: Իր խօսքը աւելի կիզիչ է քան կրակէ գաւազան մը: Անտարակոյս ան կը խորհի թէ ժողովուրդին ծայրայեղ եռանդը զինքը պիտի պաշտպանէ վրէժխնդրութեան դէմ — մահուան դէմ: Իր ըսածը ճիշդ է. «Ես այս ժամուն համար եկած եմ:» Բայց եթէ տեսնէր թէ որչա՛փ մօտ է այս ժամը, որքա՛ն նախատալից, արիւնոտ և անխուսափելի, չեմ կարծեր որ միեւնոյն ստոյիկեան անտարբերութիւնը ունենար:

ԺԳ

Այս ուրախութիւնները խուսափուկ ուրախութիւններ եղան: Գամաղիէլ հպարտ դժգոհութիւնով մը իմացաւ Յիսուսի վերադարձը. «Ան չհաւատար մեզի, և կամ մեռնիլ կ'ուզէ» կ'ըսէր: Ամբոխին ովսանանները և ծափահարութիւնները կ'ընդմիջէին նոյն իսկ մեծ վարդապետը, որ իր սովորութեանը համեմատ, իր աշակերտներուն հետ կը ճեմէր տաճարին կամարներուն տակ. այս անկեղծ սակայն՝ շուտ մարող եռանդը բնավտահութիւն չէր ներշնչէր իրեն: Ան կը ճանչնար այս ժողովուրդին արտառոց նկարագիրը և յանկարծական փոփոխամտութիւնը: Մանաւանդ գաւառներէն եկող այս ժողովուրդին նկարագիրը՝ որոնցմով կը կազմուէր Յիսուսի ընկերացող ամբոխը: Ան կը տեսնէր թէ ինչպէ՛ս քահանաները անզօր կատաղութիւնով մը կը փրփրէին և Յիսուսի դիմելով կ'ըսէին.

— Հրաման ըրէ՛ որ լռեն ատոնք:

Աւա՛ղ, յաջորդ քանի մը օրերուն մէջ, Հրէայ վարդապետին անձկութիւնը կրկնապատկուեցաւ: Երկրորդ անգամ ըլլալով Յիսուս Տաճարէն վռնտած էր առուտուր ընողները. երկրորդ անգամ ըլլալով, ստակ փոխողներուն ոսկիի և արծաթի սեղանները տապալած էր մարմարէ գաւիթին մէջ, սա շանթահարիչ և սաստող բառերով. «Ի՞նչ չ'իմ Հօրս տունը աւազակներու այր ըրիք:» Եւ քահանաները իրենց բարկութեան գա-

Ան կը խաբէ ինքզինքը: Ան կը կարծէ թէ Աստուծոյ մը ամենակարողութիւնը ունի:

Գամաղիէլ կ'երթեւեկէր խնճոյքի սրահին մէջ, մրմնջելով այս բառերը՝ ընդհատուած երկարատև լուսթիւններով: Չատկի իրիկունն էր այս: Անհետացող արեւուն վերջին ճառագայթները՝ իրենց կարմրորակ ցուքերը կը նետէին թանձր ապակիներուն վրայ: Շուշան մտիկ կ'ընէր անձկանօք: Ոսկեծաղիկներով ասեղնագործուած նուրբ հագուստ մը հագած էր. իր քօղք վեր բռնուած էր մարգարիտներու երեք շարքերով: Տօներու տօնն էր այս: Ան կը հսկէր վերջին կարգադրութիւններուն վրայ, իր բնութեանը համեմատ կատարեալ ընելով ամէն բան:

Արդէն սեղանին վրայ կարգով շարուած էին, ափիօնոնը՝ տեսակ մը անխմոր հաց, լեզի խոտերը, խոփոսերը՝ քացախի մէջ թաթխուած պտուղներու խառնուրդ մը, խակիկան՝ խորանին մատուցուելիք գառնուկը կամ ուլը: Աղքատ զբաղիները և քանի մը բարեկամներ հրաւիրուած էին՝ որոնց մէջ էին Յովսէփ Արիմաթացին և Նիկողեմոսը. ամէնը տասը հրաւիրեալներ էին օրինական պատուէրներուն համեմատ: Հակառակ այն սովորութեան որ Հրէաներու տան մէջ կիները առանձին կը ճաշէին, Գամաղիէլ միշտ այնպէս կարգադրած էր որ իր տան մէջ կիները միասին կը ճաշէին: Միայն Հասիտիմներու եւ վարդապետներու խնճոյքներու ատեն իր քոյրը կը զատուէր իրմէ: Չատկի այս իրիկունը, դեռատի աղջիկը իր հիւրերը պատուելու համար, ցած սեղանները պատած էր կարմիր հարսնուկներու պսակներով. ծիրանեղօյն այս գեղեցիկ ծաղիկները՝ կարծես կ'արիւնէին վերջալոյսի ազօտ լոյսին մէջ. մինչ Շուշան, անուշահոտ ծաղկեփունջը թեւերուն մէջ, իր պարզ եւ մաքուր գեղեց-

կութիւնովը, կ'անցնէր հանդարտ քայլերով . . . :

Գանի մը վայրկեան վերջ, Գամաղիէլ շարունակեց.

— Եւ սակայն Յիսուս Նազովրեցին գերիվեր էակ մըն է: Ի՛նչ ճարտասանութիւն: Ի՛նչ զարմանալի բան մըն է քաջութիւնը: Եթէ դուն լսած ըլլայիր այն ազդու ընդդիմախօսութիւնները. կարծես թէ բառերը բնական կերպով կուգային իր չրթունքներուն վրայ. «Դուք տասանորդը կը վճարէք անանուխին, անխոնին և չամանին, բայց կ'անտեսէք բարութիւնը, արդարութիւնը և իրաւունքը:» Կը տեսնե՞ս հեգնութիւնը, այս անհունապէս փոքր բաներուն, բաղդատմամբ յաւիտենական բաներու: Եւ նաեւ սա խօսքերը. «Վա՛յ ձեզի, որ մարգարէներու համար գերեզմաններ կը չինէք, այն մարգարէներուն՝ որոնք սպաննուեցան ձեր հայրերուն ձեռքով և որ կ'ըսէք. եթէ մենք անոնց օրերուն մէջ ապրէինք, անոնց մեղսակից չլիտի ըլլայինք: Օձե՛րու և իժե՛րու ծնունդներ: Ուրեմն դուք ալ ձեր հայրերուն սկսած գործը կատարեալ ըրէք. . . :» Կը տեսնե՞ս ինչպէ՛ս կ'արհամարհէ մահը. . . : Այս բոլոր խօսքերը ուղղուած են այն հոգակաւոր դասակարգին՝ որուն ես ալ կը պատկանիմ: Եւ այս խօսքերուն կատարեալ ձշմարտութիւն մը ըլլալուն հակառակ՝ ես պարտք զգացի, ես ուզե՛ցի, Յիսուսի հանդէպ բարկութեան զգացումներ ունենալ: Սակայն և այնպէս ես հիացումով համակուեցայ այս աշխոյժ և եռանդուն հոգիին հանդէպ՝ որ վատութիւն և երկդիմութիւն չճանչնար և որ մարդուն իրական խղճմտանքին պահանջները կը դնէ այս ամօթալի կեղծաւորութիւններուն առջեւ: Ա՛ն դեռ բաւական ապրած չէ գիտուններու համբերութիւնը ունենալու համար, որ շատ անգամ յառաջ կուգայ տաղտուկէ և արհամարհանքէ: Շատ երիտասարդ է ան, այնպէս չէ՞. . . : Ըշմարտապէս, երբ

առանձին կը մնամ ինքզինքիս հետ, կ'ըսեմ. Ան չամ մե՛ծ է: Բոլոր հոգիովս պիտի ըսէի իրեն. «Յարատեւ է՛, Վարդապե՛տ, որովհետեւ գուն մեր հրէական պատմութեան ամէնէն գեղեցիկ էջը կը գրես: Երբեք մէկը քեզի պէս խօսած չէ՛: Եսայիի հրեշտակը պէտք է դպած ըլլայ քու շրթունքներուդ իր հրավառ կայծովը:» Եւ յետոյ, հակառակ իմ կամքիս պիտի ուզէի պոռալ անոր. «Լռէ՛, զաւակս, անոնք քեզ պիտի ըսպանեն»:

Շուշան հեւ ի հեւ մտիկ կ'ընէր մեծ վարդապետին որ գեղեցկութեան պաշտումը յառաջ կը տանէր, ան յուզումով մտիկ կ'ընէր առաւօտէն ի վեր, ներքին ձայնի մը, մութ նախազգացումի մը՝ որ մահերգի մը պէս ախուր էր:

Նոյն վայրկեանին հասաւ Յովսէփ Արիմաթացին.

— Խաղաղութիւն ըլլայ քեզի, վարդապե՛տ, գէթ այս իրիկուն անհոգ եղիր, ըսաւ ան: Յիսուս իր աշակերտներուն հետ մեր տունը կը գտնուի ապահով: Չատիկը հոն պիտի ընէ: Այս կէս օրէ վերջ, ան ինձի զրկեց Յակոբոսը և Յովհաննէսը խնդրելու համար որ իրենց տրամադրութեան տակ դնեմ Քարայիսնան, հասարակած սրահը, դուն գիտես իր համեստութիւնը եւ պարզասիրութիւնը: Սակայն ես զարդարել տուի ալիյան՝ կարելի եղածին չափ փառաւոր կերպով, — չէ՞ր արժեք որ ասիկա ընէի իրեն համար — և ես զինքը հրաւիրեցի հոն: Շուշան, այն վարդերու փունջը՝ զոր դուն զրկած էիր մօրս, զինի սափորներուն և բաժակներուն մէջտեղ զետեղեցինք: Հանգիստ ըլլանք ուրեմն, ամէն բան կանոնաւոր է:

Շուշան աւելի ազատ շունչ մը առաւ, և գնաց դիմաւորելու աղքատ դրացիները՝ որոնք փառաւոր սրահէն ներս կը մտնէին երկչոտութեամբ. սիրալիր բա-

սերով հիրաւիրեց զանոնք նստելու պատուոյ տեղերը: Գամաղիէլ ողջագուրեց զանոնք. այդ իրիկունը ան մասնաւոր հիւրամեծարութիւնով մը կը կատարէր այս հնաւանդ արարողութիւնները: Շատ մեղմ կերպով կը մրմնջէր Յիսուսի սա խօսքերը, զորս պատահաբար լրսած էր. «Իսկ երբ ողորմութիւն կ'ընէք, մաքուր սըրտով ըրէք ամէն բան»: Գամաղիէլ իրապէս իր ընտանեկան բոյնին քահանան էր, ինչպէս նաեւ անոր պահապանը: Չատիկի այս օրուան մէջ, խաղաղ վեհութիւն մը կը թուէր բլխիլ անկէ:

Բաժակներու օրհնութիւնը և ձեռքերու լուացումը իրարու յաջորդած էին: Խարօսեքին մէջ թաթխուած վայրի խոտերը բաժնուած էին արդէն: Սակայն Նիկոգեմոս դեռ չէր եկած: Եւ ահա որոշուած ժամը հասաւ՝ երբ ընտանիքին ամէնէն փոքր անդամը պէտք էր հարցնէր. «Ի՞նչ կը նշանակեն այս ծէսերը?»

Շուշան իր վճիռ ձայնովը այս հարցումը ըրաւ: Գամաղիէլ իւրաքանչիւր կերակուր հրաւիրեալներուն առջև վեր բարձրացնելով, սովորական եղած բացատրութիւնները կուտար: Ան ցոյց տուաւ խոտերը՝ դառն, ինչպէս ստրկութիւնը. ափիօմեկը՝ գերութեան տառապանքի հացը. կարմիր գոյնով խարօսեքը՝ իբրեւ յիշատակ այն շողախին՝ որով Իսրայէլացիները շինած էին Ռամսէս և Փիթոմ քաղաքները, իրենց գերութեան երկար շրջանին: Եւ վերջապէ՛ս, երբ վարդապետը իր ձեռքերուն մէջ առաւ զատկական գառնուկը, որ նոնենիի խաչածեւ ճիւղերու վրայ դրուած էր — մորթուած գառնուկը, երկինքի բարկութիւնը մեղմացընելու համար — Գամաղիէլ խիստ լուրջ երեւոյթ մը առաւ: Եւ քառութեան այս գերագոյն օրէնքին վրայ բացատրութիւններ տուաւ թէ՛ ինչպէս արդարին միջոցաւ մեղաւորները կը փրկուին: Բացատրեց նաև թէ

այս գառնուկը մարգարէական նախատիպարն էր: Մէջ-
բերումներ ըրաւ Եսայիէն եւ յիշեց սա նշանակալից
խօսքերը՝ զորս մարգարէն կ'ըսէ Մեսիային բերնով.
«Գառնուկի մը պէս մորթուեցայ և իմ բերանս չբացի:»

Նկարուն և ազակեզարդ նեղ պատուհաններուն
կարմիր շողերը կ'անհետանային արիւնագոյն ցոլացում-
ներու մէջ: Գամաղիէլ կանգ առաւ, աչքերը կիսափակ,
և խոր լռութեան մը մէջ թաղուեցաւ, որ հիմա շատ
սովորական էր իրեն համար: Յովսէփ Արիմաթացին
ցած ձայնով ըսաւ.

— Մեծ վարդապետը կը խօսայ և կարծես թէ շատ
հեռո՛ւ է մեզմէ:

Շուշան պատասխանեց.

— Սակայն ան մօտ է Աստուծոյ: Ան կ'աղօթէ:
Ընթրիքէն վերջը, որ բաւական երկարած էր, երբ
օրհնութեան վերջին բաժակը իրարու կ'անցնէին, Շու-
շան արտօնութիւն խնդրեց, իրենցմէ բաժնուելու:
Գամաղիէլ և Յովսէփ Արիմաթացին առանձին էին՝ երբ
մուտքի դրան տրուած գաղտագողի հարուած մը ա-
նոնց սրտերը թունդ հանեց: Նիկողեմոս տժգոյն եւ
ընկճուած, վաղելով ներս մտաւ և ինկաւ ցած բազ-
մոցներուն մէկուն վրայ: Երբ կարող եղաւ խօսելու,
խեղդուկ ձայնով մը ըսաւ.

— Յիսուս ձերբակալուած է: Զինուորներու զուն-
դը զայն յանձնեց Աննայի և Կայիափայի ձեռքը: Ամէն
բան լմնցած է:

Մահացու լռութիւն մը կը տիրէր երբ Գամաղիէլ
հարցուց.

— Այս գիշե՞ր իսկ կ'ուզեն դատել զայն:

— Սանհեդրինի անդամներուն մեծ մասը, աճապա-
րանօք ժողովի կանչուած է, յարեց Նիկողեմոս: Ա-
նոնք կ'ըսեն թէ քեզ յարգած ըլլալու համար, չեն ու-
զեր քու հանգիստդ վրդովել:

— Աղէ՛կ, թող այդպէս ըլլայ, ըսաւ Գամաղիէլ
դառնացած: Կեղծաւորնե՛ր, վատե՛ր: Կը կասկածին
ինձմէ. . . : Իրաւունք ունին կասկածելու. . . :

— Իմ տա՞նս մէջ ձերբակալեցին զինքը, գոչեց
Յովսէփ բարկութիւնով: Սակայն իմ տունս անբռնա-
բառելի է և այն ապաստանը՝ զոր ես անոր ընծայեցի,
նուիրական էր:

— Գեղսեմանի մէջ ձերբակալեցին զայն, պա-
տասխանեց Նիկողեմոս, ձեռքերը գալարելով: Անոնք
զիտէին որ Յիսուս հոն կ'առանձնանար աղօթելու հա-
մար: Յուզան է, թշուառակա՛նը, որ զինքը մատնած
է: Ես ուզեցի զայն տեսնել հեռուէն: Ո՛հ, այն տիրա-
չունչ թափորը, ջահերու լոյսին մէջ: Յիսուս այնքա՛ն
տժգոյն էր նախատինքներու տակ: Ալ լմնցաւ, լմնցա՛ւ. . . :

Մահու տագնապ մը կ'երեւէր բարբիներու դէմ-
քին վրայ:

— Աստուած է դատաստան ընողը, ըսաւ վերջա-
պէս Գամաղիէլ թաղձալից ձայնով մը և Աստուած ար-
դար դատաւոր մըն է: Ան երբեք իր Քրիստոսը չարե-
րուն ձեռքը չպիտի մատնէ: Այս երիտասարդին երազը
շատ գեղեցիկ էր. . . : Գացէ՛ք անոր քով, ըսէ՛ք ինձի
եթէ կարելի է տակաւին փորձ մը ընել: Գացէ՛ք անոր
քով, և եթէ նոյն իսկ հազարէն մէկ յոյս մը ըլլայ,
կանչեցէք ինձի:

Յովսէփ Արիմաթացին և Նիկողեմոս անյայտացան
զիչերուան մթութեան մէջ:

Գամաղիէլ դանդաղ քայլերով ուղղուեցաւ Շուշանի
սենեակը: Ան տասը տարիներ աւելի ծերացած կ'երեւ-
ւէր: Վարանոտ կեցաւ անոր յարկաբաժինին մուտքին
առջեւ: Ակնթարթի մը մէջ իր աչքին առջեւ պատկե-
րացաւ Քրիստոսի և դեռատի աղջկան առաջին հանդի-
պումը՝ իրիկուան մը դէմ, լճին եղերքի դարատափին

վրայ. այն ատեն, ինք զգացած էր որ Շուշան իր անհատական կեանքի առաջին թռիչքը կ'առնէր ու կը հեռանար իրմէ: Որչա՛փ տառապած էր ինք այդ միջոցին: Բայց և այնպէս, այսօր աւելի կը տառապէր: Իր աչքին առջեւ կուգային վերջին տարիներու բոլոր տեսարանները: Եւ կը յիշէր թէ ինչպէ՛ս այս երիտասարդ օտարականը կամաց կամաց զինքը իրեն քաշած էր, լոկ իր հոգիին գեղեցկութեան զօրութիւնովը, թէ ինչպէս ինքը՝ ակամայ յափշտակուած էր անկէ եւ կը սիրէր զայն մեծ խանդաղատանքով մը:

Այս սոսկալի լուրը Շուշանի յայտնելու քաջութիւնը կը պակսէր իր քով: Վայրկեան մը մտիկ ըրաւ անոր ընդհատ և անհանդարտ շնչառութիւնը այս տենդագին գիշերուան մէջ: Աւա՛ղ, ի՞նչ վիշտեր կը սպասէին զեռատի աղջկան համար: Այս փոքրիկ և զիւրաքեկ հոգին ապաստանած էր Յիսուսի զօրեղ հոգիին մէջ՝ ինչպէս երկչոտ թռչուն մը կ'ապաստանէր ապառափին ծերպին մէջ: Թերևս ան պիտի խորտակուէր այս հարուածին տակ: Գամաղիէլի աչքերը մթազնեցան: Ան իր ձեռքերը բարձրացուց և յուսահատ պաղատանքով մը աղօթեց.

— «Կ'աղաչե՛մ, Տէ՛ր, գթա՛ ինձի, քու ծառայիդ, և ազատէ՛ Յիսուսը, եթէ կարելի է:»

ԺԴ

Հետեւեալ առաւօտուն կանուխ, երբ Շուշան արթընցաւ, մեծ զարմանքով իմացաւ որ Գամաղիէլ կէս գիշերին մեկնած էր և տակաւին չէր վերադարձած: Անձկութիւն մը պատեց զինքը: Իր կրկնակի հարցումներուն ծառաները պատասխանեցին թէ՛ վարդապետը ստիպողական գործի մը համար կանչուած էր և կը խնդրէր իրմէ որ անհանդիստ չըլլայ ու մինչեւ իր վերադարձը տունէն չհեռանայ: Չարաշուք նախազգացումով մը լեցուած՝ գեռատի աղջիկը ի դո՛ւր փորձեց սպասել իր եղբօրը վերադարձին, սակայն շատ չանցած, անմիջական և անդիմադրելի զօրութեանէ մը զուած, արագօրէն սեւ քօղ մը նետեց գլխուն վրայ և ինքզինքը տունէն դուրս գտաւ:

Ժողովարանները դոց էին տակաւին, առաւօտեան այդ ժամուն: Սակայն Զատիկի պատճառով, Տաճարին մեծ դուռները ամբողջ գիշերը բաց կը մնային: Եւ թէև սովորութիւն էր Տաճարը ելլել, աւելի զո՞ մատուցանելու քան թէ աղօթելու համար, սակայն և այնպէս, Շուշան աճապարանքով Տաճարէն ներս մտաւ, յուսալով քիչ մը խաղաղութիւն գտնել հոն՝ ուր Եհովային ստուերը կը սաւառնէր:

Օրուան առաջին պահն էր: Տխուր երկինք մը միօրինակ ամպերով ծածկուած, մեղամաղձոտ երեւոյթ մը տուած էր քաղաքին՝ որ նոր սկսած էր արթննալ: Քանի մը սակաւաթիւ անցորդներ ալ կ'ելլէին դէպի

Մորիայ: Շուշան անցաւ հեթանոսներու ընդարձակ գաւ-
ւիթէն, նաեւ կիներու գաւիթէն և վանդակապատին
կռթնած՝ ջանաց կարելի եղածին չափ մօտ ըլլալ Սըր-
բութիւն Սրբութեանցին՝ որ հիմա պարապ էր, թէեւ
ուրիշ ատեններ հոն կը գտնուէին Աստուծոյ և Իսրա-
յէլի միջեւ եղած դաշինքին բոլոր նշանները — օրէն-
քին Տախտակները, Տապանակ Ուխտին եւ Ահարոնի
Գաւազանը — դեռատի աղջիկը փորձեց աղօթել: Ան
կ'ուզէր միտքը բերել Շեռնակ, առաւօտեան աղօթքը՝
զոր ինք պէտք էր արտասաներ այս ժամուն. սակայն
միտքը չփոթած էր և բառերը կը հեռանային իրմէ, իր
ճակատը կ'այրէր: Ան հազիւ կրնար երկա՛ր ընդմի-
ջումներով կրկնել. «Տէ՛ր, երեսդ մի դարձնէր ինձմէ,»
և անձկութեամբ իր շուրջը կը նայէր, գտնելու հա-
մար բարեկամ դէմք մը: Ո՛չ մէկը կուգար:

Յանկա՛րձ, այդ միջոցին, տարօրինակ կերպարանք
մը իր ուշադրութիւնը գրաւեց: Շուշան կը յիշէր զայն
տեսած ըլլալ ուրիշ ատեն — սակայն ո՞ւր, ե՞րբ — և
մարդը կը յառաջանար վայրագ դէմքով մը, ցցուած
մազերով և աչքերը սեւեռած: Տաճարին իշխաններուն
ժողովարահէն զուրս կ'ելլէր ան, կցկտուր և անիմաստ
բառեր արտասանելով: Անցաւ Շուշանի մօտէն, առանց
զայն տեսնելու, յիմարի մը պէս կրկնելով սա բառե-
րը. «Մեղանչե՛ցի, մեղանչե՛ցի, իմ մեղքս խիստ մեծ
է:» Եւ մեքենական շարժումով մը, ան՝ բան մը կը
սրբէր իր շրթներէն, բա՛ն մը, կիզիչ և անտեսանելի.
կարծես թէ պատուել կ'ուզէր իր շրթունքը: Դեղեւուն
քայլերով ան յառաջացաւ դէպի դուռը, յետոյ, յան-
կարծական շարժումով մը, ետ եկաւ մինչեւ Իսրայէլի
գաւիթին մուտքին քով և խորանին դարձած, բոլոր
ուժովը նետեց ափ մը արծաթ դրամ, անսահման վշտի
արտայայտութիւնով մը: Դրամները ցրուեցան մար-

մարիոնին վրայ, հնչուն ձայնով մը. այդ ձայնէն ա-
ւելի բարձր պայթեցաւ մարդուն աղիոզորմ ձայնը.
«Արեա՛ն գի՛նը:» Եւ յետոյ ցած ձայնով և դժուարու-
թիւնով աւելցուց, կարծես թէ փնտուելով այն շէշտը՝
զոր ինքը արդէն լսած էր. «Յուզա՛, համբուրելով կը
մատնես Որդին Մարգոյ... համբուրելով:» Մարդուն
ձայնը անհուն քաղցրութեան շէշտ մը ստացած էր:
Սակայն այս սիրով լեցուն բառերուն ազդեցութեան
տակ, յուսահատութեան նոր նուազ մը եկաւ իր վրան
և զոչեց. «Ողջո՛յն քեզ, Վարդա՛պետ,» և մխրձուե-
ցաւ ազօտ կիսաստուերին մէջ, յիմար խնդուքով մը՝
որ հեկեկանքէ մը աւելի կսկծալի էր: Եւ անզգայ քա-
հանաները կը ժողուէին ցրուած դրամները...:

Շուշան վախէն քարացած, լուռ կը մնար: Զար-
հուրելի լոյս մը կը ծագէր իր մտքին մէջ. Յուզա՛ն,
Յուզա Իսկարիովա՛ցին, ուրեմն, ան մատնած էր իր
Վարդապետը: Վայրկեան մը սարսուռ այս հարուածին
սաստկութեան տակ: Յիսուս բռնուա՛ծ էր: Յիսուս
քահանաներուն ձեռքին մէջն էր: Այդ պահուն միայն
ան հասկցաւ թէ՛ մարդ ո՛ր աստիճան կրնայ տառապիլ
առանց մեռնելու: Սակայն երկար չտուեց իր մտքի
այս շուարումը: Քաջասիրտ աղջիկը, յանկարծական
թափով մը, դարձեալ ինքզինքին տէր եղաւ: Ո՞ւր էր
Յիսուս: Ո՞ւր կրնար ըլլալ ան: Ուրեմն Գամաղիէլ
զայն փնտուելու գացած էր գիշերուան մթութեան մէջ:
Ինչո՞ւ լուր մը տուած չէր իրեն: Ի՞նչ պատահած էր
արդեօք երէկուրնէ ի վեր: Շուշան Տաճարէն զուրս
ելած կը յառաջանար անստոյգ քայլերով և հազիւ ինք-
զինքը կանգուն պահելով: Չէր համարձակեր իր բոլոր-
տիքը նայիլ եւ ոչ ալ կը համարձակէր հարցումներ ը-
նել...:

Սակայն մարդոց խումբեր հետզհետէ կը ստուա-

բանային և կ'ուղղուէին դէպի Անտոնիայի աշտարակը՝ որ կը գտնուէր Մորիայի և Տաճարին հիւսիսային կողմը և ուր կը բնակէր Հոովմայեցի կառավարիչը, Պոնտացի Պիղատոս: Անոնք, ծիծաղելով և զիրար հարցաքննելով կ'երթային, դիտելու համար հետաքրքրական տեսարան մը: Քահանաներն ալ խառնուելով այս ամբոխին, կը գրգռէին փողովուրդը սա նենգամիտ խօսքերով՝ որոնք Շուշանի կը յայտնէին սոսկալի իրականութիւնը:

— Այս մարդը ձեզ կը մոլորեցնէր: Մենք ձիշգրտեանն բռնեցինք զայն: Ան, տկար հոգիները կը հրապուրէր իր դիւային հրաշքներովը: Հոովմ շատ շուտ կը յուզուի. մեծ վտանգէ մը ազատած ենք մենք:

Փողովուրդէն շատեր այս խօսքերուն հաւանութեան նշան կուտային իրենց գլուխը շարժելով: Ոմանք ալ կը դողային և ինքզինքնին կը ծածկէին: Շուշան հեռուէն հետեւեցաւ անոնց: Որոշա՛պէս, անոնք կ'երթային հոն՝ ուր Յիսուս տարուած էր:

Շուշան դժուարաւ կը քալէր, գրեթէ անգիտակից իր շուրջը պատահածին: Ոչ մէկը անոր ուշադրութիւն կ'ընէր: Տակաւին իր ականջներուն կը հնչէին անցեալ օրերու սա բացագանչութիւնները. «Ովսաննա՛, Որդի Դա՛ւթի, Օրհնեա՛լ է ան որ Տէրոջը անունովը կ'ուգայ:» Ուրեմն, այդքա՛ն հեռացած և հին օրերու կա՛րգը անցած էին արդէն այն չորս օրերը: Քանի՛ կը յառաջանար Շուշան, այս անգամ ուրիշ աղաղակներ կը լսէր. կատարի աղաղակներ, ատելավառ աղաղակներ, թէև տակաւին անհասկնալի...: Կապաթայի ընդարձակ հրապարակը բազմութիւնով ծածկուած էր: Հոն էր Երուսաղէմի ամբողջ գոհնիկ դասակարգը եւ աւա՛ղ, հոն էին նաեւ մահապատիժ գործադրող պաշտօնեաները. ինչպէս նաեւ Իսրայէլի առաջնորդները, մեծ քա-

հանայապետները, Փարիսեցիները, դպիրները, ամէ՛նքը, ամէ՛նքը, իրենց դէմքերուն վրայ ունենալով դիւային ատելութեան արտայայտութիւն մը: Շուշան հասաւ Հոովմէական շէնքերը շրջապատող սիւներու առաջին շարքին քով և անկիւն մը պահուրտեցաւ բուլբուլին անտեսանելի:

Զօրանոցներու, պալատներու և աշտարակներու հսկայ ամրոցը կը կանգնէր իր առջեւ: Ձիշգ իր դիմացը կը գտնուէր այն շէնքը՝ ուր կը բնակէր Հոովմայեցի կառավարիչը, Երուսաղէմի մէջ իր կարճատև բնակութեան միջոցին: Հոն կը գտնուէր ան հիմա. տօնական օրերու մէջ ան ստիպուած էր Սուրբ Քաղաքը գալ, որովհետև յաճախ խոտովութիւններ կը պատահէին այս անհամար բազմութեան մէջ՝ որ շատ անգամ մէկ միջիոնէ աւելի կ'ըլլար: Հոյակապ պալատ մըն էր իր բնակարանը: Կամարակապ նրբանց մը՝ որ պատշգամի կը նմանէր, կ'երկարէր իւրաքանչիւր յարկերուն երկայնութեամբ: Պալատը միջին երեւոյթ մը ունէր. փակուած ու լուռ:

Աղաղակները վերսկսան հիմա աւելի որոշ, ինչպէս շանթի մը պայթումը. «Ո՞ւ՛ս չը հանէ ատիկա, խա՛չը հանէ ատիկա:» Կիները կը խնդային իրենց բնական եղող Արեւելեան ստրուկներու ցածուութեամբ: Աննա եւ Կայիափա, ամբարտաւան ու գոհ նայուածքներ կ'ուղղէին: Կայիափա դաղտնի գործակալներ զրկած էր ամէն կողմ, և ամէն անգամ որ ասոնք անտարբերներու կը հանդիպէին՝ վերստին կը հնչեցնէին մահուան ահագանգը: Այս ստրուկ հոգիները, բարձրէն տրուած հրամանով կը գործէին: Շուշան կը խորհէր. «Աստուած հեռացա՛ծ է մեզմէ:»

Յանկարծ, առաջին յարկի նրբանցքի մեծ դռներէն մէկը ուժգնօրէն բացուեցաւ, եւ Պիղատոս երևա-

ցաւ վանդակապատին առջեւ: Փոքրակազմ ու թխադէմ մարդ մըն էր ան, մազերը կարճ և շուրջանակի կտրուած՝ Հռովմէական սովորութեան համեմատ: Իր վրան առած էր ծիրանիով եզերուած բուրդէ պատմուձան մը: Ապստամբութեան նմանող այս շարժումը՝ զինքը ձանձրացուցած և նեղած կ'երեւէր: Ան, դաժան ակնարկով մը, բարձրէն դիտեց այս ցնորած ժողովուրդը: Յանկարծական լուծիւն մը տիրած էր ամբոխին վրայ: Պիղատոս խիստ ձայնով մը խօսեցաւ.

— Ահա՛, զանիկա դուրս կը բերեմ ձեզի որ զիտնաք վերջապէս թէ ես անոր վրայ դատապարտութեան արժանի յանցանք մը չեմ գտներ:

Անունովը չիոչեց զայն. անուն տալու պէտք չկար: Երկար ատենէ ի վեր մեծամարտը յատաճ կը տարուէր իր և մարդ կոչուած զազանին միջև՝ որուն ձեռքէն խել կ'ուղէր խեղճ որսը: Քիչ մը մէկ կողմ քաշուեցաւ: Շուշան մրմնջեց. «Աստուած իմ, Աստուած իմ, ազատէ զիս այս ժամէն:»

Պիղատոս նշան մը քրաւ: Անմիջապէս իր ետեւէն լսուեցան տապարաւոր զինուորներուն փութկոտ քայլերը և Յիսուս յառաջ գալով կեցաւ միայնակ, կեդրոնական կամարին տակ:

Յիսուս, իրապէս Յիսուսն էր ան: Գիշերուան սարսափները զինքը այլախոխած էին. սակայն միշտ Ի՛նքն էր, նոյն հեզ մարդարէն...: Անոր ուսերուն վրայ ծիրանի պատմուձան մը ձգած էին. իր մարմինը կը դողդղար տակաւին ձաղկումի տանջանքներէն և իր ամէն մէկ քայլը հետք մը կը թողուր մարմարէ սալայատակին վրայ: Փուշերէ պսակ մը դրուած էր իր գլուխը: Արիւնի կաթիլները, մազերուն մէջէն յամբօրէն կը վազէին իր աստուածային դէմքին վրայ: Ան, վեր վերցուց իր կապուած ձեռքերը, աշխատելով

արբել արիւնն ու արցունքը, որ զինքը կը կուրցնէին. սակայն չկրցաւ երկարել զանոնք մինչեւ իր դէմքը և վար ձգեց իր թեւերը, զարմանալի համակերպութիւնով մը: Խոշտանդումներու մէջէն, նախատինքներու մէջէն՝ Քրիստոսի անպատմելի գեղեցկութիւնը կը ճառագայթէր և իր ամբողջ եւութիւնը, վիշտերու մէջ ընկղմած, կը պահէր իր աստուածային վեհափառութիւնը:

Շուշանի ամբողջ հոգին ապաստանած էր իր այն երկա՛ր նայուածքին մէջ՝ զոր սեւեռած էր Յիսուսի վրայ: Ան տեսած էր Յիսուսը, փառքի մէջ երջանիկ ու յաղթական, առատօրէն ցրուելով հրաշքի չքնաղ ծաղիկները: Ան տեսած էր նաեւ զայն, ազնիւ, խորհրդաւոր և բարձր: Տեսած էր երբ յափշտակուած ամբօխը կը ծափահարէր ու կը գովաբանէր զայն օրհնութեան երգերով: Եւ հիմա... վիրաւորուած, նախատուած, ծաղրու ծանակ եղած այս էակը, տակաւին իր նայուածքին մէջ կը կրէր յաւիտենական ամբողջ գազանիքները: Այս էակը՝ որ կը սարսուար մահուան աղաղակները լսելով՝ որոնք աւելի իր սրտին կ'ազդէին քան թէ իր մարմինին, այս էակը, կը տիրապետէր ամէնուն վրայ և խիստ բարձրէն: Ի՞նչ բանի վրայ կը խորհէր ան այս լուծեան մէջ: Ի՞նչ զօրութիւն զինքը այսպէս հեռու կը պահէր արհամարհոտ ու գոռոզ ըլլալէ և կ'ընէր խաղա՛ղ, համբերատա՛ր ու քաղցր, հակառակ ամբողջ ժողովուրդի մը ուրացումին. նախատինքներուն տակ անոնց՝ զորս ինք կը սիրէր: Շուշան կը մրմնջէր բողբոջի սա բառերը. «Ինչո՞ւ չես լուսաւորեր ատոնք, դո՛ւն, որ ի ծնէ կոյրին աչքերը բացիր: Կամ ինչո՞ւ չես շանթահարեր զանոնք, դո՛ւն, որ Ղազարոսին յարութիւն առնել տուիր: Նշան մը տուր մեզի, նշան մը, որ զիտնանք թէ

Աստուած քեզ երեսէ չէ ձգած: Եւ յետոյ մեռի՛ր եթէ պէտք է որ մեռնիս. սակայն ո՛չ այս նախատինքնեւ ըուն մէջ, ո՛չ այս խուժանին ծաղրանքին նշաւակ...:

Սոսկալի աղաղակ՝ մը բարձրացաւ կրկին. «Վերցո՛ւր, վերցո՛ւր, խա՛չը հանէ ատիկա:» Վայրենի ունում մըն էր այս, կատաղութեան եւ ատելութեան ծայրագոյն աստիճանին հասած:

Յիսուս վայրկեան մը գոցեց իր աչքերը: Յետոյ կրկին բացաւ զանոնք վշտագին սիրոյ աննկարագրելի արտայայտութիւնով մը: Թերեւս ան կ'ուզէր փնտռել բարեկամ սիրտ մը, այս անգուսպ բաղմութեան մէջէն: Թերեւս ան կը համբէր թիւը անոնց՝ որոնք դարերու ընթացքին պիտի դային պաշտելու զինքը՝ իր ծիրանի պատմութեանին տակ, ձեռքերուն մէջ եղէգէ գաւազան մը բռնած...:

Շուշան ծունկի եկաւ դողդոջուն եւ մրմնջեց. «Ով իմ Տէ՛րս, իմ Տէ՛րս, այսօ՛ր աւելի քան երբեք:»

Եւ Պիղատոս ըսաւ պաղտութեամբ.

«Ահա՛ մարդը...:»

ԺԵ

Երբ Շուշան սթափեցաւ, ինքզինքը գտաւ անձանօթ տան մը մէջ: Գամաղիէլ անձկութեամբ ծոած էր անոր մահիճին վրայ ու կը սպասէր անոր զարթնումին: Նախ տրտում նայուածքներ ուզղեց Շուշան իր շուրջը, յետոյ ճանչնալով իր եղբայրը, զայն աւելի մօտ կանչեց իրեն եւ ըսաւ.

— Դո՛ւն ամէն բան ըրիր զայն ազատելու համար, այնպէս չէ՞:

— Ամէն բան, ըսաւ վարդապետը տխրութիւնով, եւ եթէ չյաջողեցայ, դոնէ այն միտթարութիւնը ունինք թէ ան հիմա աւելի քիչ կը տառապի: Դրամի զօրութիւնով, զինուորները յանձն առին թմրեցուցիչ ըմպելի մը տալ անոր, որպէս զի չզգայ իր վերջին չարչարանքները:

— Ան չպի՛տի ընդունի այդ, ըսաւ Շուշան, աչքերը յառած պարապութեան մէջ: Ան կ'ուզի ստուպիկ...:

— Հիմա օրուան վեցերորդ ժամն է մօտաւորապէս եւ դուն նուազած ես գրեթէ այն վայրկեանէն ի վեր երբ ես կապալաթա կը հասնէի: Աշակերտներէս մին այդ միջոցին հոն գտնուելով մեզ հիւրընկալեց:

Շուշան ձիգ մը ըրաւ ինքզինքը վեր բռնելու եւ հարցուց.

— Ո՞ւր խաչեցին զայն:

— Մահապատիժներու սովորական տեղը, Գողգոթայի վրայ, պատասխանեց իր եղբայրը, բայց մի՛ խորհիր այս սոսկալի բաներուն վրայ: Յաւէտ խորհէ՛ թէ լուսաւոր հոգի մըն էր ան, թէ Աստուած անոր աչքերէն բոլոր արցունքները պիտի սրբէ յաւիտեան:

Շուշան դժուարաւ ոտքի ելաւ և ըսաւ.

— Պէտք է որ հո՛ն երթամ:

— Ո՞ւր, հարցուց Գամաղիէլ սարսափահար:

— Յիսուսի քով: Պէ՛տք է որ մեռնելէն առաջ անգամ մըն ալ տեսնեմ զինքը: Ես խոստացած եմ հետեւիլ իրեն և ինքզինքս նուիրել իր գործին:

— Սակայն իր գործը կը մեռնի իրեն հետ, խեղճ պղտիկ, գոչեց Գամաղիէլ: Ո՞ւր կը կարծես որ պիտի ըլլան խաչեալի մը աշակերտները:

— Պէ՛տք է որ հո՛ն երթամ, կրկնեց Շուշան հաստատ որոշումով մը: Ոչ մէկ բան կրնայ արգելել զիս: Պիտի մեռնի ան, եղբայր, կը զգա՞ս թէ ի՞նչ ըսել է ասիկա:

— Սակայն սոսկալի է տեսարանը, դուն չպի՛տի կրնաս տոկալ ատոր: Եւ մանաւանդ պժգալի խուժան մը, Երուսաղէմի ամբողջ ստորին դասակարգը զայն շրջապատած են:

— Պիտի երթամ հո՛ն, հրավառ ածուխներուն վրայէն քալելով, ըսաւ Շուշան մեղմ ձայնով մը: Դուն մի՛ դար: Աւելի պիտի տառապիմ եթէ զգամ որ դո՛ւն հոն ես: Մի՛ վախնար, ես դորաւոր եմ: Գթա ինծի և թոյլ տուր որ երթամ: Ոչ մէկուն խօսքը կրնամ մտիկ ընել... , նոյն իսկ քու խօսքերդ: Եւ չեմ կրնար լա՛լ:

Գամաղիէլ, վախով և արգահատանքով լեցուած, թոյլ տուաւ անոր որ մեկնի, յանձնելով զայն իր ե-

րիտասարդ աշակերտին և ծերունի կնոջ մը՝ որոնք ևս Գողգոթա կ'երթային: Շուշան կը քալէր դէպի մահապատիժն տեղը, նոյն իսկ առանց գիտնալու թէ իրեն ընկերացողներ կային: Ճամբան, որ Անտոնիայի Բերդին ետեւէն մինչև պարիսպին շրջափակը կ'երկարէր շատ նեղ ու քարուտ էր: Դեռատի աղջիկը կը քալէր շատ արագ, աչքերը կիսափակ և որպէս թէ տազնապալի երազի մը մէջ:

Քանի՛ կը մօտենար Գողգոթայի, զարհուրելի և նորանշան երեւոյթներ իրարու կը յաջորդէին: Ոոչոր ամպեր կը կուտակուէին փոթորիկի մը շունչէն հալածուած. մթութիւնը կը թանձրանար հետզհետէ. առանց ճառագայթներու արեւը՝ կարծես թէ այս ստուերին մէջ արիւնի հսկայ բիծ մը կը զնէր. հովին զօրաւոր սոյլերը՝ հեծեծանքներու նման օղբ կը պատուէին. կատաղի մրրիկ մը, փոշիի կուրցնող յորձանքներ յառաջ կը բերէր:

Շուշան և իր ընկերները դժուարաւ կը տեսնէին իրենց հետեւելիք ճամբան. անոնք բնաւ չէին խօսեր: Բլուրին կողին վրայ հաւաքուած մարդիկը՝ որոնք ուրիշի մը տառապիլը աւելի մօտէն տեսնելու հաճոյքը կը վայելէին՝ ապշած և ահաբեկած էին: Շատերը վար կ'իջնէին թաւալազլոր: Շուշան աննշմար անցաւ այս խելակորոյս խումբերուն մէջէն: Ան վերն էր հիմա, Գողգոթա լերան վրայ. հո՛ն, առանց իր աչքերը վեր վերցնել համարձակելու մրմնջեց. «Տէ՛ր, քիչ մը զօրութիւն տուր ինծի:»

Եւ ա՛հա Շուշան ինքզինքը գտաւ կնոջ մը դիմացը՝ որ կայնած էր խաչերէն մէկուն ներքեւ: Շուշան ճանչցաւ Յիսուսի մայրը: Իր որդւոյն իւրաքանչիւր ցաւի գալարումը, կը ցոլանար արցունքներէն ակօսացած իր ամբիծ դէմքին վրայ: Հո՛ն էր

ան, ձեռքերը միացուցած յուսահատութեան մէջ, տեսնելով մեռնիլը իր սիրականին և առանց կարենալու գոնէ իր կուրծքին վրայ կոթնցնել անոր արիւնոտ գլուխը, առանց կարենալու գոնէ արգիլել անոր ուղղուած անգութ խօսքերը, հոն էր Յիսուսի մայրը, իր խաչին տակ կայնած ու զայն կը դիտէր: Եւ Շուշան հասկցաւ թէ Մօրը և Որդիին միջեւ բռտերը կարեւոր չէին, թէ անոնք հոգիէ հոգի կը խօսէին և թէ այս անանուն տագնապը, վայրկեանէ վայրկեան աւելի կը խորունկցնէր իրենց փոխադարձ սէրը...:

Երեք խաչեր ցցուած էին փոթորկալից երկինքին դէմ: Սակայն Շուշան մէկը միայն տեսաւ անոնցմէ, մէկը, որուն վրայ հեզահամբոյր Վարդապետը կը չարչարուէր: Յիսուսի գլուխը իր կուրծքին վրայ ինկած էր և հակառակ իր բազմաթիւ վերքերուն՝ անոր մարմինին կապարի գոյն մը առած ըլլալը որոշ կը տեսնուէր, այնպէս որ Շուշան դողահար հարցուց ինքզինքին թէ ան կ'ապրէ՞ր տակաւին: Ան չէր երեւակայած այս տեսարանին անաւորութիւնը: Փուշերով և խարազաններով բղքտուած մարմինը կ'արիւնէր խաչափայտին վրայ: Եւ անագին գամերով խաչին վրայ գամուած ձեռքերէն ու ոտքերէն կը կաթէին արեան խոշոր կայլակներ. այդ յամբաբար ինկող կաթիլները՝ Շուշանի հոգիին մէջ կը պեղէին վշտի անդունդներ: Այնքան մօտ ըլլալով խաչին, հագիւ կը տեսնէր զայն, որովհետեւ ամենախոր աղջամուղ կը պատէր հիմա ամբողջ երկիրը: Սակայն Շուշան կ'ուզէր Յիսուսի դէմքին նայիլ, ուստի աւելի մօտեցաւ խաչին և մութին մէջէն իր աչքերը վեր բարձրացուց: Արցունքներու և արիւնի մէջէն, Յիսուս իր աստուածային նայուածքը սեւեռած էր իր վրայ, երախտագիտութեամբ և օրհնութեամբ լեցուն:

Աննա, Կայիափա, Սամուէլ, Իսաքար և Քաթերաները ու Ֆապիլները, զաղրելի խուճը մը կազմած էին խաչին մօտ: Անոնք եկած էին նախատելու զայն որ հիմա դամուած կը մնար անպաշտպան՝ անոնց ատելութեան նշաւակ, զո՞նք մը որուն հետ կրնային խազալ մինչեւ իր մահը, հեգնելով եւ արհամարհելով զայն: Անոնք կ'ըսէին.

«Ուրիշները ազատեց ու ինքզինքը չկրնար ազատել:»

«Այդ խաչէն վա՛ր իջիր, և մենք քեզի պիտի հաւատանք:»

«Աստուծոյ յուսացեր է: Հիմա թող Աստուած փրկէ զինքը, քանի որ կ'ըսէր թէ, 'Ես Աստուծոյ Որդին եմ:»

Շուշան սարսուաց ուժգնօրէն: Այս խօսքերը ասկէ առաջ ալ լսած էր, սակայն ո՛ւր: Զարհուրելի լուծութիւն մը պատեց զինքը, նախանշանը բարոյական մեծ ձգնաժամերու. այն լուծութիւնը որ կը սաւառնէր խաւարին վրայ, երբ Աստուծոյ ձայնը հնչեց և լոյսը դուրս ժայթքեցուց խաւարէն, մէկ հզօր բառով մը:

Եւ անա՛ օրհասականի ձայնը բարձրացաւ.

«Աստուած իմ, Աստուած իմ, ինչո՞ւ զիս թողուցիր:»

Շուշանի հոգիին մթութեանը վրայ, տարակոյսին, անստղութեան և սարսափին վրայ, յաւիտենական լոյսը ծագեցաւ: 22րդ սաղմոսը, որ կը սկսէր Քրիստոսի արտասանուած այս բռտերով, յանկարծ հրեղէն գիրերով գրուեցաւ իր առջեւ: Գերազանցօրէն մեսիական սաղմոսն էր ան: Շուշան հի՛մա կը հասկնար անոր նշանակութիւնը. այս ծաղրուած ու նախատուած մարդը՝ որուն անպատմելի ցաւերը կ'երգէր Դաւիթ, Քրիստո՞սն էր, Աստուծոյ Որդի՛ն էր: Ամբողջ Իսրա-

բայելը իր հպարտութիւնովը մոլորած էր: Քրիստոսի թագաւորութիւնը՝ հոգիներու թագաւորութիւնն էր: Շուշան ծունկի եկաւ, կրկնելով պաշտումի սա բառերը. «Ասիկա Մեսիան է, Աստուծոյ Որդին»:» Եւ իր հոգիին խորէն ան կրկնեց հետեւեալ համարները մի առ մի, սրբազան երկիւղածութիւնով մը:

«Ամէն զիս տեսնողները զիս ծաղր կ'ընեն. չըրթունք կը բանան, գլուխ կ'երերցնեն, ըսելով...»

Նոյն միջոցին, սոսկալի զուգադիպութիւնով մը գոռաց Աննայի անգութ ձայնը, անխղճօրէն հարածելով մարդարէական համարը.

«Տէրօջը յուսաց, թող փրկէ անիկա, թող ազատէ՛ զանիկա, ինչու որ անոր հաւնեցաւ:»

Եւ մեծ վարդապետներու աղջիկը շարունակեց.

«Շուները չորս կողմս առին, չարերուն ժողովքը զիս պատեց, ձեռքերս ու ոտքերս ծակեցին:

«Իմ ամէն ոսկորներս կրնամ համրել:»

Եւ ծակծկուած մարմինը աղղու կերպով կ'իրականացնէր այս գրուածները...»

Երբ զինուորները կը զուարճանային խաչեալին շուրջը և անոր հազուստները կը յափշտակէին, Շուշան շարունակեց.

«Իմ հանդերձներս իրենց մէջ բաժնեցին ու պատմուձանիս վրայ վիճակ ձգեցին:»

Գաղտնիքին քօղը պատռած էր այլ եւս. Շուշան խաչին մօտ կը գտնուէր: Ամբողջ տկարութիւնը եւ ամբողջ վախը հեռացած էր իրմէ: Բոլոր մութ բաները լուսաւորուած էին իր առջեւ, յաւիտենականութեան տեսիլքովը: Այն մթութիւնները՝ որոնք զայն կը շրջապատէին, իրեն երեւցան կենդանի ստուերներ: Ասոնք էին մարդոց ոճիրները, հայհոյութիւնները, անէժքները, ապականութիւնը և հպարտութիւնը,

չարութիւնը, նենգամտութիւնը, հաւատքով տկարներու կամաւոր կուրութիւնը, վատերու դասալքութիւնը, բոլոր ստորնութիւնները, բոլոր խայտառակութիւնները, մարդկութեան բոլոր վատութիւնները:

Այս բոլոր գարշելի բաները միանալով, — իրապէ՛ս խոչոր ամպեր, այս փոթորկալից երկինքին վըրայ, — անոնք կ'իյնային մեծ Տառապողին վրայ, իւրաքանչիւրը անոր բերելով որոշ տանջանք մը: Ան ներողամիտ էր ամէնուն և իր անձը նուիրած: Ան իր հոգի՛ն տուած էր մեղքի քաւութեան համար և ասոր համար աշխարհ եկած էր. չարին փրկութիւնն էր այս, փրկանքը՝ զոր Մեսիան կը բերէր իր ժողովուրդին եւ բոլոր մարդկութեան: Ի՛նքը, համակ անմեղութիւնը, ի՛նքը կը կբէր ամօթի ծանրութեան տակ. իր մարմինը կը դողար և իր ցաւոտ գլուխը կը բարձրանար ու կ'իյնար առանց հանգչեցնելու տեղ մը գտնելու: Իր մեծաբաց աչքերը անհնարին օգնութիւն մը կը խնդրէին. ան դժուարաւ մրմնջեց. «Ծարաւ եմ:»

Աւա՛ղ, իր մարմինը, արդէ՛ն ուժասպառ, արդէ՛ն տանջուած, ծարաւի չարչարանքն ալ կուգար աւելնալու այս ամէնուն վրայ: Զինուոր մը, քացախի մէջ թաթխուած սպունգ մը երկարեց իրեն, զոպայի մըշտիկով մը: Յիսուս իր շրթները անոր դպցուց առանց արտնջալու...»

Սակայն երկինք լսած էր այս աղաղակը. «Ծարա՛ւ եմ:» Եւ մարգարէներու աղջիկը կը շարունակէր տեսնել անտեսանելի բաները: Թանձր մութին մէջէն ճառագայթ մը կ'իջնէր և կ'երկարէր մինչև մեծ Մարտիրոսը: Լուսաւոր անհամար երեւոյթներ կը փութային Անոր մօտ այդ ոսկեղէն ալօսին մէջէն. անմեղները, հեղերը, ողորմածները, արդարութեան ծարաւիները, անոնք՝ որ դարերու ընթացքին պիտի սիրէին

Յիսուսը իրենց անձերէն աւելի և պիտի ապրէին ու մեռնէին, օրհնելով անոր անունը: Ասոնցմէ իւրաքանչիւրը մասնաւոր խօսք մը կ'ըսէր մահամերձ Փրկչին: Ասիկա աշխարհի գոհաբանութիւնն էր ուղղուած Անոր՝ որ իրեն համար կը մեռնէր: Ճանազայթը դանդաղօրէն իջաւ խաչին երկայնքէն վար, մինչև լացող կիներու խումբին մօտ, մինչև Շուշանի մօտ և զայն շրջապատեց լուսեղէն պսակով մը: Այս խորհրդազաւոր ճառագայթը, Փրկչին յաւիտենական կոչն էր միանգամայն — կոչ մը՝ զոր ամէնուն կ'ուղղէր — ու նաև երանելի պատասխանը անոնց, որ կ'ըսեն. «Ահա՛ կուգամ»: Շուշան կը խորհէր թէ, անգիտակցաբար, սակայն Վարդապետին սիրովը առաջնորդուած, ինք միշտ քալած էր լուսաւոր արահետէն... Այս աստուածային երանութիւնը եկած էր իրեն, Քուրն-էտտինի օրը, Տէրօջը օրհնեալ շրթներէն՝ որոնք հիմա՝ մահուան գերագոյն սարսուռին հետ կը խառնէին վերջին աղօթք մը: Այս երանութիւնը եկած էր իրեն այն աչքերէն՝ որոնց անջնջելի սէրը՝ ոչ մէկ տանջանք կրցած էր մարել: Այս երանութիւնը կուգար այն սրբառէն որ յուզուած իր վերջին ջղաձգութիւններով, իր ետեւէն կը տանէր բազմութիւն մը անթիւ փրկուածներու՝ իբրև փրկանք իր ցաւերուն:

Եւ իր կուսական աննիւթ սպիտակութեանը մէջ, աչքերը գոցած, Շուշան կը թողար որ իր հոգին հետեւի ճառագայթին...:

.....

Ի՞նչոր անէձքները լոսած էին հիմա: Թշնամիները կը հեռանային: Ոմանք իրենց կուրծքը կը ծեծէին կրկնելով. «Այս մարդը իրապէս Աստուծոյ Որդին էր»: Խաչին տակ կը մնային միայն Յիսուսի մայրը, Մագ-

դաղինացին և Յովհաննէսը: Շուշան Յիսուսէ զատ, ուրիշ մէկը չէր տեսներ:

Իր սիրտը Վարդապետին վիշտին մէջ թաղուած, սակայն յոյսով և հաւատքով գինովցած, ան կ'ուզէր իր արցունքներուն մէջէն մրմնջել սիրոյ երգը՝ ուղղուած Սուրբ օրհասականին, օրօրելու համար անոր հոգեւարքը: Քրիստոսի վերջին նայուածքը կը հանգչէր միմիայն անոնց վրայ՝ զորոնք կը սիրէր: Շուշան կ'ուզէր նաև որ Յիսուս իրեն հետ տանէր միայն աշխարհի ամենաքաղցր խօսքերը. կ'ուզէր որ ան ննջէր խաղաղութեան յաւիտենական բառերովը. կ'ուզէր նաև որ ան ննջէր վստահ իր գործերուն վրայ, գերագոյն հանդիստով մը: Սակայն ան ինքզինքը շատ պղտիկ, շատ ողորմելի կը գտնէր Աստուծոյ սրտին մօտենալու համար: Եւ իր այս անկարողութեանը մէջ, կրկնեց Նոայի հետեւեալ խօսքերը դանդաղօրէն ու մեղմ ձայնով մը.

«Աչքերդ վեր վերցուր և բոլորաթիքդ նայէ՛. քու որդիներդ ժողովուած ու քեզի եկած են:

«Քու որդիներդ հետեւէն պիտի գան և քու աղջիկներդ գրկի մէջ պիտի վերցուին:

«Եւ ազգերը քու լոյսիդ պիտի գան ու թագաւորները քու վրագ ծագած պայծառութեանը:

«Քեզ անարգողներուն որդիները քեզի պիտի գան ու բոլոր անոնք, որոնք քեզ կ'արհամարհէին, քու ոտքերուդ առջև պիտի երկրպագեն:»

Խորին պաշտումով մը, Շուշան համբուրեց խաչեալին արիւնալից օտքերը: Ան երգած էր Անոր յաղթանակը եւ Անոր փառքը: Մէկ խօսք մը միայն կը մնար ըսելիք...:

Վերջին սարսուռով մը ցնցուեցաւ մեռնող Քրիստոսի մարմինը: Եւ ահա՛ Շուշան մարգարէական սա

խօսքերը ուղղեց Անոր՝ որ արդէն կը մեկնէր... այս
աշխարհի միակ խօսքը՝ որ արժանի ըլլար իրեն.

«Ահա անոնք Քեզի պիտի գան հին օրերու սի-
րովը...»

«Անոնք Քեզի պիտի գան, իրենց երիտասարդու-
թեանը մէջ. Քեզի պիտի գան անոնք խորին պաշ-
տումով մը...»

Վ Ե Ր Ձ



« Ազգային գրադարան »



NL0163068

1 p.

Ա Պ 1

Գ Մ

Ս Ս 1 0

Գ Ի Ն 5 0 Դ Ա Յ Ե Կ Ա Ն

Տպարան Արամեյ



